








~~XXXX~~ XIX. 2. 49.

P. VIRGILII
MARONIS BUCOLICA,

P. RAMI ELOQVENTIAE

*& philosophiae professoris Regij
praelectionibus exposita: quibus
poëtae vita praeposita est.*

AD
CAROLVM LOTHARINGVM
CARDINALEM.



PARISIIS,

Apud Andream Wechelum, sub Pegaso, in
vico Bellouaco, Anno Salutis

1555.



P. VIRGILII
MARONIS VITA,
A PETRO RAMO EX
variis authoribus
descripta.

AD

CAROLVM LOTHARINGVM
CARDINALEM.



VBLII Virgilij Maronis o-
pera (Mecœnas) bonis & di-
scēdi cupidis adolescentibus
charissima debent esse, & ad
imitandū imprimis proposita.
Itaque tantum poetam à tam
multis tamque eruditis homi-
nibus certatim explicatū, di-
ligentia quoque nostra expli-
candum putavi. Et sicut in

tanto interpretum numero recentiores, noui semper
aliquid afferre conati sunt: sic ego post illos pro mea
etiam mediocritate certè clariorem & illustriorem re-
rum intelligentiam efficere tentavi, nonnullis partim
reiectis quæ minus idonea, partim additis quæ magis
apta propriæque viderentur: omnibus autem modo &
ratione paulò euidentiore traditis, yt sententiarū noti-
tia pueris faciliior esset, & via plenior ad Virgilij virtu-
tes cognoscendum & amandum. Et quidē quò gratius
initium lētiúsque faciamus, vnde potius meliúsve quàm
ab authoris vita auspicemur? Sic enim virtutum causa



perspecta, fructus earum laudēsq̃e plenius & vberius
 intelligentur. Naturam igitur primū, deinde doctrinā,
 tum mores, postremò ex iis auctoritatem con-
 secutam perspiciamus. In natura, patriam, parentes, to-
 tūmq̃e animi & corporis habitum videamus. Patria,
 vicus obscurus fuit, Andes nomine, prope Mantuam,
 vnde Andinus vates à Silio, & Andrades musā à qui-
 busdam nominatā: nunc verò Pictole dicitur: ne quis
 loci nobilitatem, ingeniorum nobilium perpetuā ma-
 trem existimet esse, nec propterea desperet, si loco igno-
 bili & obscuro natus sit. Rectē nanque, vt apud Cice-
 ronem est, Themistoclem ferunt Seryphio. cuidam in
 iurgio respondisse, cū ille dixisset, non eum sua, sed
 patrię gloria splendorem assecutum. Nec hercle, inquit,
 si ego Seryphius essem, ignobilis essem, nec si tu Athe-
 niensis esses, clarus vnquam fuisses. Parentes, patriā
 etiā obscuriores fuere. Maronem patrem quidam si-
 gulum, plures Magi cuiusdam viatoris initio mercena-
 rium, mox ob industriam, generum fuisse tradiderunt:
 quem cū agriculturę rei que rusticę & gregibus prę-
 fecisset focer, syluis cōmūdis, & apibus curādis pecu-
 liolum amplificauit. Mater Maia nomine. Maro diu vi-
 xit, & tandem cæcus fuit, mater tamen viro videtur su-
 perstes fuisse, & alteri viro nupsisse, ex eoque Proculum
 (de quo Donatus) Virgilij fratrem genuisse: nisi fortē vi-
 dua iam Maroni nupserit. Quicquid sit, satis constat Vir-
 gilij genus patriā obscurius & ignobilius fuisse: vt tan-
 tō magis miremur ignobilis, & patrię & generis tam
 nobilem partum exitisse, & quas vulgus magnorū ho-
 minum, & excellentium: causas præcipuas putat, caus-
 sas sæpe nullas esse, verāmq̃e hominis nobilitatem,
 virtute cū corporis tum animi constare, à fortuna vel
 loci vel generis nihil admodum pendere. De animi na-
 tura nominatim nihil traditur, sed tamen & doctrinam,
 & mores, & ex iis splendorem, præfagia tum per som-
 nium matri, tum nato infanti, tum puerperii religioni
 diuinitus oblata amplissimè demonstrarunt. Maia præ-
 gnans

gnans somniauit se enixam laureum ramum, quem cō-
tacta terra confestim cerneret coaluisse & excreuisse
ilico in speciem maturę arboris, refertæ variis floribus,
ac fructibus: id enim sine dubio Apollinei & Phæbei
partus, id est doctrinæ ostentum fuit: *sua* siquidem (vt
noster hic poëta cecinit) *laurea Phæbo:* & rursus,

-Phæbo sua semper apud me

Munera sunt lauri-

Sequenti somnium illud die, Maia cum marito rus
propinquum petens, ex itinere diuertit, atque in sub-
iecta fossa partu leuata est, Cneo Pompeio Magno, &
Marco Licinio Crasso primùm Consulibus, quibus Ci-
cero designatus Aedilis Verrem accusauit: quo tēpore
ferunt infantem, vt est editus, non vagisse, sed adeò mi-
ti vultu fuisse, vt haud dubiam spem prosperioris geni-
turæ iam tum indicaret: imò verò mitissimos & æquis-
simos animi mores ostenderet. Tertium religionis præ-
sagium longè nobilissimum fuit, & futuræ authoritatis
& gloriæ certissimum indicium. Siquidem virga popu-
lea pro more regionis in puerperiis eodem statim loco
depacta, ita breui coaluit, vt multò antè satas populos
adæquarit: eaque arbor Virgilij ex eo dicta, atque conse-
crata est, summa fœtarum religione suscipientium ibi,
& soluentiū vota: & Maroni nomen Virgilius inde fuit,
vt Caluus illo versu indicat:

Et vates, cui virga dedit memorabile nomen,

Alij tamen Virgilium à virginitate deriuant, vnde &
parthenias dictus est: alij Vergiliū à Vergiliis, quas Ple-
iadas Græci vocant: alij gemino ll; Virgilliū nominant.
Ergo & laureus ramus, & mitis vultus, & proëtera popu-
lus doctrinam & mores & gloriam naturalibus signis
demonstrarunt. Corporis verò statura grādis fuit, aqui-
linus color et subfuscus, valetudo varia, stomachus de-
bilis, caput infirmum et fluxioni sanguinis obnoxium:
appetitus cibi vinique minimus: quæ tamē corporis dif-
ficultates ac molestiæ animum bene natum nequaquā
retardarunt, sed eius virtutes excellentiores approba-

tunt. Atque hæc adhuc in natura memorantur, patria, parentes, animi corporisque naturalis habitus, quibus tanquam fundamentis præclarè positis, virtutum ab iis orti fructus faciliùs cernentur: studia itaque iam videamus. Ad decimum septimum annū Cremonæ eruditus est, & Poëtica primis illis annis cōplexus est: extat enim eius adhuc pueri distichon in Balistam ludi magistrum, ob infamiam latrociniorum coopertum lapidibus:

*Monte sub hoc lapidum tegitur Balista sepultus,
Nocte diēque tuum carpe viator iter.*

Deinde opuscula quædam conscripsit. Culicem certè cū esset annorum quindecim dicitur edidisse: cuius argumentū eiusmodi est: Pastor fatigatus æstu cū sub arbore obdormisset, et serpens ad illum proreperet è palude, culex prouolauit, atque inter duo tempora aculeū pastori infixit. At ille excitatus continuò culicem contriuit, et conspectum serpentē interemit, ac sepulchrum hoc inscripto disticho fecit:

*Parue culex, pecorum custos tibi tale merenti
Funeris officium vitæ pro munere reddit.*

Paulò tamen secus hoc distichon in opusculo ipso legitur. Puerilis igitur ætas in eiusmodi studiis traducta est. Decimoseptimo anno virilem togam sumpsit, illis ipsis Consulibus iterum, quibus natus erat: acciditque ut eo die Lucretius poëta decederet. Mediolanum deinde et Neapolim ad maiores et celebriores scholas profectus, literis Græcis et Latinis summā operam dedit. Doctores eius Orbilius et Scribonius nominantur. Quantum verò profecerit in Grāmaticis et Rhetoricis, declarāt in eius operibus orationis puritas et ornatus: quin de actione nominatim ita Donatus: Pronunciauit (ait) maxima cum suauitate et miris lenociniis. Seneca tradidit Iulium Montanū poëtam solitū dicere, vi ablatum se quædam Virgilio, si et vocē posset et os et hypocrisin. Eosdem enim versus eo pronunciante bene sonare, sine illo inarescere quasi mutos. Quod postea Martialis in suorum librorum furem vsurpauit:

Quem

Quem recitas, meus est (o Fidentine) libellus:

Sed malè cùm recitas incipit esse tuus.

Causam tamen duntaxat vnâ egit: & Melissus ait Virgilium sermone tardissimum, & prope indocto similem fuisse: quod tamen ad summam hominis modestiam (de qua postea) referendum est, nō ad vllam ignorantiam: vel natura potius ab agendis causis ad poëticam reuocatus est. Rectè nanque Horatius,

Naturam expellas furca, tamen vsque recurret.

Et Ouidius de re consimili quarto Tristium:

Sponte sua carmen numeros veniebat ad aptos,

Et quod tentabam scribere, versus erat.

Maius in mathematicis & physicis eius studium fuit: In astrologia maximè, quod secūdo Georgico testatum est illis versibus,

Me verò primùm dulces ante omnia musæ,

(Quarum sacra fero ingenti percussus amore)

Accipiant, cællique vias & sidera monstrant:

Defectus solis varios, lunæque labores:

Vnde tremor terris, qua vi maria alta tumescant

Obicibus ruptis, rursusque in seipsa residunt:

Quid tantum Oceano properent se tingere soles

Hyberni, vel quæ tardis mora noctibus obstet.

Sed & philosophiæ nulla non modò pars, sed ne secta quidem ab eoidetur ignorata. Epicuream à Silone didicit, & ecloga sexta celebrauit: Stoicas item, sed imprimis Academicas sententias variè pro rerū natura adhibuit: sed & medicinæ præcipuam operam nauauit. Atque hæc tam multa tot artium doctrinarumque studia conformandi poëtæ præcipua adiumenta fuerunt: rectèque Horatius in arte poëtica,

Scribendi rectè, sapere est principium & fons:

Rem tibi Socratica poterunt ostendere chartæ:

Verbæque prouisam rem non inuita sequuntur.

Excelluit Homerus in Græcia: id non naturâ potiùs affectus est, quàm magna & recondita variarum rerū doctrinâ, magnâque diligentia & industria: consimilem

in Italia laudem, & quidem consimili caussa Virgilius tulit. Præstat vnus longè ceteris Franciæ nostræ poëtis Frâncici carminis vbertate quadam magnifica verèque Pindarica Petrus Ronfardus: nec præstantiæ suæ fructum putabit vnquam à natura sibi datum potius quàm poëtis omnium generum, sed græcis maximè legendis & imitâdis acquisitum. Denique magnus poëta nemo nascitur, sed cognitione rerum vsuque conformatur & absolvitur. Sed pergamus, studiâque Maronis & doctrinâ persequamur. Interim Pharsalico prælio (falsò enim Actiacû hîc Seruius putat) Brutus Cassiûsque, ab Antonio & Octauio victi sunt: victarum partium agri Veteranis diuisi: & quia non sufficerent, Mantuani etiam (tantùm quia vicini essent) eandem calamitatem sunt experti. Virgilius igitur his artibus, quas dixi, informatus, Romam spe recuperandi patrimonij confugit. Primus ad fortunam introitus ex medicina veterinaria fuit, qua sibi in aula Cæsaris magistrum equorum conciliauit, cùm multis & variis morbis equos curaret: nam ille in mercedem singulis diebus panes Virgilio vt vni ex stabulariis dari iussit: Secundus gradus è mathematicis & philosophia fuit ad ampliores opes. Interea siquidem à Crotoniatis pullus miræ pulchritudinis Cæsari dono missus est, qui omnium iudicio spem portendebat virtutis & celeritatis immensæ: Hûc cû aspexisset Maro, magistro stabuli natû esse ex morbose equa prædixit, nec viribus valiturum nec celeritate: idque euêtu approbatû est: Quod cùm stabuli magister Augusto recitasset, duplicari ipsi in mercedē panes iussit. Cùm itē ex Hispania Augusto canes dono mitterentur, Virgilius quæ parētû natura fuisset, exposuit, celeritatēque sobolis futuram prædixit: quo cognito, Cæsar panes augeri iussit. Ita Virgilius veterinariæ auxilio primos panes, sed secundos & tertios mathematicæ & philosophicæ doctrinæ studio sibi parauit. Atque hi panes lautiorû mox epularû mēsas ei parauere: Dubitauit enim Cæsar utrû Octauij filius esset, an alterius: audierat enī (quod

(quod à Suetonio traditur) Acciam matrem, cùm ad solenne Apollinis sacrum media nocte venisset, posita in templo lectica, dum cæteræ matronæ dormirent, obdormisse, draconemque repètè irrepsisse ad eam, paulòque post egressum, illamque expergescitam, quasi à concubitu mariti purificasse se, & statim in corpore eius extitisse maculam veluti depicti draconis, nec potuisse unquam eximi: adeò vt mox publicis balneis abstinerit. Augustum natum mense decimo, & ob hoc Apollinis filium existimatũ: & cœna *δευδεκαήλιος* id Octauium credidisse testatur: in qua cõuiuæ deorũ dearũque habitu discubuerunt: ipse pro Apolline ornatus fuit. Cùm igitur Virgilius videretur hominum genus & parentes nosse, quia equorum & canum genus & parentes nosset, remotis omnibus arbitris, illum in interiorem partẽ domus vocat, & solum rogat, An sciat quisnam esset, & quam ad fortunandos homines facultatem haberet: Noui, inquit Maro, te Cæsarem esse, & fermè equam cũ diis immortalibus potestatem habere, vt quemuis fortunatum facias. Tum Cæsar: Eo animo sum, vt si verum pro rogatu dixeris, beatum te fœlicemque reddam. Vtinam, ait Maro, interroganti tibi, vera dicere queam. Putant, inquit Cæsar, alij me natum Octauio: quidam suspicantur alio patre me genitum. Maro itaque subridens: Si impunè, inquit, ac licenter quæ sentio, loqui iubes, facilè dicam. affirmat Cæsar iureiurando. nullum eius dictum egrè laturum, imò non nisi donatum ab eo discessurum. Tum intentis oculis Cæsarem contuetur & contemplatur, tandèmq; ait: Faciliùs in cæteris animalibus, Cæsar, qualitates parentum à mathematicis, & philosophis cognosci possunt: in homine nequaquam possunt: sed de te coniecturam habeo similem veri vt quid exercuerit pater tuus, scire possim. Attentè expectabat Octauius quidnam diceret. At ille: Quantum ego rem intelligere possum, pistoris filius es. Obstupuit Cæsar, & quonam id pacto fieri potuerit, animo voluebat: fortasse meminerat quod ab Antonio & Cassio ho-

stibus obiectum est (vt ait Suetonius) proauum matrum, Ariciæ pistrinum exercuisse. Interrumpens Virgilius: Audi (inquit) quo pacto id coniicio: Cùm quædā enuntiarim prædixerimque, quæ intelligi sciri que non nisi ab hominibus eruditissimis summisque viris viderentur, princeps orbis iterum atque iterū panes in mercedem dari iussisti: quod quidem, aut pistoris, aut nati pistore officiū erat. Placuit Cæsari facetia: At deinceps (inquit Cæsar) non à pistore, sed à rege magnanimo dona feres: illūque plurimi fecit & Pollioni commendauit, per quem postea Trāspadanę prouinciæ præfectum agros poëta præcipuè recuperauit: nec iam Virgilius inter stabularios, sed familiares & amicos Cæsaris habitus est. Atque illi tum fuit ætatis annus vicesimus octauus, aut nonus (varia enim hîc est Seruij in Bucolicis & Aeneide opinio) quo Virgilius paternis agris restitutus multò etiam maioribus auctus, bene de se meritis gratiam referre instituit. Itaque Octauij imprimis, tum etiā Pollionis & Vari & Galli & Mecœnatis laudes meditari cœpit: res Romanas primò inchoauit, sed offensus materia & nominum asperitate, ad Bucolica se contulit, eaque triennio perfecit ad imitationem Theocriti: tâto successu, vt in scena quoque per cantores crebra pronuntiatione recitarentur: Atque cùm Cicero versus quosdam audisset, & statim acri iudicio intellexisset nō communi vena editos, iussit ab initio totam eclogam recitari. quam cùm accuratè pernotasset, in fine ait,

- *Magnæ spes altera Romæ.*

Quasi ipse linguæ latinæ spes prima fuisset, & Maro futurus esset secunda: quæ verba postea Aeneidi inseruit. Sic enim duodecimo libro Aeneidos,

Hic pater Aeneas Romanæ stirpis origo,

Et iuxta Ascanius, magnæ spes altera Romæ.

Hoc Donatus affirmat, sed chronologia repugnat: quatuor enī aut quinque annis antea iam Cicero triuuirali p̄scriptione perierat: verisimilius est quod à Cornelio Tacito scribitur: tamen si de Bucolicis nominatim id non

id non dicitur. Malo (ait) securum & secretū Virgilii recessum, in quo tamen neque apud diuum Augustū gratia caruit, neque apud populum Romanū notitia. Testes Augusti epistolæ: testis ipse populus, qui auditis in theatro versibus Virgilij, surrexit vniuersus, & fortē pręsentem spectantēque Virgilium veneratus est, velut Augustum. Georgica septem annis composita Mæcœnati dicauit: quæ dum scriberet, traditur quotidie meditatus manē versus plurimos dictare solitus, ac per totum diem retractando, ad paucissimos redigere: cum nō absurdē diceret, carmen se versæ more pārere, & lambendo demum effingere. Ea, reuerso ab Actiaca victoria Augusto, atque reficiendarum virium causā Atellæ commoranti, continuum quatrimum legit, suscipiente Mæcœnate legendi vicē, quoties Virgilius interPELLARETUR vocis offensione. Nouissimē autem Aeneidem aggressus est, argumentum varium ac multiplex est, & quasi amborum Homeri carminū instar: præterea nominibus ac rebus Græcis latinisque commune, & in quo (quod maximē studebat) Romanæ simul vr̄bis, & Augusti origo contineretur. Eam soluta prius oratione formatam digestamque, in duodecim libros particulatim componere instituit, vt quidam tradūt: alij putant eum, si diutius vixisset, quatuor & viginti libros, vsque ad Augusti tempora fuisse scripturum, atque alia quidem percursurū, Augusti verō res gestas diligentissimē persecuturum: quippe qui dum scriberet, ne quid impetum moraretur, quædā imperfecta reliquit: alia leuissimis versibus scripsit, quos per iocum pro tigillis & tibicinibus interponi a se dicebat ad sustinendum opus, donec solidæ columnę aduenirēt. In hoc opere secutus est ē Græcis Parthemīū, Pisandrū, Apolloniū, & imprimis Homerū: ē Latinis Qu. Ennium, Liuium Andronicū, Næuiū, Lucretiū. Aeneidos autem vixdum inchoatæ tāta extitit fama, vt Sextus Propertius non dubitarit sic prædicare:

Cedite Romani scriptores, cedite Graui:

Nescio quid maius nascitur Iliade.

Augustus verò cùm iam fortè expeditione Cantabrica abesset, & supplicibus atque minacibus per iocum literis efflagitaret, vt sibi de Aeneide (vt ipsius verba sũt) vel prima carminis hypographa, vel quodlibet colon mitteret, ita respõdit Virgilius: De Aenea quidem meo si mehercule iam dignum auribus tuis haberem, libèter mitterem: sed tanta inchoata res, vt penè vitio mētis tantum opus ingressus esse uidear, cùm præsertim, vt scis, alia quoque studia, multòque potiora impertiar. Quibus verbis significauit Virgilius, quantum vigiliarum posuerit in hoc opere absoluendo: Cæsari tamen multò, pòst perfecta demum materia, tres omnino libros recitauit, secundum, quartum, sextũ: sed hunc præcipuè Octauia gratia: quæ cùm recitationi iuinteresset, ad illos de filio suo versus,

Tu Marcellus eris-

defecisse dicitur: atque ægrè recreata, dena sestertia p singulis versibus Virgilio dari iussit. Recitauit pluribus, sed neque frequenter, & fermè illa, de quibus ambigebat, quò magis hominum iudicium experiretur. Erotem librarium eius & libertum exactè iam senectutis tradunt referre solitum, quondam in recitando, eum duos dimidiatos versus complexisse ex tempore:

Misenum Aeolidem (adiecisse) *quo non præstantior*
alter: item huic

Acre ciere viros (simili calore iactatum subiunxisse) *maritumque accendere cantu,*

statimque sibi imperasse, vt utrũque volumini ascriberet. Atque hæc de studiis eius deque doctrina memorantur, quibus mores bonitatis & virtutis laude nihilo sunt inferiores: temperantia, patientia, & in suo cuique distribuendo iustitia: temperantia nãque & ore & animo tanta fuit, vt Neapoli Parthenias, ἀκὴ τῆς παρθενίας, à virginitate vulgo diceretur: alii tamen putant sic appellatum, quòd Partheno, id est, Neapoli viueret. Iactatum est enim cū consueuisse cū Plotia Hieria: sed Asconius Pædianus affirmat ipsum postea maioribus natu narrare solitum,

re solitum, inuitatum quidem se à Varo ad cōmunionē mulieris, verū pertinacissimè recusasse. quin si quando Romæ (quo rarissimè conueniebat) viseretur in publico, sectantes demonstrantēque se, subterfugere solitū in proximum tectū, vt maior in virgine pudor optari vix potuerit. Patientiam verò animique fortitudinē, nō illam quidē militarē, sed Philosophicā & Socraticā magnā habuit: in ferēdis autem malis, demonstrauit illud, quoddā amissis rebus nō desperarit. Sed in refellendis cōstantiā sequentia demōstrabunt. Cū quidā eius amicus, maledicta Cornificij & conuitia in se narraret. Quā putas (inquit) esse huiusce maleuolētiae causam? nā neque vnquam Cornificium offendi, & eū amo: an (inquit ille) Hesiodi sententiā non meministi? vbi ait fabrum fabro, & poētā poētæ inuidere: De malis (inquit Virgilius) græcus ille intellexit: nam boni, meliores & eruditores amant: Sed magna cum mea laude & gloria vindictā in manu habeo: maiore enim cura animū ad virtutem intendā: atque quō elegantior ego fiam, eō vehementius inuidia rūpetur. De Batyllo poēta festiuus etiā illud, multoque gratius. Cū enim Virgilius distichon illud,

(Nocte pluit tota, redeunt spectacula manē:

Diuisum imperium cum Ioue Cæsar habet)

in Augusti laudem fecisset: idque valuis Augusti sine authoris nomine affixisset, diu queritās Augustus cuiusnam hi versus essent, eorum authorem non inueniebat. Batyllus verò quidam poēta mediocris, tacentibus aliis sibi arrogauit: quamobrem donatus honoratūque à Cæsare fuit: quod æquo animo non ferens Virgilius, iisdem valuis affixit quater hoc principium: (*Sic vos non vobis:*) postulabat Augustus vt hi versus complerentur, quod cū frustra aliqui conati essent, Virgilius præposito hoc disticho sic absoluit,

Hos ego versiculos feci, tulit alter honores:

Sic vos non vobis nidificatis aues:

Sic vos non vobis vellera fertis oves:

Sic vos non vobis mellificatis apes:

Sic vos non vobis fertis aratra boues.

Quo cognito Baryllus aliquandiu Romæ fabula fuit: Maro autem clarior & illustrior. Ergo vt in ferendis cõtumeliis & iniuriis semper, sic in refellendis interdum magnanimus ac fortis fuit. Sed maximũ illud & longẽ magnificentissimũ de Filisto. Erat autem Filistus orator & poëta mediocris, Augusto familiaris, multiplici, varioque ingenio, qui omniũ omnia dicta reprehẽdere conabatur: non vt verũ dignosceret (quod Socrates facere cõsuevit) sed vt eruditior videretur. Hic Virgilium vbi-
cunque deprehendisset, maledictis salibúsque vexabat: quare ille sæpe tacitus discedebat, aut rubore perfusus tacebat. Verũ cum Augusto audiẽte, elinguem illũ diceret, & caussam etiã si linguã haberet, defendere nõ posse: Tace (inquit Virgilius) ô rabula, hæc mea taciturnitas, defensorem caussarum mearũ Augustũ fecit, & Mecœnatẽ, & ea tuba, cum lubet, cano, cuius sonus longissimẽ & iucundissime exauditur: tu loquacitate tua non modò aures hominũ, sed muros obtundis. Augustus vero cõmotus Filistũ vultu graui coarguit. Tũ Virgilius: Si tempus, Cæsar, tacendi hic sciret, rarò loqueretur: tacendum enim semper est, nisi cum taciturnitas tibi noceat, aut oratio aliis prosit: nam qui contendit, & vtrum sua sibi contentio profutura sit, ignorat, stultis illũ annumerandũ sapientes putant. Neque verò virtutem hanc, vita & factis solũ, sed dictis etiam celebrauit: solitus enim erat dicere, nullam virtutem cõmodiorem homini esse patientia: ac nullam asperam adeò esse fortunã, quam prudẽter patiẽdo vir fortis non vincat: eamque sententiam quinto Aeneidos inseruit,

Nate dea, quò fata trahunt, retrahuntque sequamur,

Quicquid erit, superanda omnis fortuna ferendo est.

Atque hæc patientiæ certa sunt argumẽta. Liberalitas autem, & charitas (quæ summa tum naturæ, tum studiorum, tum morũ iustitia est) in propinquos, adeoque bonos omnes eximia fuit. Possedit propè cõtines HS: habuitque Romæ domũ in Aesquiliis iuxta hortos Mecœnatis,

cœnatis, quâquâ secessu Căpanię & Sicilię plurimū vte-
 retur. Quicquid ab Augusto petiit, impetrauit: quędam
 etiam vltro oblata recusauit, vt bona cuiusdam exulis.
 Atque iis facultatibus parentes, quos iam natu grandis
 amisit, & ex iis patrem oculis captum, & duos fratres
 germanos, Silonē impuberem, & Flaccum, & ex altero
 patre Valeriū Proculū liberaliter iuuit & ornauit. Asco-
 nius Pædianus refert benignū cultorēque omniū bo-
 norū atque eruditorum fuisse, vsque adeo inuidia vacuū
 & alienum, vt alienis benedictis aut scriptis nō minus
 gauderet, quā suis: neminē vituperare, laudare bonos.
 Cū is aliquādo Enniū legeret, & interrogaretur quid-
 nam ageret, respondit se aurum colligere ē stercore En-
 nij: habet enim poëta ille egregias sententias, sed verbis
 non multū ornatis. Denique ea humanitate fuit, vt qui-
 uis, nisi fortē peruersissimus, illum non solum diligeret,
 sed amaret: nihil proprij habere videbatur: eius biblio-
 theca non minus omnibus doctis patebat, quā ipsi: il-
 ludque Eupididis frequenter vsurpabat, τὰ πῶν φίλων
 κοινά, res amicorū cōmunes. Quare æquales poëtas om-
 nes ita sibi coniunctos habuit, vt licet inter se inuidia
 flagrarent, illum tamen omnes colerent. Tantę verō li-
 beralitatis expertes, ne serui eius quidem fuere, sed præ-
 cipuē Alexāder & Cebes, quorū vtrunque non inerudi-
 tum dimisit: nam Alexandrum grammaticum, Cebetē
 etiam poëtam fecit. Atque hic mitis ille sine vagitu vul-
 tus, & aspectus nimirum fuit, qui tam modestos, tam cō-
 stantes, tam æquabiles mores futuros ostenderet. Qua-
 propter tam magna doctrine studia, tam amabiles tam-
 que populares mores, incredibilē quandam apud Augu-
 sti familiares, atque imprimis Augustum ipsum autori-
 tatē peperere: adeo vt iam summis de rebus Virgilius,
 non vt humanus poëta, sed vt diuinus vates aliquis au-
 diretur. Interroganti Meccœnati quid satietatē homini
 non afferret: Omnium rerum similitudo (ait Virgilius)
 & copia, exceptā sapiētīā, satietatem affert. Quo pacto
 (idē rogauit) quis altā fœlicēmque fortunā seruare po-
 test:

test? Si (respondit Maro) quantò honore ac diuitiis præstet, tantò liberalitate & iustitia præstantior esse contēdat. Sed politicæ illæ quæstiones Cæsaris, longè grauiorē hominis auctoritatem ostentāt. Interroganti Augusto quo pacto ciuitas feliciter gubernaretur: Si prudentiores (ait Virgilius) temonem tenuerint, & boni malis præponantur: Itaque optimi suos habeāt honores, cæteris iniuria nulla fiat. Platonici hoc respōsū est, sed multò magis illud. Posteaquā Augustus summa rerū potitus est, de reddēda Republica bis cogitauit (ait Suetonius) primò, post oppressum statim Antonium; memor obiectum sibi ab eo sapius, quasi per ipsum staret, ne redderetur: ac rursus tædio diuturnę valetudinis: Cū etiam magistratibus ac senatu domū accitis, ratiocinariū imperij tradidit: sed reputans & se priuatum non sine periculo fore, & illā plurium arbitrio temerè cōmitti, in retinēda perseuerauit. In illarū igitur cogitationū deliberatione diuersę sententię Agrippę & Mecænatis fuerunt: ille deponēdam tyrannidē, hic retinendā variis argumentis suasere. Quare Augusti animus huc & illuc ferebatur. Rogauit itaque Maronē, an conferret homini priuato, se in sua Republica tyrannū facere: tum ille: Omnibus ferme (inquit) Rēpublicā occupātibus, molesta ipsa tyrannis fuit, quia necesse erat propter odia subditorum, in magna suspicione magnoque timore viuere: sed si ciues iustum aliquē scirent, quem amarent plurimū, ciuitati id vtile esse, si in eo vno omnis potestas foret. Quare si iustitiam, quod modò facis, omnibus in rebus, sine vlla ciuium offensione atque iniuria coles, dominatus & tibi & orbi conducet: beneuolentiam enim omniū tibi conciliabis, tēque tanquam deū venerabuntur & colent. Sic Virgilius imperatori orbis terrarum maximo, maximā & pulcherrimā imperandi formā probauit: & Augustus eo consilio permotus, cū summa & sua laude, & orbis salute diutissimè postea regnauit & imperauit: vt Augusto Virgilius, tanquā bonus Genius, & custos, diuinitus oblatus esse videatur. Tandem

verò

verò quinquagesimo ætatis anno, vt vltimã manũ Aeneidi imponeret, statuit in Græciã & Asiã secedere triennio, cõtinuòque omnẽ operam emendationi dare, vt in reliqua vita tãtũ philosophiæ vacaret: sed cùm aggressus iter, Athenis occurrisset Augusto ab oriente Romã reuertenti, vnã cum Cæsare redire destinauit: at cùm Megaram vicinũ Athenis oppidũ visendi gratia peteret, in langorẽ incidit, quẽ non intermissa nauigatio auxit: ita vt grauior in dies tandẽ Brundisium aduentarit. Itaque cùm grauari morbo se se sentiret, scriinia sæpe & vehementer efflagitauit, crematurus Aeneida: quibus negatis, testamento cõburi iussit, vt rem non emendatã, imperfectãque. Verũ Tuca & Varus monuerũt, id Augustum non permissurũ: tunc eidẽ Varo, simul & Tuccæ scripta sua legauit, ea conditione, ne quid ederent, quod à se non esset editũ, & versus etiam imperfectos, si qui essent, relinquerent: voluit etiã ossa sua Neapolin transferri, vbi diutissimẽ, & suauissimẽ vixerat: ac extrema vultudine hoc ipse sibi epitaphium fecit:

*Mantua me genuit, Calabri rapuere, tenet nunc
Parthenope, cecini pascua, rura, duces.*

Obit igitur Brundisij, decimo Calendas Octobris, Cneo Plancio, & Lucilio Cõsulibus: eiũsque ossa Neapolin, Augusti iussu trãslata sunt, sepultaque, via Puteolana, & eius sepulchro epitaphiũ illud inscriptũ. Deinde Varus & Tuca Aeneiden, vt petiuerat, Augusti iussu emẽdarũt: nullius enĩ sententiã, crematu digna Aeneis visa est: qua de re vulgati sunt illi versus, qui referuntur ab antiquis grammaticis ad Augustum:

*Ergone supremis potuit vox improba verbis
Tam dirum mandare nefas? ergo ibit in ignes,
Magnaque doctiloqui morietur musa Maronis?
Ah scelus indignum! soluetur littera diues.
Et poterunt spectare oculi? nec parcere honori
Flamma suo? dignũque operis seruare decorem?
Noster Apollo veta, musæ prohibete latinae:
Liber & alma Ceres succurrite: vester in armis*

Miles.

Miles erat, vester, docilis per rura colonus:
 Nam docuit quid ver ageret, quid cogeret æstas:
 Quid daret autumnus, quid bruma nouissima ferret:
 Arua reformauit, sociauit vitibus vltimos:
 Curauit pecudes, apibus sua castra dicauit:
 Hæc dedit vt pereant? ipsum, si dicere fas est.
 Sed legum seruanda fides: suprema voluntas
 Quod mandat, fierique iubet, parère necesse est.
 Frangatur potius legum veneranda potestas,
 Quàm tot congestos noctesque diésque labores,
 Hausserit vna dies, supremaque iussa parentis
 Amittant vigilasse suum: si fortè furenti
 Errauit in morte dolor, si lingua locuta est
 Nescio quid, titubante animo, non sponte, sed altis
 Expugnata malis, odio langoris iniqui:
 Si mens cæca fuit, iterum sentire ruinas
 Troia suas? iterum cogetur reddere voces?
 Ardebit miseræ post vulnera vulnus Elisæ?
 Hoc opus æternum ruet? & tot bella, tot enses
 In cineres dabit hora nocens, & perfidus error?
 Huc huc pierides, nemorum per lustra loquaces,
 Tendite, & ardentes ignes fluminalibus vndis
 Mergite, ne pereat tam clari musa poëtæ:
 Flammæque vane scat, viuat Maro clarus in orbe,
 Ingratusque sibi, sed quod malè iusserat ipse,
 Sit vetuisse meum: sacer est post tempora vitæ,
 Sicque erit æternum tota resonante camæna,
 Carmen & imperij diui sub nomine viuat:
 Laudetur, placeat, vigeat, relegatur, ametur.
 Extant de eadem re, Sulpitij Carthaginiciensis versus,
 Iusserat hæc rapidis aboleri carmina flammis
 Virgilius, Phrygium quæ cecinere ducem.
 Tucca vetat, Variusque simul, tu maxime Casar
 Non sinis, & Latine consulis historiæ.
 Infelix gemino cecidit propè Pergamon igni,
 Et penè est alio Troia cremata rogo.
 Hoc idè Plinius libri septimi capite tricesimo, Diuus
 Augustus

Augustus(ait) carmina Virgilij cremari, contra testamēti eius verecundiam vetuit: maiúsque ita vati testimonium contigit, quàm si ipse sua carmina probauisset. Hæc eorū tēporū de Virgilio iudicia fuerūt: varia tamē fuerunt consequentium seculorum. Caligula eius scripta, & imagines, parū abfuit, quin ex omnibus bibliothecis amouerit, quem vt nullius ingenij minimæque doctrinæ carpebat. Adrianus Ennio postposuit: Alexāder poëtarū Platonē appellauit: In Bucolicis duas eclogas sed insulsiſſimē Paro quidā deridet, & sic deridēdo incipit.

Tityre si toga calda tibi est, quo tegmine sagi?

In sequente autem,

Dic mihi Damœta, cuium pecus? anne latinum?

Non, verūm Acronis: nostri sic rure loquuntur.

Item alio recitante ē Georgico,

Nudus ara, scire nudus (subiecit) habebis frigore febrim.

Est & aduersus Aeneida liber Carbilij Pictoris, titulo Aeneidomastyx. Marcus Vipranus eum à Mæcenate suppositum appellabat, nouæ & peruersæ imitationis repertorem, neque tumidum, neque exilem, sed communibus verbis opus illud cōfecisse dictitabat. Herennius vitia eius tantum contraxit, Perilius Faustinus furti. Sunt & Octauij Auiti volumina, quibus annotantur quos & vnde versus transtulerit. Asconius libro quem contra obrectatores Virgilij scripsit, pauca ei admodum obiecta ponit, & potissimum quod non rectè historiam cōtexuit, & quod plerāque ab Homero sumpsit. Sed his reprehensionibus, vt periculis virtus solet, Virgilij claritas maior apparuit: cum in tot tamque variis operibus, tam exigua materia reprehensionis fuisse videatur. Atque hæc nimirum populea virga fuit inter cæteras poëtarum populos tantum eminens, quantum (vt poëta ipse cecinit,)

-Lenta solent inter viburna, cupressi:

Quamobrem Virgilij vita nobis adhuc exposita est, vt animis nostris infixū & impressum teneamus magnas hominū excellentes virtutes nō incunabulis & magnis opibus

opibus nasci, sed diligentia, labore, vigilantia, tanquam parente procreari: deinde, vt Maronis exemplo & factis compendariam virtutis viam noscamus, vt Virgilianam laurum illam refertam floribus ac fructibus variis suspiciamus, & quidem tot talesque fructus, singulari suauissimi numeri voluptate conditos, non solú studio conficiamus, sed meditatione & vsu concoquamus, vt Virgilij mitem illum vultum, adeoque temperantiam, constantiam, iustitiam imitemur: vt Virgilij proceram illam populum, non iam fortis mulieribus, sed ingeniis amore laudandarum disciplinarum grauidis consecratam putemus, ad eamque studiorum nostrorum vota, & suscipiamus, & persoluamus. Denique vt Virgilius (sicut Augustus ille Virgilianus verissimè & utilissimè monuit)

Laudetur, vigeat, placeat, relegatur, ametur.


Errata sic corrigito.

Folio. i. pa. 1. lin. 7. diceres. fol. 3. pa. 1. lin. 14. Misi. fo. 5. p. 1. l. 24. meridiem. 7. 2. 17. Gaurus. 10. 1. 19. serpyllumque. 12. 1. 31. πονη. 15. 1. 3. ὀδὸν ἀσπύνη. 19. 1. 21. eruo. 20. 1. 4. Quod. 21. 1. 29. quale. 38. 1. 12. cantilenam. 38. 2. 20. Non vlli] 50. 1. 21. Catullus. 63. 1. 29. limen. 63. 2. 7. in omni fronte. 27. vt mei ob. 66. 1. 11. vsi, id est. 72. 2. 19. cynus.

P. VIRGILII
MARONIS BVCOLICA,

P. RAMI ELOQVENTIÆ ET

*philosophiæ professoris Regij
prælectionibus exposita.*



ASTORVM genera tria sunt, *αἰπόλοι*,
ποιμένες, *βουκόλοι*: caprarij, opiliones, bu-
bulci, ait Donatus: imò etiam plura, ut
sunt porcorum, equorum & animantiũ
reliquarum custodes: per synecdochen
ex specie genus appellatur *βουκολικόν*,
tanquam diceret bubulum pro pastoralis: & *βουκολικά*,
intellige *ἔπη*, carmina. In cuius autem numinis hono-
rem id primò cantatum sit, varia interpretum opinio est:
alij Dianam, alij Apollinem Nomium, alij deos alios no-
minant, nec ad intelligendum poetam id attinet.

ECLOGA PRIMA.

Tityrus.

Melibæus.

Tityrus.

Tityre tu patula recubās sub tegmine fagi,
Sylvestre tenui musam meditaris auena:
Nos patriæ fines, & dulcia linquimus arua:
Nos patriā fugim⁹: tu Tityre lætus in vmbra

A

- Formosā resonare doces Amaryllida sylvas. 5
 TIT. O Melibœe, deus nobis hæc oia fecit:
 Nanque erit ille mihi semper deus: illius arā
 Sæpe tener nostris ab ouilibus imbuet agnus.
 Ille meas errare boues, ut cernis, & ipsum
 Ludere, quæ vellem, calamo permisit agresti. 10
 ME. Nō equidē inuideo, miror magis, vndiq; totis
 Vsq; adeo turbatur agris. en ipse capellas
 Protenus ager ago: hæc etiā vix Tityre duco:
 Hic inter densas corylos modò nāq; gemellos,
 Spē gregis, ah silice in nuda connixa reliquit. 15
 Sæpe malū hoc nobis, si mens nō laua fuisset,
 De cælo tactas memini prædicere quercus:
 Sæpe sinistra caua prædixit ab ilice cornix.
 Sed tamen, iste Deus qui sit, da Tityre nobis.
 TIT. Urbem, quam dicunt Romā, Melibœe putavi, 20
 Stultus ego huic nostræ similem: quò sæpe so-
 lemus
 Pastores ouium teneros depellere fœtus.
 Sic canibus catulos similes, sic matribus hæ-
 dos
 Noram, sic paruis componere magna solebā.
 Verū hęc tātū alias inter caput extulit vrbes, 25
 Quantum læta solent inter viburna cupressi.
 ME. Et quæ tanta fuit Romā tibi causa videndi?
 TIT. Libertas: quæ sera, tamen respexit inertem,

*Candidior postquam tōdenti barba cadebat:
Respexit tamē, & longo pōst tempore venit. 30
Postquam nos Amaryllis habet, Galatea re-*
liquit.

*Nāque (fatebor enī) dū me Galatea tenebat,
Nec spes libertatis erat, nec cura peculī,
Quannīs multa meis exiret victima sepi,
Pinguis & ingrata premeretur caseus vrbi: 35
Non vnquā grauis are domum mihi dextra*
redibat.

*Mirabar quid mœsta deos Amarylli vocares ME.
Cui pendēre sua patereris in arbore poma:
Tityrus hinc aberat: ipsæ te Tityre pinus,
Ipsi te fontes, ipsa hæc arbuſta vocabant. 40
Quid facerē: neque seruitio me exire licebat: TIT.
Nec tam præsentes alibi cognoscere Diuos.
Hic illum vidi iuuenē Melibœe, quotannis
Bis senos cui nostra dies altaria fumant.
Hic mihi respōsum primus dedit ille petēti: 45
Pascite, vt antē, boues pueri, submitтите tau-*
ros.

*Fortunate senex, ergo tua rura manebunt: ME.
Et tibi magna satis, quannīs lapis oīa nudus,
Limosoque palus obducatur pascua iunco,
Non insueta graue istētabunt pabula fœtas, 50
Nec mala vicini pecoris contagia lædent.*

Fortunate senex, hîc inter flumina nota,
 Et fontes sacros, frigus captabis opacum.
 Hinc tibi, quæ semper vicino ab limite sepes
 Hybleis apibus florem depasta salicti, 55
 Sæpe leui somnum suadebit inire susurro.
 Hinc alta sub rupe canet frödator ad auras,
 Nec tamen intereâ rauca, tua cura, palumbes,
 Nec gemere aëria cessabit turtur ab vlmo.

TIT.

Antè leues ergo pascentur in æthere cerui, 60
 Et freta destituent nudos in littore pisces
 Antè, pererratis amborum finibus, exul
 Aut Ararim Parthus bibet, aut Germania
 Tigrim,

ME.

Quàm nostro illius labatur pectore vultus.
 At nos hinc alij sitientes ibimus Afros: 65
 Pars Scythiam, & rapidum Cretæ veniemus
 Oaxem,

Et penitus toto diuisos orbe Britannos.
 En unquam patrios longo pòst tēpore fines,
 Pauperis & tuguri congestū cespitate culmē,
 Post aliquot, mea regna videns, mirabor, ari-
 stas? 70

Impius hæc tã culta noualia miles habebit?
 Barbarus has segetes? en quo discordia cines
 Perduxit miseros: en queis consenuimus agros.
 Inferere nūc Melibœæ pyros, pone ordine vites.

Ite

Ite meæ, quondam felix pecus, ite capellæ: 75
Nō ego vos post hac viridi proiectus in antro,
Dumosa pendere procul de rupe videbo.
Carmina nulla canā: non me pascente capellæ
Florētē cythisum, & salices carpetis amaras.
Hīc tamē hac mecū poteris requiescere nocte
Fronde super viridi: sunt nobis mitia poma,
Castaneæ molles, & pressi copia lactis:
Et iā summa procul villarū culmina fumant
Maiorēsq̃ue cadunt altis de mōtibus umbræ.

TIT. 80

Ecloga] *Εκλογή*, electio, separatio, explanatio: hīc autem collocutio est: & Cicero secunda decimisexti ad Atticum, eclogarios appellat eos qui colloquūtur. in libro de Gloria. de gloria, ait, nisi tibi, custodies igitur ut soles: sed notentur eclogarij, collocutores vulgo dicuntur in fabulis poëtarum.

Tityrus] Tityrus Lybicē hircū significat, ut Probus ait, vel arietem maiorem qui gregem anteire solet, ut Servio placet: vel dorica lingua Satyrum, ut alij voluere: quidam putant etiam hoc nomine calamum, lingua lconica significari: hoc autē nomine Virgilius agris suis restitutus intelligitur: nomē tamen est sumptū ē Theocriti Idyllio tertio, aut potius sexto: ubi Tityrus pro rustici carminis peritissimo adhibetur: tametsi in nominibus vel fingendis vel aliunde trāsferēdis, nulla magnopere adhibita videtur poëtę ratio, ut ē collatione Theocriti & Virgilij intelliges, apud quos idem nomen diuersis personis accommodatur.

Melibeus] *ὄτι μέλει ἀντὶ τῶν βοῶν*, quod illi cura sit boū: & hoc nomine significatur Mantuanus agris eiectus.

Tityre] Primæ eclogæ hoc est enthymema: Tityrus est otiosus per Octauium receptis agris, quapropter ei gra-

ti as agit: sed ad rem augendam, enthymemaris antecedens per tres partes tractatur, vt otiosus, vt per Octaviū, vt agris receptis: & perpetua dissimilitudine labores Melibæi comparantur.

Tityre] Propositio est de otio ex effectis Tityri.

Patula] patulis ramis diffusæ, vt Cicero primo de oratore loquitur. *Recubans*] requiescēs. *Tegmine*] vmbra: synecdoche est generis pro specie. *Fagi*] notabis Virgilū, decori rationem ceteris in rebus, tum in loco habuisse, vt pastoribus locus idoneus ad canendum & agendum proponeretur: sic ecloga prima, patulam fagum, secunda, vmbrosa cacumina fagos; tertia, mollem herbam, quarta, corylis mistas vltimos & antrum, vt sexta, septima argutam ilicem, octaua, teretem oliuā proponit: vel antiqui victus habita etiam est ratio: nam Plinius libri decimi sexti, capite decimotertio sic ait: Dulcissima glans omnium fagi, vt qua obsessos etiam homines durasse in oppido Chio tradit Cornelius Alexander. *Tityre*] Versus idē repetitur in fine Georgicōn, sed paululū immutatus:

Tityre te patulae cecini sub tegmine fagi.

Sylvestre] in syluis bucolicū cāmen cantari solitū: hinc paulō post- *Formosam resonare doces Amaryllida syluas.*

Itē 2. ecloga, *Montibus & syluis studio iactabat inani.*

Itē 4. ecloga, *Si canimus syluas, syluæ sint consule dignæ.*

Itē 6. ecloga, *Nostri nec erubuit syluas habitare Thalia:*

Sed præcipuè initio Aeneidos:

Ille ego qui quondam gracili modulatus auena

Carmen, & egressus syluis vicina coëgi,

Vt quauis auido parerent arua colono. &c.

Quibus locis Erythræus vindicat (sylvestrem) legendū: attamē Quintilianus, libri noni capite quarto, agrestem legit manifestè, cū syllabæ, a, & gre quantitatem interpretatur. [*Musam*] metonymia pro, cāmen. [*Meditaris*] μελετᾷς, ait Seruius, qui latinum de Græco deducit. [*Auena*] metonymia pro fistula auenæ culmo facta: vt illic- *gracili modulatus auena*: quales tropi erūt deinde, stipula, calamus, cicuta. [*Nos patriæ*] Antapodosis

dosis ex effectis Melibæi [*Dulcia*] Sic Ouidius de Pōto:

Nescio qua natale solum dulcedine cunctos

Tangit, & immemores non sinit esse sui.

Nos nos] Anaphora. [*Tu Tityre*] repetitur propositio mutatis verbis [*Resonare*] dum tu canis carmen de formosa Amaryllide, syluæ ipsæ resonant: quo genere orationis Cicerō pro Archia poëta dixit, Saxa atque solitudines voci respondent, bestię sæpe immanes cantu flectuntur & cōsistunt. [*Syluas*] metonymia subiecti pro adiuncto, syluas nempe pro sylvarum pastoribus, aut syluas pro echo resonante dixit. [*Amaryllida*] metonymia pro carmine composito de Amaryllide, vt Seruius: & hoc nomine Roma & Romani familiares Maronis & amici intelliguntur, quorum laudes Virgilius cecinit: sic paulò pōst, *Mirabar quid mæsta deos Amarylli vocares.* ἀμαρύνω, luceo, ἀμάρνυμα, splendor: malo autem simpliciter intelligere amicam Tityri, vt otiosus pastor amores suos decantet: Sic etiam apud Theocritum tertio Idyllio, Amaryllis amatur à Tityro.

O Melibæe] Secunda pars argumēti principis, longam periphrasim habet Octauij, ex adiunctis, quòd deus sit, & quidem Romæ: in tota ecloga nusquam nominatim appellatur: diuinitas ipsa primùm suis adiunctis approbatur: deus verò vel ob beneficiorum gratiam modò dicitur, iuxta prouerbiũ, homo homini deus: vel quòd reuera Virgilius deum statueret, vt Romani tum statuere: sicut Horatius testatur:

Præfenti tibi, maturos largimur honores:

Iuranda sꝛue tuum per nomen ponimus aras:

Et Suetonius in Augusto, capite quinquagesimo nono, Pluræque prouinciaram templa & aras constituerunt: Cuius adulationis ἀποθέωσις primo Georgico copiosius tractatur. [*Deus deus*] in principio & fine, epanalepsis.

Omilibus] abductus supple. [*Imbuet*] propriè perfundet vt apud Horatium,

Quo semel est imbuta recens, seruabit odorem

Testa diu.

& apud Ciceronem quinta Philippica. Cùm autem gladium scelere semel imbuisset. *Ille illius*] polypoton. *Ille meas*] iteratur prima pars de otio, ex adiunctis, libera passione & cantione. *Errare*] synecdoche generis pro specie, pro libere pasci, vt ecloga secunda,

Mille mea seculis errant in montibus agnae.

Ludere] synecdoche similis pro canere: qualis est in fine quarti Georgici *Carmina qui lusi pastorum.*

Calamo] metonymia: calamus enim propriè est frutex aquatilis, tibiis & scripturis aptus, cāna minor & arundine: hīc pro fistula ex calamo: quomodo erit postea,

Tu calamos inflare leues. *Non equidē*] antapodosis ex adiunctis laboribus & eorū prēdictionibus, quæ diuina testimonia sunt. *Non equidem inuideo*] sic Idyllio primo.

κ' οὐτοι τοι φθονέω

Nequaquam tibi inuideo.

Et 19. τῷ δ' ἐγὼ οὐ φθονέωμι

Huic autem ego non inuideam.

Miror] correctio ex maioribus: vbi mirari, pro cum voluptate intueri, rectè sumetur: vt tertio Georgico Nonius illud explicat,

Ceu quis olympicae miratur praemia palmae.

Protenus] loci est aduerbium pro longè, vt Seruius & Caper, cū Protinus, sit temporis: at Sipontinus, Protinus, hīc per i. tertiam vocalem scribit, & interpretatur valde. *Corylos*] adiuncta sunt loci ad commiserationē augendum, cū mollibus stratis excipiendus fortis fuerit, vt tertio Georgico:

Et multa duram stipula filicūque manipulis.

Dēsas autem appellauit corylos epitheto proprio: itaque propter hanc densitatem nimiam, vetat Georgico secundo in arbutis corylos feri,

Nēue inter vites corylum fere.

Connixa] synecdoche pro enixa: cōniti enim nō in partu solū dicitur. *Sape*] Propositio est tertij connexi: si non fuissetus stulti, poterat illud euitari: at fuimus, propterea nō euitauimus: sic enī expleto syllogismo intellige.

lige. *Læua*] *stulta*: sic enim rursus 2. Aeneidos iteratur,
Et si fata deum, si mens non læua fuisset,
Impulerat ferro, argolicas fœdare latebras.

Contrà autem in auspiciis læuum dicitur prosperum: inronuit læuum, secundo Aeneidos: quia sinistra fulminum intuentibus dextra sunt. *De celo tactas*] id est fulminatas, fulmine ictas: quomodo tertia catilinaria Cicero loquitur: Tactus est ille qui hanc urbem condidit, Romulus: vbi cælum pro aëre, & aër pro tēpestate aëris sumitur duplici metonymia. *Prædicere*] Metaphora ad rē inanimatam, à re animata. *Quercus*] Quercus olim victū sua glande suppeditauit hominibus, & in tutela Iouis erat: itaque hoc augurio significabatur ira Cæsaris, tanquam Iouis quercum ferientis, id est agros eripientis: & huc referri potest illud primi Georgici,

Non aliàs calo ceciderunt plura sereno
Fulgura.

Sæpe] Anaphora est: hic autē versus in veteribus quibusdā codicibus nō habetur, nec Seruius interpretatur: & Cicero contrà in primo de Diuinatione ait à sinistra cornice ratū & lætū auguriū fieri. Quid augur? ait, cur à dextra coruus, à sinistra cornix facit ratū? & vt ex Varrone constat libro quinto epistolicarum quæstionū, à decorū sede cū in nubidiem spectes, sinister est oriens, dexter est occidens. Quare hic versus videtur meritò ab interpretibus expungi. Est tamen ecloga nona eiusdem augurij, & penè iisdem verbis versus,

Antè sinistra cauā prædixit ab ilice cornix:

Quo videtur & hic defendi: nec omnino sequitur, si contrà Cicero Varróque senserint, vt Virgilij versus ideo nō sit videmus enim eundem authorem interdum sibi ipsi contraria profitentem. *Sed tamen*] postulatur apertior definitio propositi dei: cuius gratia deinde Roma describitur maxima ciuitatum, vbi deus est Octauius. *Stultus*] pastoralis simplicitas declaratur simili, similibus aliis illustrato. *Huic nostræ*] Periphrasis Mantuæ ex adiunctis. *Depellere*] vulgo id ablactare dicitur: at Varro in re ru-

stica secundo libro depellere dicit, vt hîc Virgilius: Cùm depulsi sint agni à matribus, diligentia adhibenda est, ne desiderio senescant. & ibidem, Cùm porci depulsi sint à mamma: à quibusdam delici appellantur, neque iam lactētes: & sic ecloga tertia dicitur *-depulsis arbutus hœdis.* Hoc idem Varro ibidem dicit à mamma diiungere: ferè ad quatuor menses à mamma non diiunguntur agni. vel depellere pro deducere dictum est, nempe vt ibi vaneant, cùm mox dicatur,

Quamuis multa meis exiret victima septsis:

Vbi potest etiam synecdoche intelligi speciei pro genere: nec enim solos agnos, sed hœdos, vitulos deducit pastor. *Teneros factus*] periphrasis agnorum ex genere & adiuncta differentia. *Sic canibus*] Anaphora, & in canibus catulos, paronomasia: Columella libro secundo capite nono hanc similitudinem aliter assumit: nihil enim (ait) dubium est quin ipsa natura sobolem matri similē esse voluerit: vnde etiam pastor ille in Bucolicis ait,

Sic canibus catulos similes sic matribus hœdos

Noram - In quo tamen magis suum quàm Virgilij sensum sequitur: pastor enim hîc errorem suum significat, qui magnis parua comparet: naturæ similitudinem in sobole non indicat. *Matribus*] periphrasis caprarum quæ sunt matres hœdorum. *Verùm*] Correctio est illius simplicitatis per dissimilitudinē Romæ & Martuæ: Roma verò tum caput mundi fuit: Martialis:

Terrarum dea gentiumque Roma

Cui par est nihil, est nihil secundum.

Et Virgilius sexto Aeneidos- *Illa incluta Roma*

Imperium terris, animos æquabit olympo.

Viburna] Viburnum, frutex humilis, vt genistæ, myricæ: quidam putant esse vitem albam, gallis viurnum: vt detrita vna litera de viburno, viurna facta sit: vide Ruelium. *Et quæ*] interponitur finis Romam veniendi, libertas, & illustratur periphrasi ætatis, pastoribus decora, nempe barbæ sectione. *Candidior*] Seruius refert ad, libertas, potest etiam lanuginis periphrasis esse: candidū enim

enim est propriè nitenti quadam specie perfusu mac quamuis candida barba hîc pro cana diceretur, alienum fortasse non esset: nam Tityrus hîc etiam senex fingitur: vt paulò pòst erit,

Fortunate senex, ergo tua rura manebunt.

Et nimirum sera libertas illa fuerat quæ longo pòst tēpore ad Tityrum, senio confectum venerit. *Inertem*] Metaphora pro deside: propriè siquidem qui carent artibus ingenuis, inertes dicuntur, vt secūdo de finibus Cicero ait: Sed lustremus animo maximas artes: quibus qui carent inertes à maioribus nominabantur. *Respexit*] Epanodos. *Postquam*] illustratio altera ex dissimili habitu sub Galatea, quòd Mantuæ, seruus & pauper fuerit *Peculi*] Apocope pro peculi: Omne autem patrimonium peculium antiquis dicebatur, quia in pecoribus erat omnis eorum substantia: nunc autem seruorum. *Quamuis*] Augetur seruitutis miseria ex adiunctis fructibus, vnde tamen nil redit ad seruum. *Septis*] synecdoche pro ouilibus. *Ingratæ*] quæ gratias habet exiguas pastoribus, à quibus tamen alitur. *Vrbi*] synecdoche pro Mantuæ, & metonymia pro ærbanis. *Ære*] metonymia pro cæa moneta per synecdochen accipitur: generaliter pro omni pecunia: ære autem rudi primò Romanos vsos esse Timæus author est: Seruius autem primus signauit notā pecudis: vide Pliniū libro decimo octauo capite tertio, & tricesimo tertio capite tertio.

Mirabar] Illustratio tertia finis propositi ex eius efficiente, & adiunctis hyperbolicis absentis Tityri. an hic Amaryllidis nomine, Romanos intelliges deo Augusto pro Marone supplicantes? imò potius amicæ votum pro reditu Tityri sui absentis: nec enim placet allegoria Seruij, nec laudes Maronis hîc accipio, quem Romanæ musæ expectarint: simplicem tantum & rusticum sensum amicæ, amatorem desiderantis congruere iudico: mirabar Amarylli cur mæsta deos vocares: causā nepe mæstitiæ & obsecrationis tuæ, fuit absentia Tityri, cuius etiam poma pendere patiebaris in arbore, nec ea lege-

bas, ita desiderio tabescebas: denique non Amaryllis sola Tityrum absentem desiderauit, sed pinus, fontes, arbuta. Ergo mirabatur Melibæus abesse Tityrum, cum tantopere desideraretur: at cognita absentiae causa, libertate, mirari iam desinit. Tale est illud quarto Idyllio,

ταὶ θυμᾶλαι δ' ἄντων μὲν μῦθοι ὥδε ποιεῦντι:

Hæ inuencæ autem ipsum mugientes hîc desiderant.

Pinus] *Pulcherrima pinus in hortis* erit postea, septima ecloga: & vndecimo Aeneidos

- euertunt altis ad sidera pinus.

Arbusta] Arbusta, ait Valla in Raudensem, sunt multæ arbores ad fructum consitæ, vt oliuetum, auellanetum amygdaletum, vel vites arbori applicitæ: Seruius fruteta hîc interpretatur: at in scriptoribus rei rusticæ, arbutum video de arboribus vitium maritis dici, etiâ si fructiferæ non sint. hinc etiam arbutare pro arboribus conferere ad maritandas vites: Plinius libro decimo septimo, capite vicesimo tertio, Transpadana Italia præter supradicta, corno, populo, tilia, acere, orno, quercu arbutat agros. & Varro de re rustica capite tricesimo septimo, pomarium & arbutum videtur distinguere. Itémque Columella libro quinto, vbi de arbutis & Italico & Gallico præcipit capitibus quinto & sexto, & eiusdem libri capite decimo, separatim de pomiferis arboribus: quod item facit libro de arboribus separato. Notabis igitur sicubi arbutum de pomario dicatur, aut etiam de quibusvis arboribus non vitiferis. *Quid facerem?*] Tertia illustratio ex contrario libertatis, & eius facultate: vbi responsio est ad tantum absentiae desiderium: quâuis maximè desiderabar, attamen libertatis causa abesse, & Romam venire debui. *Hic illum*] Repetitur prima periphrasis Octauij, & accommodatur ad Romæ periphrasim, quod Romæ sit ille deus: & diuinitatis ratio repetitur. *Hic mihi*] Anaphora, vbi repetitur tertio loco Tityri otium. *Pueri*] Pueri appellatio tres significationes habet: vnam cum omnes seruos pueros appellaremus, alteram cum

puerum contrario puellæ nomine diceremus, tertiam cum puerilem ætatem demonstraremus, ait Paulus in verborum significationibus: hinc prima significatio cōuenit.

Submittite] vide num sit epifynalæphe, pro supermittere: nec enim saliendis vaccis tauri propriè submittuntur, sed supermittuntur: quidam à sūsum antiqua præpositio ne deriuant. est autem verbum hoc Georgicon:

Tu modò quos in spem statuis submittere gentis?

tertio Georgico, & item ibidem,

Et quos aut pecori malunt submittere habendo.

Idyllio 9. *Μόχως βωσὶν ὑφέντες, ὑπὸ στείραισι δὲ ταύροις,
καὶ οἱ μὲν ἅμα βοόσχοιντο, καὶ ἐν φύλλοις πλανῶντο,*
Vitulos bobus submittentes, sub sterilibus autē tauros,
Et hi quidem simul pascant, & in foliis errent.

Fortunate senex] concluditur tertia pars argumēti principis de receptis agris. *Fortunate*] Exclamatio, vt apertior postea secundo Georgico,

*O fortunatos nimium, sua si bona norint,
Agricolas.*

Et tibi] Topographia agri virgiliani: nam à monte vsque ad lacum, & inde vsque ad veterem quandam fagum, Virgilio donata terra fuerat, ait Seruius, sed sine auctore. Talis erit topographia nona ecloga,

Certè equidem &c. Syntaxis autē est, at tibi satis magna pascua manebunt, supple quanuis nudus lapis & palus obducat omnia limoso iunco. *Obducat*] circūdet & terminet. *Non infucta*] adhibetur definiti agri ad augendam beneficij gratiam commendatio ex adiunctis, salubri pastione & pastoris voluptatibus, refrigeratione, somno, cantu tum frondatoris, tum palumbium, tum turturum. *Fætas*] grauidas: nam fætæ etiam dicuntur quæ pepererunt. *Sacros*] propter Naiades nymphas quibus sacri sunt fontes. *Opacum*] metonymia, quia fit ex opaco loco, qui propriè dicitur opacus & umbrosus: vt -*Lucis habitamus opacis*, sexto Aeneidos, Et -*Syluis euadit opacis*, vndecimo Aeneidos: Hinc opacare de sole Cicero ait secūdo de natura deo-

rum. Cùm terras larga luce cõpleuerit, easdẽ modò his, modò illis partibus opacet. Et primo Georgico,

Hinc altæ frondes & rami matris opacant.

Hinc] paulò antè (hic inter) polyptoton: Syntaxis est horũ triũ versuũ, hinc sepes, quæ tibi est, supple, semper à limite vicino depasta florem salicti ab apibus hyblæis, suadebit &c. *Limite*] pro termino inter te & vicinũ tuũ. *Hyblæis*] Hybla, oppidum Siciliae, & mons oppido vicinus, ubi thymi & salicum copia: ideòque mel optimum: species igitur pro genere hinc sumitur, & synecdoche est, hyblæis apibus, pro optimis. *Florem*] intellige secundũ vt græcè κατὰ: quod poëtis est vñtatissimum,

vt, *Os humerosque deo similis.*

item - *Cætera Graius.*

Salicti] Salicetũ, locus salicibus consitus, & per syncope salictum: non modò in metro, sed in prosa: Accedit eò mons Saurus, accedet salicta ad Mynturnas, Cicero secunda Agraria. Quòd autem apes floribus salicum pascantur, est etiam quarto Georgico,

-pascuntur & arbuta passim

Et glaucas salices.

Susurro] susurrus est leue murmur, vt frondiũ, & hinc apũ & è re fictũ nomen est quod onomatopœiam vocat.

E' que sacra resonant examina quercu,

erit ecloga quinta: quod apud Theocritũ est Idyllio 1.

ὦ δὲ καλὸν βομβεῖν τι ποτὶ σμάνεσι μέλισσαι.

Hic pulchrum resonant in alucaribus apes.

Et rursus idem repetitur quinto Idyllio. *Sub rupe*] in rupe ait Mancinellus. *Fron dator*] qui frondes amputat & ex iis manipulos ad hybernũ pecorum pastum cõficit. *Auras*] in die, ait Seruius: Mancinellus autem hinc sublimi voce, id est maxima, quod malo. *Gemere*] Palumbes propriè dicuntur minartire, vt est apud Aeliũ Spartianum: Roucoulare hoc dicunt Franci: gemere verò turturibus magis conuenit. ac in elegia Ouidio attributa, de auium vocibus, sic est,

Et

Et cesius turtur atque columba gemunt.

Et Plinius libri decimi capite tricesimo quinto de palumbibus (ait) Cantus omnibus similis, atque idem ter-
no conficitur versu, præterquam in clausula gemitu, hyc
me mutis, vere vocalibus. de palūbibus erit tertia eclo-
ga:

-Nanque notavi

Ipse locum aeris quo congesse palumbes.

Idyllio 5. τὰ δ' ἐπὶ δένδρῳ

ὄρνιθες λαλαχέοντι.

-In arbore autem

Aves garrunt.

Aerie [Metonymia ex subiecto significans adiunctū,
pro alta enim ponitur. Ecloga decima, vlmus alta pro-
priè pro eodem dicitur,

-alta liber aret in vlmō.

Antè] Concluditur eclogæ princeps enthymema, in
gratiarum actione, quæ augetur hyperbolica minorum
collatione. *Freta*] Synecdoche pro mari: fretum enim
propriè est angustum mare inter duas terras, vt fretum
Siculum, fretum Gaditanum: à feruendo dictum.

Pererratis] confusus, & sic vt Arar in Parthiam, & Ti-
gris in Germaniam influat: & Germanus in Germania
Tigrim bibat, Parthus in Parthia Ararim: & exul, ad
(Parthus) tantum refertur: Parthi enim lingua Scythica
dicuntur exules, & est Syntaxis, Antè Parthus exul bibet
Ararim & Germania Tigrim pererratis amborum flu-
uiorum finibus - &c. Tigris autem ex Armenia ortus, in
Assyriam influens, delabitur in Persicum sinum, nec Par-
thiam proximam Assyrii orientem versus, attingit. Arar
autem ortus è vicinia Vogesi ad Lugdunum Rhodano
cōmiscetur, nec Germaniā attingit: est tamē vterque flu-
uius propositis regionibus vicinus, & imperitiæ pastorii-
tæ decorū aliquod fortassis hīc spectatū est: quod eclo-
ga secunda ad illum locum, *-nuper me in littore vidi*,
Seruius adnotat Theocrito frequens esse.

Labatur pectore vultus] Quarto Idyllio.

ὦ χαρίεσς Ἀμαρυλλί, μόνος σέθεν ὄνδρ' ἐφανόισα

λαοφύμεθα.

O gratiosa Amarylli, solius tui neque mortuae
Obliuiscemur.

At nunc] Antapodosis est lamentationis de futuro exilio: primum de diuisione exulum in diuersas orbis partes profugorum: in qua quatuor mundi cardines quodammodo notantur, meridies in Aphrica, Septentrio in Scythia, oriens in Creta, occidens in Britannia.

Sitientes] intellige, ad, praepositionem licentia poetica omiffam: & sitientes propter zonam torridam, quae ab Aphris incolitur: metonymia autem est Aphros pro Aphricam, quae in hoc genere rarior est. Scythiam] versus septentrionem, quae hodie Tartaria dicitur.

Oaxem] fluium Mesopotamiae, qui sua velocitate, rapit albam cretam, vnde fit turbulentus, ait Seruius: neque creta hic pro insula mediterranei maris, sed pro terra Seruius intelligitur: alij interpretes Cretae insulae fluium faciunt: quod si verum est, mirum sit huius fluij cosmographis nullam mentionem, cum de Creta loquuntur, fieri. Britannos] diuisos toto orbe dicit, quia continens (quae Oceano alluitur) orbis est terrarum, extra quem sunt insulae Oceani vt Britannia: vel quia Romani versus Oceanum Britannicum, Morinos ultimos hominum putabant: vnde Virgilius octauo Aeneidos,

Extremisque hominum Morini.

Ideoque Britannia orbis alter illis dicebatur.

En vnquam] Secundus lamentationis locus est, ex enumeratione adiunctorum bonorum quae relinquuntur, domus, noualiū, segetum. Regna] metaphora, pro meas possessiones, quarum dominus eram. Aristas] in segetibus quod culmus extulit dicitur spica: ea tria continet, granum, glumam, id est grani thecā, aristam apicē grani & velut acum tenuem: arista autē dicta est, quod arescat prima: haec ex Varrone, primo de re rustica, capite quadragesimo octauo. Aristas] metonymia est pro messes, & per messes annos intelligimus synecdoches tropo, sic in vno verbo duo sunt tropi, metonymia & synecdoche

necdoche, & medio gradu intelligimus tertium, quā meta
lepsi Quintilianus videtur sensisse, sed quod sentiret, pa-
rū explicauit. *Nonalia*] hęc noualis & hoc nouale dicitur:
vbi satum fuit & antequā secunda satione renouetur,
requiescit: vel vnde recens sylua sublata est: quod iterū
dicemus ad illum primi Georgici locum,

Alternis idem tonsas cessare nouales.

Segetes] propriē dicuntur eorum seminum, vnde sit pa-
nis, nondum tamen demessæ, ait Valla libro quarto.
Quæcunque altius emittunt aristas, dicuntur frumenta,
vt triticum, secale, hordeum. *En quo*] Tertius locus ex
efficiente causa: nam victoriæ ciuilis quoddam militi-
bus præmium, fuit assignatio agrorum. *En queis*] Ana-
phora est, qua repetitur secundus locus de segetibus, &
aliis partibus augetur, hortis, vitibus, pascuis.

Insere] Apostrophe ad seipsum. *Pone ordine*] Sic se-
cundo Georgicōn,

Indulge ordinibus, nec secius omnis in vnguem

Arboribus positus, secūto via limite quadret.

Ite] Apostrophe ad capellas, & permissio. *Ite*] Epano-
dus, qualis est septima ecloga,

Ite domum pastis, si quis pudor, ite iuueni:

et 10. *Ite domum saturæ, venit hesperus, ite capellæ.*

Tale primo Idyllio,

ὦ λύκοι, ὦ θῶες, ὦ ἀν' ὤρεα φωλαῖδες ἄρκτοι

χαίρεθ', ὁ βωκόλος ὑμῖν ἐγὼ δάφνης, ἔκέτ' ἀν' ὕλαν,

οὐκέτ' ἀνὰ δρυμὼς, ἔκ' ἄλσος. χαῖρ' Ἀρήθοισσά,

καὶ ποταμοὶ, τοὶ χεῖτε καλὸν κατὰ Θύμβριδος ὕδαρ.

O lupi, ὁ thoes, ὁ per montes latentes vrsi

Valete, bubulcus vobis ego Daphnis nō amplius per syluā,

Non amplius per lucos, non nemora: vale Arcthusa,

Et fluij qui funditis pulchrā iuxta Thymbridem aquā.

Dumosa] spinosa: dumus enim omnis spina dicitur.
Animaduerti Columellam nō multū ē dumis eminen-
tem, ait Cicero 5. Tusculana. *Cytisum*] Plinius libri de
cimitertij capite vicesimo quarto, frutex est & cytissus
ait, ab Aristomacho Atheniensi miris laudibus præ-

dicatur pabulo ouium: aridus verò etiam suum: spon-
detque iugero eius annua. HS. MM. vel mediocri solo
reditus. vtilitas quæ eruo, sed ocyor satietas, per quàm
modico pinguescente quadrupede, ita vt iumenta hor-
deum spernant: non ex alio pabulo lactis maior copia
aut melior, super omnia pecorum medicina à morbis
omni vsu præstare: quin & nutricibus in defectu lactis
aridum atque in aqua decoctum, potui cum vino dari
iubet, firmiores cellioresque infantes fore: viridem etiã
gallinis, aut si aruerit, madefactum: Apes quoque nun-
quam defore cytisi pabulo contingere, promittunt De-
mocritus & Aristomachus: nec aliud minoris impendij
est omnes verò authores rei rusticæ, cytisum celebra-
runt. *Amaras*] hominibus, ait Seruius, nam capris sua
ues sunt & dulces. *Hic tamen*] Concluditur ecloga ho-
spitali inuitatione ex adiunctis, quod adest lectus, & cibi
copia, & aduersperascit. Locus verò ex vndecimo Theo-
criti Idyllio sumptus est:

Ἀδὼν ἐν τῶν τρωπαρ' ἐμὴν τὰν νύκτα διαξέεις:
Ἐν τῇ δάφναι τιμῇ, ἐν τῇ ῥ' αἰδῖναι κυπάρισσιν:
Ἐν τῇ μέλας κισσὸς, ἐν τῇ ἀμπέλως ἀγλυκύκαρπος.
Iucundius in antro apud me noctem deges:
Sunt lauri illic, hic sunt tenues cupressi
Est nigra hedera, est vineca dulcis partus.

Item septimo Idyllio ad finem longè copiosior locus:

- ἐν τε βοαθείας
ἀδείας σχίνοιο χαμαὶ ἰσὶν ἐκλίνθημας
ἐν τε νεοτμάτοισι γαλαθότῃς οἰναρέοισι
πολλὰ δὲ ἄμυν ὑπερθε κατὰ κρατὸς δονέοντο
αἰχίροι πηλέα τε--

Inque profundis
Iucundi lentisci humi lectis inclinati fuimus,
Inque nuper incisis letantes pampinis,
Multe autem nobis superne super caput muebant
albi vlmique-

Maior[que] Ex umbris mathematicæ descriptiones
sunt multæ, quòd manè & vesperi maiores sint umbræ
meridie

meridie autem minimæ,

Fecerat exiguas tum sol altissimus umbras

Ouidius quarto metamorphoseon definiens meridiē:
& in dimensionibus corporum etiā adhibentur umbræ.

ECLOGA SECVNDA.

Alexis.

Formosum pastor Corydō ardebat Alexim
Delitias domini: nec quid speraret, habebat.

Tantum inter densas, umbrosa cacumina,
fagos

Apsidue veniebat: ibi hæc incōdita solus
Montibus, & sylvis studio iactabat inani. 5

O crudelis Alexi, nihil mea carmina curas,
Nil nostri miserere, mori me denique cogis.

Nūc etiā pecudes, umbras, & frigora captāt:

Nūc virides etiā occultant spineta lacertos

Thestylis & rapido fessis messoribus æstu 10

Allia, serpillūmq; herbas contundit olēteis:

At mecum raucis, tua dum vestigia lūstro:

Sole sub ardenti resonant arbusta cicadis.

Nōne fuit satius tristes Amaryllidis iras.

Atque superba pati fastidia? nōne Menalcā? 15

Quāvis ille niger, quāvis tu candidus esses.

A ij

O formose puer nimium ne crede colori:
 Alba ligustra cadūt, vaccinia nigra legūtur.
 Despect^o tibi sum: nec qui sim, quæris Alexi:
 Quàm diues pecoris niuei, quàm lactis abun-
 dans. 20

Mille meæ Siculis errant in montibus agnæ,
 Lac mihi non æstate nouū, non frigore deficit.
 Canto, quæ solit^o, siquando armenta vocabat,
 Amphion Dirceus in Aëtæo Aracyntho.
 Nec sum adeò informis: nuper me in littore
 vidi, 25

Cùm placidum ventis staret mare: non ego
 Daphnim
 Indice te metuam, si nunquam fallit imago.
 O tantū libeat mecum tibi sordida rura,
 Atque humiles habitare casas, & figere
 ceruos,

Hædorūq; gregem viridi cōpellere hibisco. 30
 Mecū vnā in syluis imitabere Pana canendo.
 Pan primus calamos cera coniungere plures
 Instituit: Pan curat oues, ouīūq; magistros.
 Nec te pœniteat calamo triuisse labellum:
 Hæc eadem vt sciret, quid non faciebat A-
 myntas? 35

Est mihi disparibus septem cōpacta cicutis
 Fistula, Damœtas dono mihi quā dedit olim,
 Et

Et dixit moriens, te nunc habet ista secundū:

Dixit Damoetas: inuidit stultus Amyntas.

Præterea duo nec tuta mihi Valle reperti 40

Capreoli, sparsis etiam nunc pellibus albo,

Bina die siccant ouis vbera: quos tibi seruo.

Iam pridē à me illos abducere Thesbylis orat:

Et faciet, quoniā sordent tibi munera nostra.

Huc ades ô formose puer, tibi lilia plenis 45

Ecce ferunt nymphæ calathis: tibi candida

Nais

Pallentes violas, & summa papauera carpēs,

Narcissum, et florē iūgit bene olentis anethi.

Tū casia atque aliis intexens suauib⁹ herbis,

Mollia luteola pingit vaccinia caltha. 50

Ipse ego cana legam tenera lanugine mala,

Castaneasque nuces, mea quas Amaryllis a-

mabat.

Addam cerea pruna: & honos erit huic

quoque pomo,

Et vos ô lauri carpam, & te proxima myrte:

Sic posite quoniam suauis miscetis odores. 55

Rusticus es Corydō, nec munera curat Alexis,

Nec si muneribus certes, concedet Iolas.

Eheu quid volui misero mihi? floribus Austrū

Perditus, & liquidis immisi fontibus apros.

*Quem fugis ah demen? habitarunt Di quo-
que syluas:* 60

*Dardaniusq; Paris. Pallas quas cōdidit arces
Ipsa colat: nobis placeant ante omnia syluae.
Torua leæna lupum sequitur, lupus ipse ca-
pellam:*

*Florentem Cytisum sequitur lasciuia capella:
Te Corydon ô Alexi: trahit sua quenque vo-
luptas.* 65

*Aspice, aratra iugo referūt suspensa iuueni,
Et Sol crescentes decedens duplicat umbras:
Me tamen vrit amor: quis enim modus adsit
amori?*

*Ah Corydon, Corydon, quæ te demētia cepit?
Semiputata tibi frondosa vitis in vlmo est. 70
Quin tu aliquid saltem potiùs, quorum indi-
get usus,*

*Viminibus, mollique paras detexere iunco?
Inuenies alium, si te hic fastidit Alexis.*

IN SECVNDAM ECLOGAM.



FORMOSVM] Proponitur initio argumentum eclogæ, incontinentia amantis, de suis amoribus in solitudine conquerētis: modò enī amasū partim accusat, partim allicit: modò amās ipse seipsum reprehēdit: qualis Aepoli querimonia est in Comaste Theocriti. de sua Amaryllide: & amatoris infœlicis Idyllio vicesimo octauo: & Phœdriæ in Terentij Eunuchō de sua Thaide. *Alexis*] α est priuatiua particula & λέξις dictio, hinc Alexis, quia nihil hīc dicat, ait Mancinellus: apud Theocritū non est, sed Amaryllis. Alexidis nomine Cæsar intelligitur, ait Seruius, alij malunt Alexandrum puerum à Pollione Maroni donatum, hoc nomine celebratum: mihi magis placet cōmunem locum, & communem affectum fictis nominibus à poëta cantari, vt sine tropo res simpliciter intelligatur, præsertim cum Theocriti imitatio constet.

Corydon] Corydalis alaudam seu galeritam significat: hinc Corydonis fictum nomen apud Theocritum, quo nomine significatur hīc Virgilius, vt Seruiō placet: mihi verò Corydō ipse significatur, id est insanus & intēperās amator, qualis nempe tota ecloga describitur.

Densas fagos] patulas fagos dixit antea. *Incondita*] temeraria, insana: quia modò criminatur, modò adulatur, modò sibimet resistit. *Syluis*] vbi propriè Bucolica cantantur. vt-

Syluestrem tenui musam meditaris aurna.

O crudelis] accusatur Alexidis crudelitas tribus dissimilibus. *O crudelis*] Exclamatio. Nil] & pruis nihil παρωνομασία est.

τὴν ὅλος ἔγκειμαι, τὸ δ' ἐ μὲν λόγον οὐδένα ποιῇ

Tibi totus incūbo, tu autē mei rationē nullā facis 3. Idyllio.

Mori me denique] ex eodem Idyllio paulò ante.

-ἀπαύξασθαί με ποιησῆς

-strangulari me facies.

Nunc] Anaphora. *Lacertos*] Septimo Idyllio;
ἀνίκα δὴ καὶ σῶρος ἐφ' αἰμασιῶσι καθεύδου
quando iam & lacertus in sepibus dormit:

Thestylis] velut à testa testilem, id est fictilem deducit
Seruius. Est tamen apud Theocritum veneficæ nomen.

Serpyllum] Serpyllus aut serpyllum, Sarpoletum Fran-
cis dicitur. Hic autem ad melloris refrigerationem her-
bas calidas Virgilius coniungit, quia (vt ex Plinio citat
Seruius) contraria contrariis, aliquando similibus etiam
curatur: vt hic calor & æstus calidis herbis curatur: Prius
autem contraria contrariis, pecudes captant umbras &
frigora aduersus æstum, virides lacertum spinetis occul-
tantur aduersus æstum. *At mecum*] Antapodosis, At
interea tamen vror. *Cicadis*] Cicada nō est noster gryl-
lus, quamvis magnitudine prope sit eadem: cygallam
galli prouinciales appellant: duoque eius genera sunt,
minores, quæ primæ proueniunt & nouissimæ pereunt:
sunt autem mutæ: maiores volatu raræ, è quibus (quæ
canunt) vocantur achetæ: quæ verò minores sunt, tetti-
goniæ, sed illæ magis canoræ: mares canunt in utroque
genere, fœminæ silent: gētes vescuntur iis ad orientem,
etiam Parthi opibus abundantibus: non nascuntur in ra-
ritate arborum, nec in cāpis, nec in frigidis aut umbro-
sis nemoribus. Plinius lib. vndecimi cap. vicesimo sexto,
& capite 27. Cicadæ mentio est Idyllio primo, sed aliter:

τίττιζος ἐπεὶ τὴν φέρτερον ἔδειξ,

-cicada quoniam tu melius canis,

Nonne] Secundum crudelitatis argumentum è mino-
ribus, Amaryllis & Menalcas sunt nimis crudeles.

Tristes] sic ecloga tertia,

Triste lupus stabulis, maturis frugibus imbres,

Arboribus venti, nobis Amaryllidis ira.

Quamvis] Illustratio ex dissimili. *O formosè*] Tertium
argumentum est causa superbiæ, quæ similitudine ex-
tenuatur. *Colori*] synecdoche pro candori. *Ligustra*] Li-
gultrum vulgo Franci troesnam vocant: metonymia hic
est subiectæ arboris pro floribus adiunctis, quos constat
esse

esse candidissimos:

*Toto candidior puella cygno,
Argento, niue, lilio, ligustro,*

ait Martialis libro primo. *Vaccinia*] *Vaccinium* quid sit, magna controuersia est inter homines eruditos: Nicolaus Leonicens putat esse acinos ligustri: & Raphaël Volaterranus hinc *vaccinia* legit: itē pro acinis ligustri: Massarius mauult esse mora agrestia, & Leonardus Fuchsius eū videtur secutus: Seruius violas facit purpurei coloris: & Ruellius Seruiū secutus, hyacintho idē facit, vacietum putat esse gallicum. Vicesimo octauo Idyllio consimilis comparatio est:

καὶ τὸ ῥ' ὁδὸν καλὸν ἔστι, καὶ ὁ χρόνος αὐτὸ μαραινεῖ:

καὶ τὸ ἴον καλὸν ἔστιν ὃν εἶαρι, καὶ ταχὺ γηραῖ:

λευκὸν τὸ κρίνον ἔστι, μαραινεταὶ ἀνίκα πίπτει,

ἀ δὲ χεῶν λευκὰ, καὶ τάκεται ἀνίκα παχθῇ:

καὶ κέλως καλὸν ἔστι τὸ παιδικὸν ἀλλ' ὀλίγον ζῆ.

Et rosa pulchra est, & tempus ipsam tabefacit:

Et viola pulchra est in Vere, & cito senescit:

Album lilium est, marcescit quando cadit:

Illa autem nix alba, & liquefit quando congelata est,

Et pulchritudo pulchra est puerilis, sed parum viuūt.

Item Idyllio tricésimo sexto:

μὴ κενχῶ, τάχα γάρ σε παρέρχεται ὡς ὄναρ ἦβη:

Ἄ σφυλὶς σφυῖς ἔστι, καὶ ῥ' ὁδὸν αἶνον ὀλέσται.

Nō gloriare, cito enim te præterit tāquā somniū pubertas:

Vua vna passa est, & rosa sicca perit.

Despectus] accusatus est adhuc Alexis, deinceps ad eū alliciendum laudatur ex adiunctis Corydon, quod sit diues, musicus, formosus: diuitiæ probantur per species.

Mille meæ] Locus ex vndecimo Idyllio sumptus est:

ἀλλ' ὦνός τοι οὗτος ἐὼν, βοτὰ χίλια βόσκω,

κ' ἡμ' ὀνύτων τὸ κράτιστον ἀμαλγόμενον γάλα πίνω,

τυρὸς δ' ἔλκ' ἰππὶ μ' ἔτ' ὅθ' ἔρει, δὴτ' ἐν ὀπῶρῃ

ἔχει μῶνος ἀκρῶ.

Sed ipse talis cum sim, oues mille pascō,

Et ex iis optimum mulsum lac bibo:

*Caeſusque nõ deficit me neque in æſtate neque in autũno,
non hyemis extremitate.*

Canto] Secundus laudis locus, de muſica quæ probatur collatione parium, quod Corydon ſit muſicâ par Amphioni. Talis muſicæ ſuæ commendatio eſt Idyllio viceſimo quarto.

*ἀδὺν δέ μοι τὸ μελίσσδμα, καὶ ἴω σύρρητι μελίσσδω,
κ' ἴω ἀνὰ λῶν τὸ λαλέω, κ' ἴω δῶνάκι, κ' ἴω παναύλῳ.*

*Dulcis autem mihi cantus, & ſi fiſtula cano,
Et ſi tibia loquor, & ſi calamo, & ſi fiſtula compaſta.*

Amphion] Amphion & Zethus filij Iouis ex Antiopa: Amphion Lydios modulos & citharam inuenit, ait Plinius libri ſeptimi capite quinquageſimo ſexto. Dirceus autē hic dicitur à Dirce fonte Thebano vt, ait Probus meminit Amphionis Horatius libro tertio carminum ode vndecima,

*Mercuri nam te docilis magiſtro
Mouit Amphion lapides canendo.*

Et in arte poëtica:

*Dictus & Amphion Thebanæ conditor arcis
Saxa mouere ſono teſtudinis.*

Actæo] id eſt littorali (ait Seruius) nam Aracynthus mons eſt Thebanus littoralis, & ἀκτὴν græcum, tanquam latinè acta dicitur apud Virgilium quinto Aeneidos.

*At procul in ſola ſecretæ Troades actæ
Amiſſum Anchifeu flebant.*

Et ſeptima Verrina apud Ciceronem. Ipſe tamen cùm vir eſſet Syracuſis, vxorem eius parum poterat animo ſoluto ac libero tot in acta dies ſecum habere.

Actæo] non Athenienſi ait idem Seruius, quamuis ἀκτὴς dictæ ſint Athenæ, vel ad imperitiā paſtoritiā demonſtrandum ita dixit poëta contra rei veritatem, quod Theocritus ſæpe facit: quo genere priora illa de Tigri, Arari, Oaxe poſſunt accipi. Nec ſum] Tertia laus à forma quæ probatur adiuncta imagine & parium collatione, qualis eſt, ſed apertior, Idyllio viceſimo quarto plurimis verſibus. Nec ſum] Extenuatio eſt, qualis eſt

pro Cælio Ciceronis. vt cum nihil pœniteat non deformem esse natū. Locus autē est è sexto Theocriti Idyllio:

καὶ γὰρ θυν ὅτ' ἰδὼς ἔχω κακόν, ὥς με λέγοντι,
ἢ γὰρ πρὶν ἐς πόιντον ἐσέβλεπον, ἢς δὲ γαλάνα.

*Etenim sanè neque formam habeo malam, vt me dicunt,
Etenim nupcr in mare respexi cuius erat tranquillitas.*

At hoc argumentum Seruio falsum est, ac negatur (ait) per rerum naturam fieri vt in mari conspiciatur imago, & rusticam imperitiā hîc decorè seruari, vt apud Theocritum. Cælius tamen Rhodiginus libri decimi quarti capite decimo, Seruio resistit: licet mare in serenitate colorē sibi trahat, & oleosum pingue in eo supernaret, indéque imago reddi nequeat, vt in speculo obnubilato: attamen placidum ventis mare ex Seneca interpretatur: cū leuiter nec in vnā tantū partem commouetur: & Lucianum citat, tranquillū mare speculo comparantem. Atque eiusdem libri capite nono ait oleosum illud in mari, flatu Aquilonis discuti, vt Aquilone flante mare lucidius efficiatur.

O *tantum*] Repertitur secunda laus de musica: Si mecū pastoritiā vitā agere velis, Pani musicā similis eris: collatio est similitum. O *tantum*] Oportio. Tibi] quæ tu putas. *Humiles*] dixit antea pauper tugurium.

Cervos] Metaphora: dicuntur cerui in ædibus rusticis, vbi singula extrema bacilla forcillatam habēt figuram literæ Y, à similitudine cornuum cerui ait Varro de lingua latina. *Hibisco*] Poëtica Syntaxis, vt *It clamor cælo* pro ad hibiscum & ad cælum: Est autem hibiscus vel hibiscū vt à quibusdā ebiscus herba non dissimilis maluæ ait Theophrastus, sed folio maior caulēque pilosior. Plinius libri 19. capite quinto hibiscum à pastinaca gracilitate distat, damnatum in cibis, sed medicinæ vtile. Ecloga decima videtur pro iunco aut vimine accipi,

-Et gracili fiscellam texit hibisco.

In syluis] Syluestrem musam, & Montibus & syluis fuit antea. *Pana*] πάντων vniuersum dicitur, indéque instar vniuersi pingitur hic deus, cornibus solis ra-

dios & lunæ cornua ostendit, facie rubra, ætherem: nebride in pectore stellata, stellas: inferiore parte hispida, virgulta & arbores: caprinis pedibus, solidam terram: septem calamorum fistula, septem planetarum harmoniā: curuo pede, annum in se recurrētē: victus amore, quod omnia vincit amor. Syringa enim amauit, & cū esset auxilio terræ in calamum conuersa, è calamo fistulam fecit: vide Seruium. *Pan*] Pana & Pan polyptoton.

Pan] Anaphora. *Oues ouiumque*] polyptoton.

Nec te] Prolepsis quæ refellitur collatione parium.

Amyntas] Amyntas pastoris nomen in Idyllio ultimo apud Theocritum. *Est mihi*] Continuat laus musicæ ex instrumēto, instrumētique & adiunctis & authore & adiuncta inuidia. *Disparibus*] quarum sunt aliis aliæ maiores. *Cicutis*] Cicutā herba venenosa, de qua Plinius libri 25. capite 13. Cicutā quoque venenum est publica Atheniensium pœna inuisa:

-Barbatum crede magistrum

Dicere, sorbitio tollit quem dira cicutæ

ait Persius de Socrate: eius calamo conficiuntur etiam pastoritæ fistulæ, & sic erit ecloga quinta,

Hac te nos fragili donabimus antè cicutæ.

Quopacto fortassis hîc etiam videri possit à poëta dictum: Seruius tamen cicutæ nomine ait hîc significari spatium inter nodos cannarum, ut fistula sit septem disparibus internodiis cera fortasse compactis.

Dametas] nomen est pastoris in Idyllio Theocriti sexto. *Dono*] Idyllio quarto:

Δῶρον ἐμὴν νῦν ἔλειπεν:

Dono mihi ipsam reliquit,

Praterea] repetitur prima laus de diuitiis per varias species donorum: prima est de capreolis versicoloribus copiose lactētibus, amatis à Thestylē: quæ noua adiuncta sunt. *Capreoli*] Caprea sylvestris est capra, Martia. lib. 13.

Pendentem summa capream de rupe videbis,

Casuram speres, decipit illa canes.

Capreoli] locus è tertio Idyllio Theocriti:

ἢ μὲν τοι λευκὴν διδυματόμον αἶψα φυλάσσω,
 τὰν μὲ καὶ ἃ Μέρμνωνος Ἐριθακίς ἃ μαλανόχρους
 αἰτῇ, καὶ δώσω οἱ, ἐπεὶ τὺ μοι ἐνδιαβρύπῃ.

Certe quidem tibi albam gemellos parientem caprā seruo,
 Quam me et Mermnonis Erithacis nigri coloris
 Postulat, et dabo ei, quoniam tu mihi delitias facis.

[Abducere] Orat abducere, ut abducatur, figuratum, ait Seruius.

Huc ades] Secunda species opum, è suauium herbarū fasciculo per nymphas collecto. Lilia] postea decima ecloga erit,

Florentes ferulus, et grandia lilia quassans.

Calathis] κάλαθος græcum est, latinum verò qualus vel qualum, quasillus vel quasillum. Nymphæ] νύμφη spōsa: & à veteribus agrestia numina nymphæ dictæ, ut νηΐδες, ἀμαδρυάδες, καὶ ὀρεστιάδες, καὶ λειμωνιάδες, fluminū, arborum, montium, pratorum incolæ: quæ dictæ sunt etiā nutrices Liberi patris: ἀμαδρυάδες tamen propriè quæ cum arboribus & nascuntur & intereunt: sicuti δρυάδες quæ inter arbores viuunt. Pallentes] Plinius libri 31. ca. 6. ait violas alias esse purpureas, alias luteas, alias albas: florū autē primū Ver nuntiatiū sunt albæ violæ, ait eiusdem libri capite vndecimo. Papauera] fuisse autem in honore papauer apud Romanos semper, indicio est Tarquinius superbus, qui legatis à filio missis decutiēdo papauera in horto altissima, sanguinariū illud responsum facti ambage reddidit, ait Plinius lib. 19. ca. 8. Idyllio 11.

-ἔφερον δέ τοι ἢ κρίνα λευκά,

ἢ μάκων ἀπαλὰν ἐρυθρὰ πλαστογώνι ἔχοισιν.

-Ferrem autem tibi vel lilia alba,

vel papauer tenerum rubra folia habens.

Narcissum] Narcissus flos est non à fabuloso puero in eum conuerso, ut ait Seruius, sed à narce, id est torpore nominatus, ut affirmat Plinius libri 21. capite 19. cum caput grauet: Ruellius ait apud nos in montibus frequentem esse, rusticis tamen incognitum, & sine nomine. Anethi] Anethum herba boni odoris. Plinius

libri 20. capite 18. Anethum quoque ructus mouet, tormina sedat, aluum sistit. Idyllio septimo:

κ' ἡ γὰρ τῆνο κρετ' ἀμαρ ἀνήθιον ἢ ῥ' οὐδ' ὀνείτα
ἢ καὶ λευκοίων σέφ' ἀνον πῶδ' ἀ κρετ' ἰ φυλάσσων.

Et ego illo in die anethinam, vel roseam,

Vel violaceam coronam circa caput seruans.

Casia] frutex & casia est, iuxta cinnami campos nascitur, amplitudine trium cubitorum ait Plinius libri 12. capite 19. Virgilius tamen hinc herbam facit, vt Seruius interpretatur: an hinc etiam pastoris ἀμάρτημα fuerit: quidam tamen casiam faciunt aliam herbam, aliam fruticē: fruticē verò casia tum aromatitē, quam officinae vulgò canellam vocant, tum fistulam ligneam quā cassam.

Mollia] Plumei tactus, ait Seruius, ad hyacinthum respiciens. Luteola] lutum prima longa quibusdam videtur herba esse, qua tingitur chryfocolla,

-Iam crocco mutabit vellera luto

erit ecloga quarta. Calthæ] calendulam vulgò nominant, Franci solsiā, cuius folia olent non flores ait Plinius libri 21. capite 6. Ipse] Amplificatur proxima doni species variis fructibus & ramis. Cana] Periphrasis est cydoneorum, vel (vt latini loquuntur) cotoneorum, ex ad iuncta canicie: sunt enim præstātissimi odoris quæ sunt candidiora ait Plinius libri 21. capite 6. item ex lanugine. Nuces] Nux genus est, significat enim omnem fructum tectum duro cortice: species sunt auellanæ, amygdalæ, iuglandes, castaneæ. Cerea] cerei coloris aut mollia, vt ait Horatius.

Cerea Telephi laudat brachia.

Et idem,

Cereus in vitium flecti.

Poma] Pomum item est generalius nuce, & omnem arboris fructum esui aptum significat, seu mollem seu durum. Et vos] Apostrophe. Lauri] Synecdoche totius pro parte, nam ramum laureum significat.

Myrie] altera apostrophe, vbi similis est synecdoche. Idyllio vicesimo locus est non absimilis de variis floribus

floribus, narcisso, hyacintho, viola, serpillio. *Rusticus*] reuocatio sui ipsius ex adiuncto fastu & despectu munerum, & ex maiori, quod Iolas donet largiùs: Apostrophe est. *Eheu*] Exclamatio qua duobus similibus Alexidis fastum coarguit: placet enim potiùs quàm stultitiam Corydonis, cum paulò post amens Alexis dicatur.

Eheu] Idyllio tertio.

ὦ μοι ἐγὼ τί πάθω;

Heu mihi ego quid patior?

Austrum] Auster humidus & calidus est, & mortui hominis capite flores efflante vulgo pingitur à Cosmographis: Zephyro autem contrà flores nascuntur: græcè autem νότος dicitur, & νότις est humor, & latinè scribitur à quibusdam hauster, velut ab hauriendo dicatur.

Aprum] qui luto delectatur.

Sæpe volutabris pulsos sylvestribus apros

Latratu turbabis agens - tertio Georgico.

Quem fugis?] Exclamatio qua reuocatur adhortatio & paribus premitur. *Paris*] cum de forma dearum iudicauit. Dardanius autem dicitur à Dardano Electræ Iouisque filio, Ilij primo conditore, vnde postea Paris. Tale est Idyllio octauo.

-λέγε Μίλων

ὥς πρῶτος φώκας, καὶ θεὸς ὦν, ἐνεμα.

Dic Milton

Quod Proteus Phocas, est deus, pascibat.

Et Idyllio vicesimo quarto suasionis consimilis argumenta sunt bubulci, quod etiam Dionysius & Venus & Luna & Rhea & Saturnides & Cybele rusticos amarūt.

Pallas] permissio ex dissimili: Pallas inter multa alia dicitur etiam inuentrix ædificiorum & ἑρνο ἰπῆλιν καὶ πολιὰς, custos ciuitatum dicitur. *Nobis*] Antapodosis collatione similium illustrata: vbi etiam colligitur è specialibus generale. *Τορνα*] κλίμαξ seu gradatio trium graduum. *Τορνα*] Locus ex Theocrito, Idyllio II.

Α' αἶψ' ὅν κύντισον, ὁ λύκος τὰν ἄγρια δύνει

Α' γέρας τ' ὠροτρον, ἐγὼ δ' ἐπὶ τὴν μαμάνημαι.

P. RAMI PRAELECT.

*Capra cytisum, lupus capram sequitur,
Grus aratrum, ego in te decereo.*

Aspice] altera sui reuocatio per Apostrophē ex adiunctis temporis & omissi negotij. Quintilianus in his signis synecdochen tropū statuit ineptē, cū p̄priis verbis oīa dicta sint, nec significationis propriæ hic vlla fiat mutatio. *Aspice*] Periphrasis est noctis, p̄ quo fuit antē:

Et iam summa procul villarum culmina fiant.

Et Sol] Pro quo antē,

Maiorēsq̄ cadunt altis de montibus vmbra.

Me tamen] Quamvis solis ardor aduētu noctis remittatur. *Quis enim*] Ratio ex adiunctis: qualis de Phædria apud Terentium:

*Here, quæ res in se consilium, neque modum habet vllum,
Eam consilio regere non potes.*

Ah Corydon] Locus est totus ē Cyclope Theocriti, Idyllio vndecimo:

ὦ κύκλω·f, κύκλω·f, πᾶ τὰς φρένας ἐκπεπότησαι
αἰκ' ὄντων ταλάῳς τε πλέκοισι καὶ θαλλὸν ἀμάσας,
τοῖς ἀρνέσσι φέροισι, τάχα κέν πολὺ μᾶλλον ἔχῃς νοῦν,
τὰν παρτοῖ' ἔγω' ἀμάλῃ.

O cyclops cyclops, quod mentibus euolasti?

Vtinam veniens calathosq̄ plicares, & ramum metens

Agnis ferres, fortē multo magis haberes mentem,

Præsentem mulge.

Corydon Corydon] Epizeuxis. *Semiputata*] Geminata negligentia, semiputata vitis & vlmus frondosa: nān-que utrunque obest: vnde est Georgico secundo:

-Bis vitibus ingruit vmbra.

Est autem vlmus vitibus amica, ideoque illis maritatur, ut amplissimē percipietur in Georgicis.

Quin tu] Proponitur amoris remedium ex contrariis negotio & spe alterius amoris. *Detexere*] tale quiddam Idyllio primo:

ἀντὰρ ὃγ' ἀνθερίκεσσι χαλὰν πλέκει ἀκριδοθήραν,
χοῖνῳ ἐφαρμόσδων,

At hic culmis pulchram texit fiscellam,

Iunco

Iunco adaptans.] Ecloga decima idē ferē repetitur.
Inuenies] Locus hic etiam ex Cyclope,

-τί τὸν φεύγοντα διώκεις;

Ἐὐρήσῃς γαλάτειαν, ἴσως καὶ καλλίον' ἄλλαν.

-*Quid fugientem persequeris?*

Inuenies Galateam, fortē etiam pulchriorem aliam.

ECLOGA TERTIA.

Palæmon.

Menalcas. Damœtas. Palæmon.

Dic mihi Damœta, cuium pecus? an Me- ME.
 libæi?

Non, verūm Aegonis: nuper mihi tradidit DA.
AEgon.

Infelix ô semper ouis pecus: ipse Nearam ME.

Dū fouet, ac, ne me sibi præferat illa, veretur

Hic alienus oueis custos bis mulget in hora: 5

Et succus pecori, & lac subducitur agnis.

Parcius ista viris tamē obiicienda memēto. DA.

Nonimus & qui te trāsuersa tuētibus hircis,

Et quo, sed faciles Nympha risere, sacello.

Tum credo, cū me arbustū videre Myconis: ME. 10

Atque mala vites incidere falce nouellas.

Aut hīc ad veteres fagos, cū Daphnidis arcū DA.

Fregisti, et calamos, quæ tu peruerse Menalca

Et cū vidisti puero donata, dolebas:

Et si non aliquā nocuisses, mortuus esses. 15

ME. *Quid domini facient, audent cū talia fures?*

Non ego te vidi Damonis pessime caprum

Excipere insidiis, multū latrante Lycisca?

Et cū clamarem: Quò nunc se proripit ille?

Tityre coge pecus: tu post carecta latebas. 20

DA. *An mihi cantando victus non redderet ille,*

Quē mea carminibus meruisset fistula caprū?

Si nescis, meus ille caper fuit, & mihi Damō

Ipse fatebatur: sed reddere posse negabat.

ME. *Cantando tu illum? aut vnquam tibi fistula*

cera

25

Iuncta fuit? non tu in triniis indocte solebas

Stridenti miserum stipula disperdere carmē?

DA. *Vis ergo iter nos quid possit vterq; viciissim*

Experiamur? ego hāc vitulā (ne fortè recuses,

Bis venit ad mulctā, binos alit vberē foetus) 30

Depono: tu dic mecum quo pignore certes.

ME. *De grege non ausim quicquam deponere tecū:*

Est mihi nāq; domi pater, est iniusta nouerca:

Bisq; die numerāt ambo pec⁹, alter et hœdos.

Verū id, quod multò tute ipse fatebere maius, 35

(Insanire libet quoniā tibi) pocula ponam

Fagina, celatum diuini opus Alcimedontis:

Lenta quibus torno facili superaddita vitis,

Diffusos

Diffusos hedera vestit pallente corymbos.

In medio duo signa, Conon: et, quis fuit alter? 40

Descripsit radio totum qui gentibus orbem:

*Tempora quæ messor, quæ curuus arator ha-
beret.*

Necdū illis labra admoui, sed condita seruo.

Et nobis idem Alcimedon duo pocula fecit: DA.

Et molli circū est ansas amplexus acantho: 45

Orpheaque in medio posuit, syluásq; sequētes.

Necdū illis labra admoui, sed condita seruo.

*Si ad vitulam spectes, nihil est quod pocula
laudes.*

*Nunquam hodie effugies: veniam quocūque ME.
vocaris:*

Audiat hæc tātū vel qui venit, ecce, Palamō. 50

Efficiam posthac ne quēquam voce laceffas.

Quin age, siquid habes, ī me moranō erit vlla: DA.

Nec quenquā fugio. tantū vicine Palamon

Sensib⁹ hæc imis (res est non parua) reponas.

Dicite, quādoquidē in molli cōsedim⁹ herba: PA. 55

Et nunc omnis ager, nūc oīs parturit arbos:

Nunc frondēt syluæ, nūc formosissim⁹ annus.

Incipe Damœta, tu deinde sequēre Menalca:

Alternis dicetis, amant alterna Camœnæ.

Ab Ioue principiū Musæ, Iouis omnia plena: DA. 60

Ille colit terras, illi mea carmina cure.

ME. Et me Phœbus amat, Phœbo sua semper apud me

Munera sunt lauri, et suauè rubēs hyacinth⁹.

DA. Malo me Galatea petit lasciuia puella:

Et fugit ad salices, & se cupit antè videri. 65

ME. At mihi sese offert vltro meus ignis Amyntas:

Notior vt iam sit canibus nō Delia nostris.

DA. Parta meæ Veneri sunt munera, nāq; notavi
Ipse locum, aëriæ quò. congersere palumbes.

ME. Quod potui, puero, syluestri ex arbore lecta 70
Aurea mala decem misi, cras altera mittam,

DA. O quoties, & quæ nobis Galatea locuta est,
Partē aliquā vėti, Diuūm referatis ad aures.

ME. Quid prodest, quod me ipse animo non spernis Amynta,

Si, dum tu sectaris apros, ego retia seruo? 75

DA. Phyllida mitte mihi, meus est natalis, Iola:
Cum faciam vitula pro frugibus, ipse venito.

ME. Phyllida amo antè alias: nam me discedere
flevit,

Et longum formose vale, vale, inquit, Iola.

DA. Triste lupus stabulis, maturis frugib⁹ ibres, 80
Arboribus venti, nobis Amaryllidis iræ.

ME. Dulce satis humor, depulsis arbutus hœdis:
Lenta salix fœto pecori, mihi solus Amyntas.

Pollio amat nostrā, quāvis sit rustica, musam DA.

Pierides vitulam lectori pascite vestro. 85

Pollio & ipse facit noua carmina, pascite ME.
taurum:

Iā cornu petat, et pedibus qui spargat arenā.

Qui te Pollio amat, veniat, quò te quoque DA.
gaudet:

Mella fluāt illi, ferat et rubus asper amomū.

Qui Bauū nō odit, amet tua carmina Meni: ME. 90

Atque idē iungat vulpes, et mulgeat hircos.

Qui legitis flores, & humi nascentia fraga, DA.

Frigidus, ô pueri, fugite hinc, latet anguis in
herba.

Parcite oues nimiū procedere, non bene ripæ ME.

Creditur, ipse aries etiā nunc vellera siccet. 95

Tityre, pascentes à flumine reiice capellas: DA.

Ipse, vbi tempus erit, omneis in fonte lauabo.

Cogite oues pueri, si lac præceperit æstus, ME.

Vt nuper frustra præssabimus vbera palmis.

Eheu quàm pingui macer est mihi taurus in DA. 100
aruo:

Idem amor exitium est pecori, pecorisque ma
gistro.

His certè neque amor causa est, vix ossibus ME.
hærent:

Nescio quis teneros oculi mihi fascinat agnos.

- DA. Dic quib⁹ ī terris (et eris mihi magn⁹ Apollo)
Treis pateat cæli spatium nō amplius vlnas. 105
- ME. Dic quib⁹ in terris inscripti nomina regum
Nascantur flores, & Phyllida solus habeto.
- PA. Nō: nostrum inter vos tantas cōponere lites:
Et vitula tu dignus, & hic, & quisquis a-
mores
Aut metuet dulceis, aut experietur amarus. 110
Claudite iam riuos pueri, sat prata biberunt.

IN TERTIAM ECLOGAM.



HÆC ECLOGA pastorū iurgia primò
proponit, tum musicum certamen, po-
stremò par de vtroque iudicium.
Dic mihi] despicit veluti mercenarium,
sed repungitur è dissentaneis obiecto
riuali domino. Dic mihi] Ex quarto Idyl-
lio sumptum est,

BA. εἰπέ μοι ὦ κορύδων, τίνοσ' αἱ βοῆες ἦρ' ἀφιλῶνθεα;

KO. ὅκ, ἀλλ' αἴγωνος, βοόσκεσθ' ἄν μοι ἀντὰς ἔδωκεν.

Dic mihi ò Corydon, cuius boues? an Philonidæ?

Non, verum Aegonis, pascendas autem mihi ipsas dedit.

Infelix] Exclamatio qua accusat ex effectis & Aego-
nem libidinis, & Damocram furti: quarto Idyllio,

BA. δειλαῖαι γ' αὐται, πόν βοκόλον ὥς κακὸν εὖρον.

KO. ἦ μὰν δειλαῖαι γέ, καὶ οὐκέτι λῶντι νέμεσθαι.

Miseræ hæc, quod malum bubulcum inuenerint.

Certè quidem miseræ, & non amplius volunt pascere.

Ouis] Synecdoche pro ouium, vt pecus pro grege
ibidem: & ante,

-Cuium pecus?

Mulga

Mulget in hora] Quod tamen per totum diem vix potest in fœcundis ouibus fieri. De hoc in Georgicis libro tertio,

Qui surgente die mulserunt horisq; diurnis:

Noctē premunt.

4. Idyl. ἢ πᾶσι κρύβδαν τὰ ποθέσπερα πάσας ἀμέλῃσι

Certe vbi ipsas clam vespere omnes mulges?

Et succus] Macerantur oues : succus enim est humor quo alitur animal : hinc corpus solidū & succi plenū ait Terētius in Eunucho. Et Varro secūdo de re rustica vtat dum nutricantur agni, matres mulgeri, quia plus laxe ferunt, & agnos plures : & lex Iustiniani, ea de re ait, *Ἐὰν εὐρέθῃ ποιμὴν ἀμέλγων τὰ πρόβατα λάθρᾳ τῷ κυρίῳ αὐτῶ, καὶ πιπράσκων, τυπτόμενος τῷ μισθοῦ σφραγίδι.* Si deprehensus sit opilio oues mulgere clam domino suo, & vendere, verberatus mercede priuetur. *Parcius]* Reponitur ex adiunctis probrum turpioris libidinis, & aliis adiunctis exaggeratur. *Qui te]* Ellipsis, vbi decenter pudoris gratia verbum turpitudinis reticetur, vt Quintilianus libri noni capite tertio monuit. *Hircis]* quos constat libidinosos esse, vt si coeuntes videant, indignetur, & in eos impetum faciāt. Est autem hircus mēsiū septem satis habilis ad procreandum, quoniam immodicus libidinis, dum adhuc vberibus alitur, matrem stupro superuenit, & ideo celeriter & ante sex annos cōsenescit, quod immatura Veneris cupidine primis pueritiæ temporibus exhaustus est. Columella libri septimi capite sexto. *Transuersa tuentibus]* periphrasis est pro indignantibus. *Hircis]* alij hirkuis, id est oculorum angulis, ait Seruius ex Suetonio : at Pierius putat & hircis & hirkuis idem significari, & eiusdem nominis orthographiam diuersam esse. *Tum credo]* Ironia, qua ex effectis crimen capitis obilicitur de arbuſtis & vitibus incisis. *Arbuſtum]* hac etiā de re lex Iustiniani, *οἱ δὲ ἄνδρες καὶ μάλιστ' ἀμπέλῃς τέμνοντες, ὡς ληστὰς κολάζονται.* Qui arbores & maximè vites incidunt, latronis more puniantur. fuit & omnino cura arborum legibus priscis

cautumque est duodecim tabulis, ut qui iniuriâ cecidisset alienas, lueret in singulas æris xxv. ait Plinius libri decimi septimi capite primo. *Myconis*] nomen est ex *Idyllio* quinto. *Aut hic*] reponitur ex inuidiosis factis accusatio, loci & personæ adiunctis amplificata.

Arcum] habent etiam sua arma pastores,

Armâque, amycleumque canem, cressamque pharetram,
ut est tertio *Georgico*. *Dolcebas*] *Idyllio* quinto,

τὸ δ' ὦ καὶ καὶ τὸτ' ἐτάμεν

βασκαίνων

-Tu autem ô male & tunc liquefiebas

Inuidens.

Quid] Exaggerat audaciam domini, collatione minorum, ubi fures per metonymiam ex adiunctis pro seruis accipe. *Non ego*] obiicitur aliud furtum, & variis circumstantiis exaggeratur: locus autem est *Idyllio* quinto similis,

ὃκ ἀπὸ τᾶς κράνας, σίττ' ἀμνίδες; ὃκ ἐσορήτε

τόν μιν τᾶν σύριγγα πρῶτον κλέψαντα κομάταν;

Non à fonte heus agnæ? non inspicietis

Meam fistulam paulò antè furantem Comatam?

Excipere] *Excipere* insidiis, insidiosè furari.

Lycisca] ἡ λύκος; id est lupus, diminutivum λυκίσκος, & nunc *lycisca*: canes autè apud Indos è tigris etià concipiunt, & ob id in sylvis coitus tempore alligant fœminas: hoc idem è lupis Galli, quorum greges suum quisque ductorem è canibus & ducem habent, ait Plinius libri octavi capite quadragesimo. *Idyllio* sexto:

--πάλιν ἃ δ' ἴδε τὴν κύνα βάλει,

ἂ τοι τᾶν οἰῶν ἐπιταὶ σκοπὸς ἃ δὲ βρούσθαι εἰς ἄλλὰ
δεκκομένα,

Iterum hæc ecce canem percutit,

Quæ te ouium sequitur custos: hæc autem latrat in mare aspiciens.

Quò nunc] *prosopeia*. *Careta*] *Carex* herba acuta & durissima, ait *Seruius*, sparto similis.

Et carice pastus acuta, tertio *Georgico*.

Ex ea (ait Ruellius) mollissimę texuntur cathedrę, fo-
lio ferę arundinis, vliginosa & palustri loco plurima.
Hinc caretum, locus iis herbis confitus: quidam pu-
tant esse gladiolum: sed interpretatio Seruij repugnat.

An mihi] defenditur iure factum:

Quod victor merueram, iure cepi:

At victor capram merueram:

Iure itaque cepi.

Propositionis sententia primò comprehenditur.

*Si nescis] Assumptio est affirmata testimonio Damo-
nis. Cantando] Resistitur assumptioni inficiatione cau-
sę & factis, quę musici certaminis pręparatio est.*

*Tu illum] ἄμουνος musicum vicisti? intellige: id enim
emphasis & ellipsis volunt. Fistula] Similis est quinto
Idyllio locus,*

τὰν ποίαν σύργῳ τὸ γὰρ πόκα δῶλε συβάρτα

ἐκτάσω σύργῳ τί δ' ἐκέτι σὺν κορύσῳ

ἀρκεῖ τοι κλάμας ἀνλὸν ποπύσδεν ἔχοντι;

Quam fistulam? tu enim quando serue Sybarita

Possedisti fistulam? quid non adhuc cum Corydone

Sufficit tibi stipulę foramen sibilare habenti?

Cera] sic antea.

Pan primus calamos cera coniungere plures

Instituit.

*Indocte] ἄμουνον appellat indoctum. Stridenti] malè so-
nanti, sicuti sonant collisi rudentes: stridor enim illic est
proprius: vt Aeneidos tertio,*

-Stridórque rudentum.

*Miserum] Seruius flebile interpretatur, qualis fiebat
in triuiis & quadriuiis à pastoribus in honorem Dianę,
id est Proserpinę, ad imitationem Cereris, eam inqui-
rentes. Potest etiam Miserum pro inepto & indocto ac-
cipi: vt mendicorum more & vrbicorum poëtarum, Da-
mōtas in triuiis cecinerit. Vis ergo] Occasione proxi-
mi conuitij prouocatur Menalcas ad cantandum, & vi-
ctoriæ pręmium proponitur, & effectis commendatur.
Similis locus est octauo Idyllio,*



P. RAMI PRAELECT.

χρήσθεις δ' ὧν ἐσιδῆν, χρήσθεις καταθεῖναι ἀέθλων;
Vis autem igitur inspicere, vis deponere præmium?

Quo ex loco etiam sequentia deducta sunt.

Vitulam] à viridioræ ætate etiam post partum dicuntur
 vaccæ, ait Seruius. Simile est *Idyllio* primo:

Αἷζα τέ τοι δώσω διδυματόιον ἐς τρεῖς ἀμέλξαι,
 ἅ δ' ἔχεις ἐρίφως ποταμέλξεται ἐς δύο πέλας.

Capramque tibi dabo, gemellos enixam ad ter mulgere,
 Quæ duos habens hædos, admulgebatur in duas multras.

Multram] multra & multrum est lac euulsum aut tem-
 pus mulgendi. *Vitulam*] deponam ut scias mihi pecu-
 liam esse. De grege] proponit item suum præmium,
 sed exornat dissimilitudine: non ausim deponere quic-
 quam de grege, sed pocula: propositionis ratio est e mo-
 rosis possessoribus patre & nouerca, qui pastoris auda-
 ciæ repugnant. *Iniusta*] Generale est epitheton nouer-
 carum: simile est in *Idyllio* octauo,

ἔθεσ' ὅκα ἀμὸν, ἐπεὶ χαλεπὸς ὁ πατήρ μιν
 χ' ἀμάτηρ, τὰ δὲ μᾶλα πρῆσσειρα πάντα ἀριθμῶντι.

Non ponam agnum, quoniam difficilisque pater meus

Et mater, has autem oues ad vesperam omnes numerant.

Verum] Antapodosis ad commendationem pignoris
 è testimonio Damætax, ex materia operis atque effecto
 re, item adiunctis. *Insanire*] canere, ait Seruius: quia
 poëtæ insani finguntur: quod non placet sed, insanire
 modò potiùs Menalcæ videtur Damætax, quòd ἀμυνσοῦς
 aduersus musicū certare audeat. *Fagina*] Materia ope-
 ris veteribus laudata: fagis enī pectines trāsuerſi in pul-
 pa: Apud antiquos inde in vasis honos. Marcus Curius
 iurauit se ex præda nihil attigisse præter guttū faginū,
 quo sacrificaret, Plinius libri decimisepti capite tricesi-
 mo septimo: & fagutalis Iuppiter libri decimi sexti, ca-
 pite decimo eidem Plinio dicitur. *Diuini*] Metaphora
 pro excellentis, præstantis:

ἔνδοθεν δὲ γυνή τις, θεῶν δαίδαλμα τέτυκται,

Intus autem mulier, quædam deorum opus fabricata est:
Idyllio primo.

Lenta

Lenta] Similis est primo Idyllio locus,
 τῷ περὶ μὲν χεῖλιν μαρύεται ὑψόθεν κιστὸς,
 κιστὸς ἐλὶ χρύσῳ κεκονισμένος-
Huius circum quidem labra voluitur supernè hedera,
Hedera helichryso ornata.

Vestit] iis autem tabulis, interiores templi partes ve-
 stirbantur, ait Cicero simili metaphora, sexta Verrina.
 Similis locus est Idyllio vicesimo,

Ἐν τῷ θεοῖσιν πολλὰ τετεύχαστο μαρμαίροντα.
 Ἐν μὲν ἔλιν χρυσοῖο τετυγμένη ἰνάχων ἰὼ
 εἰσέτι πόρτις ἔσσα-
In hoc ingeniosa multa fabricata erant resplendentia.
In quidem erat auro facta Inachi Io
Adhuc vitula existens-

Conon] Conon non Atheniensis dux, sed potius ma-
 thematicus Aegyptius accipiendus est, de quo Catullus,
 Omnia qui magni despexit sydera mundi.

Et paulò post.

Idem me ille Conon cælesti numine vidit
Et Bereniceo vertice Casariam,

Et cuius ad Dositheim de tetragonismo meminit Ar-
 chimedes, ut Valla primo Geometriæ scribit.

Et quis] Pastoralis decori gratia, hæc imperitia vel obli-
 uio fingitur: quòd pastores de philosophis non admo-
 dum audiant. Periphrasis autem est insignis cosmogra-
 phi & astrologi, qualis fuit Eudoxus aut Aratus aut Ar-
 chimedes: horum enim aliquem suspicari potes.

Radius] Radius splendor à sole micans, à cuius simili-
 tudine radius gemeotricus, quo lineamenta describū-
 tur: Humilem homunculum à pulvere & radio excita-
 bo, ait de Archimede Cicero quinta Tusculana: & ra-
 dius astronomicus, quo sydera spectantur:

-cælique meatus

Describent radio, & surgentia sydera dicent,

Sexto Aeneidos. Dicuntur etià radij rotarum, & qui-
 bus raditur mensura, & quibus textores telam texunt.

Tempora] de quibus primo Georgico abundè.

Curius arator] Arator nisi incuruus, præuaricatur, ait Plinius libri decimioctavi capite decimonono.

Admoui] hypallage, pro nondum admoui labris,
vt -*Dare classibus austos.*

Et nobis] Derisio est Menalcæ, ex poculis per omnia similibus, nec tamen paribus vitulæ: ratio itaque minorum. *Acantho*] Acanthus topiaria & urbana herba est, elato longoque folio, crepidines marginum, assurgentiúmque pulvinorum thoros vestiēs, Plinius libri vicesimi secundi capite vicesimo secundo: eadem herba in corynthis & pretiosis vestibus ideo exprimitur: Brancham vrsinam vel hircinam vulgò nominant: 4. ecloga,

Mistæque ridenti colocasia fundet acantho:

quarto Georgico,

Ille comam mollis tantùm tondebat acanthi:

Et primo Aeneidos,

Et circumtextum croceo velamen acantho:

Simile est primo Idyllio:

*πάντα δ' ἀμφὶ δέπας περιπέπλεκται ὑγρὸς ἄχινθος,
ἀιπολικὸν τι θάμνα.*

*Vbiq̃ue verò circum pateram extenditur mollis acanthus,
Pastorale quoddam miraculum.*

Orpheaque] nota est Orphei fabula, quantùm musica valuerit,

Nec non Threicius longa cum veste sacerdos,

Obloquitur numeris septem discrimina vocum,

Vt est sexto Aeneidos: & quomodo feras traxerit, vt Horatius ait in arte:

Syluestres homines sacer interprèsque deorum

Cædibus & victu fœdo deterruit Orpheus:

Diæctus ob id lenire tigres rapidosque leones.

Et hîc etiam sylvas dicitur traxisse, & sexto Aeneidos ab inferis coniugem excitasse:

Si potuit manes arcessere coniugis Orpheus.

Octauo Idyllio Daphnis Menalcam sic remordet, dum fistulam, per omnia eius fistulæ similem proponit.

Nec dum illis] locus è primo Idyllio:

ὃ δ' ἐτίπω ποτὶ χεῖλος ἑμὸν θίξθαι, ἀλλ' ἐτι κείτται
ἄκραντον.

*Neque dum quicquā labrum meū attigit, sed adhuc iacet
Intactum.*

Vt autem hic versus

Necdum illis labra admonui, sed condita seruo

bis dicitur: sic octauo Idyllio repetitur,

λευκὸν καρὸν ἔχοντα ἴσον καὶ τῷ, ἴσον ἄνωθον,

Albam cerā habentē equalē deorsum equalē sursum.

Nunquam hodie] Accipitur certaminis quælibet conditio, & iudex editur, & Damætas minis terretur: sic Idyllio quinto constituitur Morfon iudex Laconis & Comata, & Idyllio octauo caprarius iudex Daphnidis & Menalcæ. *Palæmon*] postea fuit Grammaticus: de quo Suetonius in libello de claris Grāmaticis: Palæmō memoria & facilitate sermonis, & extemporali versuum facultate præstans, qui nomen suum in Bucolicis non temerè positum diceret, sed præfagiente Virgilio, fore aliquando omnium poëtarum & poëmatum iudicem Palæmonem: Fuit verò tam arrogās, vt Varronem, porcum appellaret, secūmque natas & interituras literas.

Quin age] accipitur iudex, & adiunctis conciliatur, quòd vicinus: tum ad cognoscendum excitatur, quòd res non parua. *Vicine*] vel vicinitas tua, quod ego in propinqua amicitia parte puto, ait Terentius. *Sensibus*] metaphora à corpore ad animum: sic de oratore Cicero ait: dicēdo sensus hominū mentēsque pertractare: & in Legibus: Inest nescio quid in animo & latet in sensu meo.

Dicite] Inuitatio ad cantandum ex adiunctis & loci & tēporis, quale ferè apud Ciceronem in Dialogis decorum seruatur. Primo de oratore platanus est, in cuius vmbra differitur: de Legibus inter procerissimas populos, & in viridi opacāque ripa fluminum ad auium etiam concentum differitur: & de hoc iam prima ecloga dixi. *Nunc*] Nunc ter iteratum initiis, facit anaphoram. *Formosissimus*] metaphora. *Incipe*] proponit Amœbi carminis legem: sic enim alternum, mutuum, reci-

procum dicitur ἀμοιβαῖον, ἀπὸ τοῦ ἀμείβωμαι. Ratio autem petitur ex coniugatis: alternis, vicibus intellige, dicetis, quia musæ amant alterna. Idyllio nono,

βωκολιάσδεο δάφνι, τὸ δ' ὠδᾶς ἀρχο πρῶτος,
ὠδᾶς ἀρχο πρῶτος, ἐφεξάσθω δὲ μινάλκας.

Canta Daphni, tu autem cantum incipe primus,

Cantum incipe primus: insequatur autem Menalcas.

[Ab Ioue] Principium sumitur à numinis inuocatione: Ratio est ex adiunctis, quòd maximus sit, & curet res humanas. Sic Idyllio decimo septimo,

Ἐκ διὸς ἀρχώμεσθα, καὶ εἰς δία λήξετε μοῖσαι.

[Ab Ioue incipiamus & in Iouem desinite musæ.]

Seruius tamen mauult ab Arato deducere.

Ἐκ διὸς ἀρχώμεσθα, τὸν ὃ δέ ποτ' ἄνδρες ἐώμεθ'

Ἄρ' ἔητον, μᾶται δὲ διὸς πᾶσαι μὲν ἀγριαί,

πᾶσαι δ' ἀνθρώπων ἀγοραί, μᾶτ' ἢ δὲ θάλασσα,

καὶ λιμένες, πάντῃ δὲ διὸς κεχρήμεθα πάντες·

τὸ γὰρ καὶ γένος ἐσμέν.

[Ab Ioue incipiamus, hunc neque vnquā viri omittimus]

Indicium: plenæ vero Iouis omnes quidem viæ,

Omnes verò hominum conuentus, plenum & mare,

Et prata: vbique autem Ioue utimur omnes:

Huius enim genus sumus.

Fuit autem solēne veteribus præfari diuos: hinc Aeneidos decimo,

Præfatus diuos folio sic infit ab alto.

[Ioue Iouis] item, [Ille illi] polyptoton. Colit] amat, vt primo Aeneidos, -posthabita coluisse Samo.

[Curæ] sic antè de Pane,

Pan curat oues omniūque magistros.

[Et me] reponitur præterea secundum numen studiosum etiam Menalcæ: ratio est ex effectis Menalcæ, quia colat Apollinem. Phæbus Phæbo] polyptoton: simile est Idyllio quinto,

ταῖς μῶσαις με φιλεῦντι πολὺ πλεον ἢ τὸν ἀοιδὸν

δάφνιν, ἐγὼ δ' ἅνταῖς χιμάρως διὸς πρῶτον πρὸς ἔθυσσα.

Musæ

*Muse me diligunt multò plus quàm cantorem
Daphnim: ego autem ipsis capellas duas antè aliquando
sacrificavi.*

Et ibidem rursus,

*καὶ γὰρ ἐμὲ ὡς πολλῶν φιλεῖ μέγα, καὶ κελὸν ἀντὶ
κρίον ἐγὼ βοῶσι: ὡς τὰ δὲ κάρνεια καὶ διὰ ἑφέρπει.*

*Et enim Apollo me diligit magnopere, & bonum ipsi
Arietem ego pascō, illa autem cernea & iam aduentant.*

Hyacinthus] Seruius iam dixit esse vaccinium: & eum
Hermolaus Barbarus, & Ruellius secuti sunt.

-molli fultus hyacintho, sexta ecloga,

Ferrugineos hyacinthos, 4. Georgico,

id est cœruleos. *Malo*] Opponuntur amores ex amicæ fa-
ctis, qualis est quinto Idyllio locus:

*βράζει καὶ μάλοισι τὸν αἰπόλον ἁ κλειρίστα
τὰς ἄγας παρελῶντα, καὶ ἀδύ τι ποπυλιάσσει.*

Percutit & malis caprarium Clearista

Capras expellentem, & suauè sibillando fugit.

Item sexto Idyllio,

*βράζει τοὶ πολύφραμα τὸ πόμνιον ἁ γαλάτεια
μάλοισιν, θυέρωτα τὸν αἰπόλον ἄνδρα καλεῦσα.*

Percutit tibi Polypheme armentum Galatea

Malis, difficile in amore caprarium virum vocans.

Et Idyllo 19. *-τὸν μὲν ἔφρευεν*

ἁ καλὰ γαλάτεια: σὲ δ' ἀδύ ἀπέβλεπεν ἄλμας.

-hinc quidem fugiebat

Pulchra Gatea, te autem suauè ἀ videbat mari.

Et fugit, & se] Anaphora. *Ante videri*] Quàm lateat.

At mihi] reponuntur maiores amores ex factis ama-
fij, & collatione parium. *Ignis*] Idyllio secundo.

Ἄλλα μέτις καπυρὰ νοσος ἐξαλάπαξε.

Sed me quidam igneus morbus exhausit.

Delia] amica aut venatrix dea. *Parta*] Opponitur in
amores liberalitas ex effectis: locus est similis 5. Idyllio;

κ' ἡγὼ μὲν δωσῶ τᾶς παρθένῳ ἀντίκα φάσσαν

ἐκ τᾶς ἀρκένυθ καθελὼν, τίλει γὰρ ἐφίσσει.

Et ego quidem dabo virgini statim palumbem

Ex Iunipero deprehendens : illic enim insidet.

Veneri] Metonymia pro amori vel amicæ. *Aëriæ*]
Anteà fuit,

Nec gemere aëria cessabit turtur ab ulmo,
pro alta & sublimi: nunc Seruius interpretatur aërii
coloris. *Quot*] reponitur liberalitas maior, item ex ef-
fectis: locus est ex Idyllio tertio,

Ἡ νὶ δέ τοι δέχα μᾶλα φέρω τινῶθε καθεῖλον,
ὃ μ' ἐκέλευ καθελεῖν τὸ, καὶ ἄνριον ἄλλα τοι οἶσῶ,

Ecce autem tibi mala decem fero, illinc decerpfi

Vnde me iussisti decerpere tu, ego cras altera tibi feram.

Mala aurea] coloris aurei, ait Seruius, & μήλα ἰασσερικὰ,
mala hesperica Aphri dixerunt: τὴν græci χρύσεια μήλα. aurea
mala citria mala sunt: citron & orengiam Franci nomi-
nant. *Misi mittam*] Polypoton. *O quoties*] opponitur a-
micæ gratia ex eius diuinis sermonibus: Quantum ve-
rò in amoribus venustas illa sermonis valeat, ostendit
Catullus illo epigrammate,

Quintia formosa est multis, mihi candida, longa,

Recta est, hæc ego sic singula confiteor.

Totum illud, formosa, nego: nam nulla venustas

Nulla in tam magno corpore mica salis.

Locus autem hic est ex Idyllio septimo,

-λυκίδα φίλε, πολλὰ μὲν ἄλλα

νύμφαι κ' ἡ μὲν δίδασκ' ἀν' ὤρεα βουκολέοντα

εἴσθλα, τὰ που καὶ Ζηνὸς ἐπὶ θρόνον ἄγαγε φάμα.

-Lycida amice, multa quidem alia

Nymphæ me docuerunt supra montes pascentem

Bona, quæ Iouis in thronum duxit fama.

Venti] hîc optatio est & apostrophe. *Quid prodest*] re-
ponitur maioris in venando voluptatis gratia, ubi simi-
lis est apostrophe, & ironia videtur esse quædam.

Phyllida] opponuntur rursus amores quotieslibet para-
ti, item fruendi causæ: Natalis siquidem dies genialis
est. Hodie non descendit Antonius: cur? dat natalicia in
hortis, ait Cicero secunda Philippica.

Natali Cornute die mihi dulcior est lux:

ait Iuuenalis. *Faciam*] sacrificabo: Nolite auellere à sacris Iunonis hospitæ, cui omnes consules facere necesse est, ait Cicero pro Murena. *Pro frugibus*] hoc sacrificium ambaruale dicebatur, quia circum arua victima ducebatur: hinc primo Georgico,

Térque nouas circum sælix eat hostia fruges,

Item quinta ecloga

- Et cùm lustrabimus agros.

Phyllida] repetuntur amores paratiores, idque effectis approbatur. *Discedere*] sic antea, *Orat abducere*, figuratum Seruius esse monuit, pro fleuit quòd discederem.

Vale] prosopopœia. *Vale*] vale secundum, syllaba secunda corripitur simili licentia atque antea,

Te Corydon ô Alexi.

Idyllio quinto argumentum etiam contrarium est:

ὅκ' ἔραμ' Ἀλκίπῳας, ὅτι μὴ πρὶν ὅκ' ἐφίλασεν,

τῶν ὧτων κατελῶισ' ὅκ' οἱ τὰν φάσσαν ἔδωκα.

A. Αἰ. ἐγὼ Εὐμήδεος ἔραμαι μέγα, καὶ γὰρ ὅκ' ἀντὶ τῶν

τὰν σύργυι ὤρεξα, καλόν τι, μὴ κάρτ' ἐφίλασεν.

Non amo Alcippem, quia me non osculata est,

Aures deprehendens cùm ei palumbum dedi:

Sed ego Eumenidem amo magnopere, etenim quando ipsi

Fistulam dedi, pulchrum quid, me plusquam valde osculatus est.

Iola] vel Menalcas duplex nomen habet, aut synecdoche est, vt Achilles pro forti, & Paris pro adultero, ait Seruius. *Triste*] opponuntur amantium iræ, quæ amoris redintegratio est, ait Terentius: idque tribus similibus declaratur. Talis est locus octauo Idyllio,

αἰνέουσι μὲν χειμῶν φοβερὸν κακὸν, ὕδασι δ' ἀνχμὸς,

ὄρεσι δ' ὕσσλα γέ, ἀγροτέροις δὲ λίναι.

Arboribus quidē hyēs terribile malū, aquis autē siccitas,

Auibz verò laqueus, feris verò rete.

Amaryllidis iræ] sic antea

Nónne fuit satius tristes Amaryllidis iras?

Dulce satis] reponuntur amantium voluptates contrariæ, & tribus similibus illustrantur. *Depulsis*] à lacte &

mamma, vt fuit antè, -*Quo saepe solemus*
Pastores ouium teneros depellere factus.

Arbutus] arbor est, cuius pomum arbutum dicitur, simili
 le cerasis & fragis : vnde dicitur à Plinio libro decimo
 quinto capite vicesimo quarto, quòd vnum edatur, ne-
 que ad aliud edendum vno assumpto reuocatur.

Lenta] flexibilis: amara prius dicta est,
 -*Et salices carpetis amaras.*

Fato] prègnanti aut enixo. *Pollio*] opponitur Pollio-
 nis amor in poëticam & ex causa debitum præmium.
 Nam vt *Idyllio* decimosexto,

Εκ μαι γὰρ ἀγαθὸν κλέος ἔρχεται ἀνθρώποισι,
Ex musis bona gloria venit hominibus.

Pierides] Musæ dictæ sunt *Pierides* propter amœnita-
 tem & solitudinem montis *Pierij*, quo liberalium stu-
 diorum causa delectantur, ait *Festus*. *Vitulam*] vitu-
 lam bucolicis, epicis taurum, tragicis hircum veteres
 præmium proponebant. *Pollio*] reponitur maior laus
Pollionis, & maius ex causa, debitum præmium.

Noua] Tragædiam significari putat *Seruius*, quam *Pol-
 lio* edidit, de qua videtur *Horatius* secundo carminum,

Paulùm seucre musa tragædie
Crescit theatris.

Scriptit etiam *Pollio* historiam, vt ibidem *Horatius*,

Periculosa plenum opus aleæ
Tractas, & incendis per ignes
Suppositos cineri dolofo.

Iam cornu] repetitur idem nono *Aeneidos*

Et statuam ante aras aurata fronte iuuenctum
Candentem, pariterque caput cum matre ferentem:
Iam cornu pctat, & pedibus qui spargat arenam.

De quo sic *Plinius* libri octauo capite quadragesi-
 mo quinto. Tauris in aspectu generositas, torua fron-
 te, auribus setosis, cornibus in procinctu dimicatio-
 nem poscentibus. Sed tota comminatio prioribus in
 pedibus stat, ira gliscente alternos replicans, spargens-
 que in altum arenam, & solius animantium eo stimulo
 ardescens

ardescens. *Qui te*] Opponitur in honorem Pollionis hyperbolica optatio bonorum. *Quò te*] peruenisse intelligas:peruenerat autem ad consulatum,& ad triumphum victis Salonis oppido Dalmatiæ: quod Horatius testatus est secundo carminum, Ode prima,

*Cui laurus aternos honores
Dalmatico peperit triumpho.*

Amomum] Amomum exiguè frutificat, ex ligno se cōuoluens in racemi modum, flore ceu candidæ violæ paruo, foliis vitis albæ similibus:officinæ vocant Rosam Hiericōtis, lignum valde odoratum,in Armenia,& Media,& Ponto nascitur. Idyllio quinto,

Ἰμέρα ἀνθ' ὕδατος ρεῖτω γάλα, καὶ τὸ δὲ κρᾶθι
οἶνω πορφύροισι, τὰ δέ τοι σία καρπὸν ἐνείκαι,
*Himera pro aqua fluat lac, & tu autem Crathi
Vino rubeas, tibi autem Sia fructum ferant.*

A. ρεῖτω χ' ἅ συβαρίτις ἐμὴν μέλι, καὶ τὸ ποτ' ὄρεθρον
ἅ πᾶσι ἀνθ' ὕδατος τὰν κάλπιδα κηρία βράσαι.

*Fluat & Sybaritis mihi mel, & in diluculo
Famula pro aqua urnam famos tingat.*

Itē 7. ὦρια πάντα γένοιτο, καὶ εὐπλοὺν ὄρμον ἱκοίτο.

Temporanea omnia fiant, & prosperum portum eat.

Qui Bauium] reponitur in irrisiōnem malorum poëtarum hyperbolica similiter optatio malorum: fuerunt autem hi poëte infensi Horatio & Virgilio: Bauius obiit in Cappadocia, Næuius triuialis & barbarus fuit, cūmq; Athenas petulātiſſimo carmine lacerasset, ab Atheniēſibus est in vincula cōiectus, & inedia mori coactus: de quo Ouidius in Ibim,

Vtque parum stabili qui carmine laſit Athenas,

Inuisus pereas deficiente cibo.

Iungat] Aratro intellige. *Mulgeat*] Hirci non tantūm lacte carent, sed fœtoris pleni sunt. *Qui legis*] Opponitur contra periculum admonitio ex adiunctis.

Frigidus] Idyllio quindecimo,

ἵππον καὶ τὸν ψυχρὸν ὄφιν τὰ μάλιστα δεδδίκαω

Equum, & frigidum serpentem maxime timeo,

P. RAMI PRAELECT.

Frigidus autem propter venenum dicitur. *Parcite*] pro
abstinetes: Quomodo Terentius in Hecyra,

Hancine ego vitam parsi perdere?

Et Plautus in Perla,

Vomica est, pressare parce.

Siccat] Seruius hic allegoriam facit de Virgilio penè
per Arrium militem interfecto, nisi se in Mincium ab-
ieciisset: quod non placet. *Tityre*] Opponitur contra in-
commodam lotionem admonitio ex adiunctis tempo-
ris: locus est è quinto Idyllio,

αἶψες ἐμοὶ θαρσύνετε κερουχίδες, ἄνριον ὕμμε
παύσας ἐγὼ λουσῶ συβαρίτιδος ἐνδοθι κράνας.

Caprae meae confidite cornigerae, cras vos

Omnes ego lauabo Sybaritidem intra fontem.

Reiice capellas] Proceleusmaticus pro dactylo, ait Ser-
uius, id est pes constans duobus pyrrhichiis. *Lauabo*] de
hoc primo Georgico,

Balantúmque gregem fluuió mersare salubrí.

Cogite] Reponitur contra incommodam mulctram ad
monitio ab adiunctis & exemplo. *Præceperit*] proprie
dictum p præoccupauerit: & sic Cicero decima tertia Phi-
lippica, Præcipias licet gaudia: & primo officiorum, Ma-
gni etiam ingenij est præcipere cogitatione futura.

Pressabimus] periphrasis pro mulgebimus. *Eheu*] oppo-
nitur macilenti pecoris lamétatio ex simili causa amo-
ris. *Macer est mihi taurus*] Simile est quarto Idyllio,

λεπὸς μὲν ὡ ταῦρος ὁ πύρρ' ἔχει

Macer quidem & taurus ruffus.

Eruo] aliis in libris aruo, quod non placet. Eruum exi-
guus frutex est, tenuis, angustis floribus candidis, vel in
candido cæruleis aut puniceis, seminibus in siliquis si-
ue septo cylindriaceis, ut pisa se inuicem tangentibus:
coctum appositum boues saginat, Dioscorides secundo
libro tricesimo primo capite: sufficiunt autem singulis
boû iugis modi quini sati, ait Plinius libri decimi octa-
ui capite decimo quinto: vere satum innoxium est, ait ibi-
dem. *Pecori pecorisque*] polyptoton. *His certè*] reponitur
eiusdem

ciusdem maciei lamentatio, sed ex dissimili caussa.

Ossibus hærent] hyperbolica extenuatio est, sumpta ex quarto Idyllio,

τῶας μὲν ἄντοι τὰς πόρτιος αὐτὰ λελῆσαι

τ' ὡς ἱαμὴ πρὸς σιτίσεται, ὥσπερ ὁ τέττιξ

Illius quidem vitule ipsa reliqua sunt

Ossa, num rores pascit, vt cicada?

Fascinat] Plinius libri septimi capite secundo ait in Africa familias esse effascinantium, quarum laudatione intereant probata, arescant arbores, emoriantur infantes: esse quoque in Triballis & Illyriis, quæ visæ effascinent, interimantque, quos diutius intueantur iratæ præcipuè oculis: pupillas binas in oculis habent: Tales & fœminæ, virique in Scythia & Ponto, quorum notæ sunt in oculo altero gemma pupilla, in altero effigies equi.

Dic quibus] Opponitur ænigma & ratio solutionis ex adiuncto honore, quod intelligitur de clybano seu furno oris tres urnas patentis: & Alciatus huc accommodat sententiam Hipponis qui cælum clybano & homines carbonibus in eo coctis, & tandem in cinerem resolutis comparat: ab aliis de puteo Syenes oppidi in extremo Aethiopie sine siti, qui solstitium æstiuum indicat: ab aliis de sepulchro Cælij decoctoris, qui sibi ad illud tres urnas soli tantum retinuerat: at hæc ænigmata, ait Seruius, carent aperta solutione, & Virgilius, vt est apud Crinitum de honesta disciplina libri tertij capite octauo, interrogantibus Grammaticis quid hîc occultasset, iocando respondit, se grammaticis crucem fixisse, qua se assidue distorqueret. *Magnus Apollo*] Instar magni Apollinis, cui deo reliqui dii concesserant, vt præter cæteros diuinaret, ait prima Tusculana Cicero.

Dic quibus] reponitur pro solutione paris ænigmatis quæstio, & ratio solutionis ex adiuncto honore: Soluitur autem de Hyacintho. Itaque captiosè (*quibus in terris*) proponitur, quia in omnibus terris nascantur: est autem quasi lilium rubrum, designans primam Hyacinthi literam: fabula est apud Ovidium decimo Metamor-

phosceωu quomodo interemptus Hyacinthus & in flo-
rem sui nominis conuersus, nomē primis literis expri-
mentem,

Ipse suos gemitus foliis inscribit & αἰ αἰ
Flos habet inscriptum, funestaque littera ducta est.

νῦν τ' ἀκινθεὶ λαλεῖ τὰ σὰ γράμματα, καὶ πλεον αἰ αἰ
λάμβανε τοῖς πετάλοισι.

Nunc: Hyacinthe loquere tuas literas, & plus αἰ αἰ

Accipe foliis: Idyllio decimo nono.

Regum] Synecdochē hīc Seruius statuit pro Regis, quia
nomen Hyacinthi tātūm, non etiam Aiācis, ut etiam est
in fabulis, inscribitur: attamen αἰ αἰ Aiācis nomen pri-
mis literis potiū8 quā8 Hyacinthi refert. *Phyllida*] fue-
rat enim communis amica priū8: nā Damoetas dixerat,

Phyllida mitte mihi, meus est natalis, Iola.

Et Menalcas item,

Phyllida amo ante aliis, nam me discedere fleuit.

Non] reuocantur à Palæmone, veluti partes iudicis oc-
cupent, ab eoque pariter laudantur. *Non: vestrum*]
Idyllio quinto,

παύσαιθαι κέλομαι τὸν ποιμένα, τὴν δὲ κομάτα
δωρεῖται μὀρσων τὰν ἀμνίδα, καὶ τὸ δὲ εὐσας
ταῖς νύμφαις, μὀρσωνι καλὸν κρέας αὐτίκα πέμψον.

Desinere iubeo pastorem, tibi autem Comata
Donat Morson agnam, & tu autem sacrificans
Musis, Morsoni pulchram carnem statim mitto.

Item sexto *Idyllio,*

νίκα μὲν ὅδ' ἄλλος, ἀνέσταντο δ' ἐγένοντο,
Vincebat quidem neque alius, inuicti autem erant.

Non] hīc distinguenda est oratio, tanquam diceretur:
Non est vestrum, sed nostrum est tantas lites compone-
re. Aut metuet] *Id* propter Menalcam dictum est, qui
dixerat,

Dulce satis humor, depulsis arbutus hādis,
Lenta salix facto pecori, mihi solus Amyntas.

Amaros] *Id* propter Damoetam, qui dixerat,
Triste lupus stabulis, maturis frugibus imbres

Arboribus

Arboribus venti, nobis Amaryllidis ira.

Claudite] Potest oratio simpliciter accipi per apostrophem ad alios pastores de irrigatione pratorum: potest etiam allegoria esse, pro, satis cantatum est, discedite: ut peroratae causae symbolum est, Dixi, fabulae peractae, Plaudite: sic certaminis absoluti sit hoc modo signum.

ECLOGA QVARTA.

Pollio.

Poëta solus.

S Icelides Musæ, paulò maiora canamus:
Non omnes arbuta iuuant, humilisque
myrica.

*Si canimus sylvas, sylva sint Consule dignæ.
Ultima Cumæi venit iam carminis ætas:*

*Magnus ab integro seclorum nascitur ordo: 5
Iam redit & virgo, redeunt Saturnia regna:
Iam nova progenies cælo demittitur alto.
Tu modò nasceti puero, quo ferrea primum
Desinet, ac toto surget gens aurea mundo,
Casta faue Lucina, tuus iam regnat Apollo. 10*

*Tæque adeò decus hoc æui, te consule inibit
Pollio: & incipient magni procedere menses.
Te duce, si qua manet sceleris vestigia nostri,
Irrita perpetua soluent formidine terras.
Ille deum vitam accipiet, diuisque videbit 15
Permixtos heroas, & ipse videbitur illis:*

D iiij

Pacatúmque reget patriis virtutibus orbem.
 At tibi prima puer nullo munuscula cultu
 Errantes hederas passim cum baccare tellus,
 Mistáque ridenti colocasia fundet acantho: 20
 Ipsæ lacte domum referent distenta capellæ
 Vbera, nec magnos metuent armenta leones.
 Ipsa tibi blandos fundent cunabula flores:
 Occidet & serpens, & fallax herba veneni
 Occidet, Assyrium vulgò nascetur amomum. 25
 At simul heroum laudes, & facta parentis
 Iam legere, & quæ sit poteris cognoscere
 Virtus,
 Molli paulatim flauescet campus arista,
 Incultisque rubens pendebit sentibus vna,
 Et duræ quercus sudabunt roscida mella. 30
 Pauca tamẽ suberunt priscae vestigia fraudis,
 Quæ tètare Thetin ratib⁹, quæ cingere muris
 Oppida, quæ iubeant telluri insindere sulcos.
 Alter erit tum Tiphys, & altera quæ vehat
 t. Argo
 Delectos heroas: erunt etiam altera bella, 35
 Atque iterum ad Troiam magnus mittetur
 Achilles.
 Hinc vbi iam firmata virũ te fecerit ætas,
 Cedet & ipse mari vector, nec nautica pinus
 Mutabit merces: omnis feret omnia tellus:

Non rastros patietur humus, nō vinea falcē: 40
Robust⁹ quoq; iā tauris iuga soluet arator,
Nec varios discet mentiri lana colores:
Ipse sed in pratis aries iam suaue rubenti
Murice, iam croceo mutabit vellera luto:
Sponte sua sandyx pascentes vestiet agnos. 45
Talia secla suis dixerunt currite fufis
Concordes stabili fatorum numine Parca.
Aggredere ô magnos (aderit iam tempus) ho-
nores

Chara deū soboles, magnū Iouis incrementū:
Aspice conuexo nutantem pondere mundū, 50
Terrāsque, tractūsque maris, cœlūque pro-
fundum:
Aspice, venturo latentur vt omnia seculo.
O mihi tam longè maneat pars vltima vitæ,
Spiritus et, quantū sat erit tua dicere facta.
Non me carminibus vincet nec Thracius
Orpheus, 55
Nec Linus, huic mater quāuis, atque huic pa-
ter adsit,
Orphei Calliopeia, Lino formosus Apollo.
Pan etiam Arcadia mecum si iudice certet,
Pan etiam Arcadia dicat se iudice victum.
Incipe parue puer risu cognoscere matrem: 60
Matri longā decem tulerunt fastidia menses.

Incipe parue puer: cui non risere parentes,
Nec de^o hūc mēsa, dea nec dignata cubili est.

IN QVARTAM ECLOGAM.



24

25

26

27

ALONIS in Dalmatia victis, Pollio filium, quo tunc erat auctus, Saloninum cognominavit: Virgilius igitur hac ecloga *ανεθλιακόν* eius describit ex adiunctis, quod eius ætatis, ætas aurea comes futura sit: eique permulta tribuit, quæ Christo dicuntur à Sibyllis attributa: Quæ Christianis ita probata sunt, vt Græci hanc eclogam græcè cōuerterint: & Diuus Hieronymus ad Paulinum affirmet Maronem sine Christo christianum fuisse: & Diuus Augustinus sentiat spiritum sanctum per os inimicorum locutum. Tale est autem argumentum Idyllij decimi septimi in Ptolemæi laudes. *Sicelides*] Inuocatio est ad maioris operis carmen, cuius ratio est è dissentaneis, quia non omnes humili carmine delectentur: Inuocatio rursus erit sexta ecloga,

Pergite Pierides-

Et vltima,

Extremum hunc Arethusa mihi concede laborem.

Præsens autē inuocatio est ex Idyllio decimo nono,

Ἀρχετε σικελικὰ τῷ πένθεος, ἀρχετε μοῖσσι,

Incipite Sicelica luctum, incipite musæ.

Sicelides] græcanicus casus est: latine siquidem Sicilenses dicerentur, sed græcis *σικελία* dicitur, & *σικελίς*: Hoc autem nomine Theocriti musas intelligit: fuit enim Theocritus Sículus & Syracusanus. *Myrica*] de quibus sic Plinius libri decimi tertij capite vicesimo primo: Myricen & Italia, quam alij Tamaricem vocant, Achaia autem Bryam syluestrem: insigne in ea est, quòd fatiua tantum ferat gallæ similē fructum. Infœlicia eius ligna appellamus, quorum materia in domum illata difficiles partus fieri prodāt, mortēsque miseras. Hūc ve-

·rò myricæ per metaphoram pro rebus humilibus ponū-
tur. Si canimus] Prolepsis est quædam: tamen si Bucoli-
cum carmen canimus, est ipsum tamen Cōsule non in-
dignum. Sic antea,

Pollio amat nostram, quamvis sit rustica, musam.

Et bucolicum carmen sæpe ita iam significatum est, vt,

Sylvestrem tenui musam meditaris auena:

Item, *Montibus & syluis studio iactabat inani:*

Item, *Mcum vnâ in syluis imitabere Pana canendo.*

Item, *Habitarunt dū quoque syluas.*

Quare ne syluas pro maioribus rebus accipe: Et hīc for-
tassis respexit etiam poëta Consulū minores prouin-
cias, quibus sylvarum & collium cura continebatur, vt
Crinitus de honesta disciplina libri quarti capite quinto.
Et Cælius Rhodoginus libro decimo quarto capite. 5.
Aquarum & sylvarum magistratus in Frāciæ regno vo-
catur. *Syluas sylua*] polyptoton. *Vltima*] propositio ge-
nethliaci: nascente puero redit ætas aurea, quæ per gra-
dus infantia, iuuentutis, virilis ætatis etiam explicatur:
vt incipiat, augeatur, absoluitur. *Cumæi*] Sybillæ decem
numerātur à Varrone, Persica, Phrygia, Hellepontica,
Samia, Lybica, Delphica, Cumana, Cumæa, Erithræa, Ty-
burtina: Virgilius eandem Cumanam sexto Aeneidos &
hīc Cumæam. Quatuor autem mundi ætates Sibylla di-
citur quatuor metallorum generibus notauisse: auream,
argenteam, æneam, ferream: & quarta finita *παλυσενε-
σίαν* statuisse, aureamque ætatem redituram.

Magnus] Periphrasis est anni magni, qui tum efficitur
cū solis & Lunæ & quinque errantium stellarum ad
eandem inter se comparisonem confectis omniū spa-
tiis, est facta conuersio, vt ait secundo de natura deorū
Cicero. *Virgo*] Ethnicus poëta veræ pietatis & religio-
nis ignarus, tamen de Christi matre virgine hæc verè
dicerentur, attamen ad syderis signum, non ad matris
virginis miraculum respicit, & Erygonem vel Astræam
intelligit: quæ cū dii cæteri è terris in cælum propter
hominū vitia sese reciperent, vltima abiit, vt primo me-

tamorphoseos Ovidius ait,

-Tum virgo cæde madentes

Vltima de superis terras Astræa reliquit.

Saturnia] quæ Saturno regnante fuerant: metonymia hic igitur est. *Redit, redeunt*] Polyptoton. *Iam, Iam*] In principiis sententiarum, anaphora. *Tu*] primus gradus est, ut puer nascatur: Itaque ut id feliciter fiat, Iuno, quæ parturientibus præest, inuocatur: Sic in Andria Terentius,

Iuno Lucina ser opem, serua me obsecro: eadem Diana etiam dicitur: Lucina item dicitur quod partum ferat in lucem. Horatius tertio carminû, Ode vicesima secunda,

Montium nemorûmque virgo,

Quæ laborantes vtero puellas

Ter vocata audis, adimisque letho Diua triformis.

Quo] nascente intellige. *Ferrea*] vltima hæc est, & repetitur iam dictû: & illud est idem Danielis secundo capite vaticinium de quatuor monarchiis, per statuam capite aureo, pectore & brachiis argenteis, ventre & femoribus æneis, tibiis partim ferreis, partim fictilibus.

Tuus Apollo] Diana & Apollo Latonæ filij sunt: Sybilla vltimû seculû Solis futurû prædixit, ait Seruius: at Sol idê est Apollo, & nûc videtur Augustus significari qui filius Apollinis habitus est, ut dictû est, i Virgilij vita eiusque simulæchrû factû est cû Apollinis cûctis insignibus, ait Seruius. *Tèque*] Periphrasis est tēporis, quo nascitur hic puer: Romani siquidē annos suos per cōsules numerabāt: Pollio autē triginta sex annis ante natû Christû Consul fuit: neque tempus, si verè fuerat à Sibylla de Christo notatum, rectè à poëta ad Saloninum trāslatum est. *Tèque*] Epanodos. *Tèque adeo*] admiscetur item hic laus patris Pollionis ex adiunctis & factis, quod ipso & Consule hæc fœlix ætas incipiet, & duce ferrea terminabitur. *Magni menses*] Iulius & Augustus qui prius Quintilis & Sextilis dicebantur, ait Seruius: & sic Asconius Pædianus secunda Verrina, ad illum locum (Nonæ Sextiles) Sextiles, ait, id est Augustæ, ut Quintiles, Iuliæ: nondum enim nomina de Imperatoribus sumpserant, propter

propter quam mutationem nominum Virgilius ait,

Et incipient magni procedere menses.

At magnos menses potius intellige duodecimas partes magni anni, vt ætas aurea longissima sit futura, & quod mox dicitur, perpetua formidine terras solutura. Tacitus dicit in vita agricolæ, Imponite quinquaginta annis magnū diem, id est, laboribus finem allaturum. vide an sic menses magni dici possint. *Sceleris*] id refert ad Laomedontis fraudem, qui Neptunum & Apollinem Troiæ constructæ mercede fraudauerat: sic in fine primi Georgici,

-Satis iam pridem sanguine nostro,

Laomedontea luimus periuria gentis.

Vestigia] Metaphora, pro reliquiis. *Ille*] confusa & hîc laus Augusti sumi potest, sicuti Salonini: vt Augustus patris Iulij, Saloninus Pollionis exemplo, pacatum regat orbem. *Heroas*] Philo, de mundo, dictos heroas putat quos Moses ἀγῆλως: alij putant, consecratos homines, & in numerum deorum magnis virtutibus relatos: vt Herculem, Castorem, Romulum: antea diximus Augusto viuo diuinos honores exhibitos esse.

At tibi] Salonini sunt quæ sequuntur, cuius infantia sit ætatis aureæ quædam infantia, terræque sponte sua flores, & capræ lac sint daturæ. *Hedera*] Hederâ poëtæ quondam coronabantur, & sic ecloga septima dicitur,

Pastores, hedera crescentem ornate poetam.

Et inde victor Alexander exercitum hedera coronauit, vt triumphum Liberi patris imitaretur: ergo poëta honores futuros hîc ominatur. *Baccare*] Baccaris seu Baccar herba est, quæ vulgò dicitur Chirotheca nostræ dominæ, & radices tantum est odoratæ, ait Plinius, libri vicesimi primi capite sexto. *Colacasia*] herba est Aegyptia, cuius radix colocasiō dicitur: ipsa est amaro odore, cibo tamen Aegyptiis gratissima, vel cruda, vel tosta, vel elixa: & eius flos coronamenti apud Aegyptios dicitur, quod modò Virgilius videtur indicare, vide Ruellium. *Leones*] hîc locus Sibyllinis versibus latius apud

lactantium exponitur libri septimi capite viceſimo quarto : verſus autem hi mox à nobis proferentur & idem ab Eſaia capite vndecimo de natiuitate Chriſti cantatur : Itaque verſabitur cum agno lupus, accubabitque pardus hœdo, copulatoſque vitulum & leonem, & taurum ducet puer paruulus, & vacca & verſus compaſcentur, concubantibus eorum pullis, & leo more bouum palea veſcetur, & ludet ſuper aſpidis foramen lacteus inſauſ, ſuperque viperæ cauernam deli- culus puer manum agitabit. *Ipfæ tibi*] repetitur eadem florû naturalis affluentia. *Cunabula*] cunæ lectuli ſunt, in quibus infantes iacent, hinc cunabula pro eodem, quod & incunabula dicimus. *Occidet*] ponitur in principio, occidet, & idem repetitur in fine ſententiæ, epa- nalepiſis igitur eſt. *Fallax*] non cicuta, ait Seruius, quæ manifeſta eſt, ſed vel aconitum intelligitur, vt ſecundo Georgico ſignificatur,

-Nec miſeros fallunt aconita legentes:

Vel Sardinia herba, ſapore quidem dulcis, ſed guſtata, ora hominum in rictus dolore contrahit, vt veluti riden- tes emoriantur, de qua ſeptima ecloga ad illum verſum,

Imò ego Sardois videar tibi amarior herbis.

Aſyrium] de amomo iam diximus ex Dioſcoride, vt frutex ſit exiguus: Seruius tamẽ hîc ait herbam eſſe ſua- uiſſimi odoris, quæ tantum naſcitur in Aſſyria Aſiæ re- gione. At *ſimul*] Iuuentus Salonini deſcribitur ex eius ſtudiis & factis, quibus hiſtoria & philoſophia cognosci- tur: vbi ſecundus ætatis auræ gradus ex adiuncta fru- menti, vini, mellis affluentia notatur. Hunc Sibyllæ lo- cum citat Lactantius ibidem pluribus item verſibus,

οἱ δὲ λύκοι σὺν ἄρνεσ' ἐν οὐρεσὶν ἀμειβόμενοι,
χόρτον γὰρ λύγκες τ' ἐρίφοισιν ἅμα βόσκεινται
ἄρκετοι σὺν μόχχοισιν ὁμῶς, καὶ πᾶσι βροτοῖσι,
παρκοβόρος τὲ λέων φάγεται· ἄχυρον παρὰ φάτνας,
σὺν βρέφεσιν τε δράκοντες ἀμάρτεσσι κοιμήσονται,

Id eſt, Et lupi tunc cum agnis in montibus verſabuntur,
Herbam lynces pariter cum hœdis paſcentur,

*Vrfa cum vitulis simul omnibúſque pecoribus,
Carnivorans leo comedit paleas ad præſepia,
Cum infantibus dracones matrum orbis dormient.*

Et paulò poſt:

*ἔνθεβένων δὲ μόνον ἀγία χθὼν πάντα τὰ δ' οἷσι,
Νᾶμα μέλιτος ἀπὸ πέτρης, ἥ δ' ἀπὸ πηγῆς,
καὶ γάλατ' ἀμβροσίης ῥ' ἐνσει πέντεας διχάσις.
Píorum autem ſolúm ſancta terra hæc feret,
Fluentum mellis de petra atque de fonte
Et lac immortalitatis manabit omnibus iuſtis.*

Campus] eſt hypallage pro *Ariſtæ* campi flauelcent, id eſt ſeges matureſcet. *Rubens*] Metonymia ex adiunctis pro matura. *Sentibus*] ſimilis antea fuit hyperbole,

-Ferat ex rubus aſper amomum:

Nec enim per naturam id fieri poteſt. *Sudabunt*] effundēt, metaphora eſt: ſic Ouidius primo metamorphoſewon,

Flauaque de viridi ſtillabunt roſcida mella.

Roſcida] plena roris, rorulentum id etiam Cato dicit: ſic poſtea ecloga octaua, mala roſcida dicentur,

Sapibus in noſtris parua te roſcida mala,

Dux ego veſter eram, vidi cum matre legentem.

Sic luna roſcida & iris roſcida Virgilio poſtea dicetur.

Pauca] accedit ad tertium gradum aureæ ætatis, prolepi & diſſimilitudine reliquæ ætatis ferreæ per partes, nauigationem, militiam, agriculturam. *Thetin*] alij ſcribunt *Thetym*: metonymia eſt pro mari: eſt enim *Thetis* dea maris, vxor *Neptuni*, *Cœli* & *Terræ* filia.

Ratibus] *Ratis* eſt nauigium temerè factum trabibus ſine fabrica compactis, ait *Probus*:

Quæ tentare, quæ cingere, quæ iubeant.] Anaphora.

Infindere] hypallage pro tellurem ſulcis infindere.

Alter erit] prima pars & ſecūda confuſè repetuntur, alia ſui diuiſione. *Alter altera*] Polypoton. *Tiphys*] *Tiphys* eximius nauis fabricator & rector, qui in *Colchidem* *Argonautas* deduxit,

Ars tua Tiphy iacet ſi non ſit in æquore fructus,
ait Ouidius quarto *Tristium*. *Argo*] *Nauis*, qua *Iaſon*

cum quinquaginta quatuor delectis Græciæ heroibus nauigauit: vel artificis nomine sic dicta, vel à sua velocitate, ἀργὸς enim velox dicitur, vel ab Argiuis:

Argo qua vecti Argiui delecti viri

Petebant illam pellem inauratam arietis,

Ait Ennius prima Ciceronis Tusculana. *Delectos*] quales cum Iafone fuerunt quinquaginta quatuor: Idyllio decimo tertio,

-θεῖος ἄωτος

ἡρώων.

-Diuinus flos

Heroum.

Erit, crunt] Polyptoton. *Altera*] sic sexto Aeneidos,

-Bella horrida bella

Et Tybrim multo spumantem sanguine cerno:

Non Simois tibi, nec Xanthus, nec dorica castra

Defuerint, alius Latio iam partus Achilles.

Synecdochæ sunt ex specialibus generale significantes, Tiphys, Argo, Troiam, Achilles: ergo gubernatorem nauis, hostium urbem, fortis, quasi dictum esset his verbis intellige. *Achilles*] Idyllio vicesimo septimo,

-Ἀχιλλῆά τε πύργον ἀντήs.

-Achillémque turrem belli.

Hinc] Antapodosis, vbi primum Salonini virilis ætas describitur, quod cum vir fuerit, mercatura & agricultura conquiescet: de militia non redditur. *Vector*] vector passiuè dicitur, qui vehitur, quomodo etiam in profa. Et summi gubernatores in summis tempestatibus, à vectoribus admoneri solent, ait Cicero septima Philippica. *Pinus*] Metonymia, ex materia significans opus, pro nauis pinea, & metonymia rursus est ex subiecto adiunctum significans, ex naui nauitam: metalepsis igitur hîc est duorum troporum. *Mutabit*] Ante nummum repertum, commutatio rerum fuit, de qua primo Politico Aristoteles, qualis est hodie plurima inter omnis generis mercatores: Trochare Franci id dicunt.

Omnis feret] causâ cessantis mercaturæ.

Omnis

Omnis omnia] Polyptoton. *Non rastros*] periphrasis est pro, non arabitur. *Rastros*] quibus glebæ franguntur, vt Georgico primo,

Multùm adèd rastris glebas qui frangit inertes.

Non non] Anaphora. *Nec varios*] Additur ad ætatis aureæ perfectionē naturalis colorū varietas & permistio.

Aries] Si purpureo aureoūe colore, ouis ariesūe spargetur, principi ordinis & generis summa cum fœlicitate largitatē auget, genus, progeniēque, propagat in claritate, lætiorēque efficit, ait Macrobius. *Suaue*] Sic antea,

-Suaue rubens hyacinthus,

pro suaui ter. *Murice*] Murex piscis est marinus, concharum è genere, à purpura paululum diuersus, caro in escam, sanguis in colorem assumitur: Martialis de murice libro decimo tertio,

Sanguine de nostro tinctas ingratis lacernas

Induis, & non est hoc satis, esca sumus.

Luto] Plinius libri tricesimi tertij capite quinto luteam herbam appellat, qua chrysocola tingitur, caltha aquatica nonnullis est. *Sandyx*] Sandaracha si torreatur, æqua parte rubrica admista, sandycem faciet: quāquam animaduerto Virgilium existimasse herbam id esse, illo versu:

Sponte sua sandyx pascentes vestiet agnos,

ait Plinius libri tricesimi quinti capite sexto. *Talia*] cōfirmatur ætatis aureæ prædictio, testimonio parcarum, vbi Sibyllinum vaticinium innui videtur, si Virgilius è Sibyllæ libris ista deprompserit. *Parcæ*] κατὰ ἀντίφρασιν, ait Seruius, quia nemini parcant: at Varro à partu deducit, vt vnus literæ mutatione Parcæ quasi partæ, quoniā nascentibus bonum malūque conferant: tres finguntur, quia tria sunt tempora: de quibus est ille versiculus,

Clotho colum baiulat, Lachesis net, Atropos occat.

Cicero tertio de natura deorum, Erebi & Noctis filias facit, & easdem fata esse statuit. *Aggredere*] Optatio est specie adhortationis, vt quāprimum Saloninus vir fiat

P. RAMI PRAELECT.

& Rempublicam capessat. Chara] aliàs clara:versus est
è Ciri repetitus. Deum] & illud antea,

Iam noua progenies caelo demittitur alto:

Item, Ille deum vitam accipiet, diuisque videbit

Permistos heroas, & ipse videbitur illis.

Iouis incrementum] Idyllio septimo.

-ένεκ' ἐὸς ἱ

πᾶν ἐπ' ἀλαθείᾳ πεπλασμένον ἐκ Διὸς ἔργος

-quoniam es

Totus in veritate formatus ex Ioue ramus.

Aspice] caussa optationis, praesentis ætatis tristitia, &
latitia futuræ. Conuexo] Conuexum & concavum con-
traria sunt:& hîc pondus conuexum dicitur per meto-
nymiam ex effectis, quia facit cælum conuexum,

-Conuexa polus dum sidera pascet,

dicitur Aeneidos primo. Terrasque] Amplificatio è
partibus mûdi:versus idem repetitur quarto Georgico,

-Deum nanque ire per omnes

Terrasque tractusque maris cælumque profundum.

Aspice] Anaphora. O mihi] optatio manifestior, qua
significat hyperbolica duorum parium collatione sum-
mum in Salonini laudes studium: quales ante collatio-
nes fuerunt,

Canto quæ solitus siquando armenta vocabat

Amphion Dyrcaus.

Item, Mecum vnâ in syluis imitabere Pana canendo.

Mancat] Sic tertij Georgici initio,

Primus ego in patriam mecum(modò vita supersit)

Aonio rediens deducam vertice musas:

Primus Idumæas referam tibi Mantua palmas.

Thracius] circa Ponti litora in Thracia Moriseni & Si-
thonij Orphei vatis progenitores obtinēt, ait Plinius li-
bri quarti capite vndecimo. Orpheum verò poëtam do-
cet Aristoteles nunquam fuisse, & hoc Orphicum car-
men Pythagorei ferunt cuiusdam fuisse, ait Cicero pri-
mo de natura deorum. Pan etiam] Collatio minorum
est item hyperbolica, & hyperbolico testimonio ampli-
ficata;

ficata: de Pane verò antea fuit,

*Pan primus calamos cera coniungere plures
Instituit.*

Arcadia] *Arcadia* alioqui rudis, attamen musicâ præstitit: hinc *Arcades ambo*, septima ecloga dicuntur pastores, pro(peritissimi musicæ) hinc octaua ecloga, *Ménalij* versus, id est *Arcadici* toties celebrati. *Arcadia* igitur iudex musicæ, p *Arcadibus* hîc dicitur musicis egregiis. *Pan etiam*] in quibusdam exemplaribus legitur, *Pan deus*: sed anaphora hemistichij gravior est. *Idyllio septimo*, .

-ὃν ἔδιδέ κεν αὐτὸς ἀείδειν

ποῖσιν σὺν φόρμυγι παρὰ τρίποδας μαίρις,

-quem neque ipse canere

Phœbus cum cithara apud tripodas inuideret.

Incipe] Concluditur genethliacon adhortatione ad cognoscendum matrem ridentem: Sic enim *Bembus* aduersus *Quintilianū* & *Politianum* rectè interpretatur, & *Erythraus Bembum* securus. Ratio autem adhortationis prima est ex adiunctis laboribus, quos gravidæ matri puer attulit: Sic enim interpretor, tulerunt, pro attulerunt. decem menses, quibus gravidæ matris vtero gestatus es, longa fastidia matri attulerunt. *Decem*] homo toto anno & incerto gignitur spatio, aliis septimo mense, aliis octauo, & vsque ad initia decimi vndecimique: ante septimum mensem haud vnquam vitalis est, ait *Plinius* libri septimi capite quinto, vbi plura leges.

Tulerunt] *Systole* est: media enim longa pro breui sumitur: qualis iam sæpe metaplasmus fuit,

Te Corydon ô Alexi- & item

Et longum formose vale, vale.

Incipe] Altera ratio ex contradictionis adiuncto: Cui non parentes riserunt, is non diu vixit: id enim significat proximo versu. deus, genius intelligitur cui mensa conuenit: Dea autem *Iuno*, cui lectus: Sic *Seneca* ait secunda epistola libri vicesimi, maiores singulis genium & *Iunonē* dedisse: & *Plinius* libri primi capite septimo

ait, cùm de deo loquitur : Quamobrem maior cœlitum
 populus , etiam quàm hominum intelligi potest , cùm
 singuli quoque ex semetipsis totidem deos faciant, Iu-
 nones, Geniósque adoptâdo sibi : qui verus est sensus
 huius loci. Seruius (cui) datium, refert ad Vulcanum,
 cui parentes non risere, id est, Iupiter & Iuno, quia de-
 formis, nec ideo Iupiter pater ad conuiuîum admisit : nec
 dea Minerua cubili & matrimonio dignata est: sed hanc
 interpretationem Politianus reprehendit Miscellaneo-
 rum centuria octogesima nona. Quia non ob eam cau-
 sam præcipitatus sit Vulcanus, quòd deformis erat, sed
 quoniâ matri Iunoni aduersus Iouē patrē opē tulerit: &
 c ū Quintiliano legit, Qui, nominatiuo casu plurali, vt
 sit sensus, O parētes, ex iis pueris qui nō risere, hūc pue-
 rum nec deus mensâ, nec dea cubili dignata est. At in
 his duobus versibus hyperbaton nimis confusum est,
 & Quintilianus ipse libri primi capite septimo, indicat
 olim datium (cui) etiam scriptum fuisse, vt nomina-
 tiuum pluralem (Qui) In quo ait, ad pinguem sonum
 (Qu) & (oi) utebantur tantum, vt ab illo (Qui) distingue-
 retur. Itaque nihil necesse Politiano fuit tantam con-
 fusionem interponere, cùm perspicuus sensus appareat.

ECLOGA QUINTA.

Daphnis.

Menalcas.

Mopsus.

ME. **C**V R non Mopse (boni quoniam conue-
 nimus ambo,
 Tu calamos inflare leucis, ego dicere versus)
 Hîc corylis mixtas inter cōsedimus Vlmos?

Tu maior: tibi me est æquum parère Menalca: MO.

Sive sub incertas Zephyris motatib⁹ vmbraſ 5

*Sive antro potius ſuccedimus: aſpice, vt an-
trum*

Sylveſtris rariſ ſparſit labruſca racemiſ.

Motib⁹ in noſtris ſolus tibi certet Amyntaſ. ME.

Quid, ſi idē certet Phœbū ſuperare canēdo? MO.

Incipe Mopſe prior, ſi quos aut Phyllidiſ ME. 10
igneſ,

Aut Alconiſ habet laudeſ, aut iurgia Codri.

Incipe, paſcenteſ ſervabit Tityruſ hædoſ.

Imò hæc, in viridi nuper quæ cortice fagi MO.

*Carmina deſcripſi, & modulanteſ alterna no-
taui,*

Experiar: tu deinde iubeto certet Amyntaſ. 15

Lenta ſalix quantūm pallenti cedit oliuæ, ME.

Puniceis humiliſ quantūm ſaliunca roſetiſ:

Iudicio noſtro tantūm tibi cedit Amyntaſ.

Sed tu deſine plura puer: ſucceſſim⁹ antro. MO.

Extinctū Nymphæ crudeli funere Daphnim 20

*Flebant: voſ coryli teſteſ, & flumina Nym-
phiſ:*

Cūm complexa ſui corp⁹ miſerabile nati

Atque deoſ, atq; aſtra vocat crudelia mater.

Non vlli paſtoſ illiſ egere diebuſ

*Frigida Daphni boues ad flumina: nulla ne-
que amnem* 25

*Libavit quadrupes, nec graminis attigit her-
bam.*

*Daphni tuum Pœnos etiã ingemuisse leones
Interitum, montesque feri, sylvaq; loquuntur.*

*Daphnis et Armenias curru subiungere tigres
Instituit: Daphnis thyasos inducere Baccho, 30
Et foliis lentas intexere mollibus hastas.*

*Vitis vt arborib⁹ decori est, vt vitibus vna,
Vt gregib⁹ tauri, segetes vt pinguib⁹ aruis:
Tu decus omne tuis. postquã te fata tulerũt,
Ipsa Pales agros, atque ipse reliquit Apollo. 35*

*Grãdia sepe quib⁹ mãdaum⁹ hordea sulcis,
Infelix lolium, & steriles dominãtur auena.*

*Pro molli viola, pro purpureo narcisso,
Carduus, & spinis surgit paliurus acutis.
Spargite humum foliis, inducite fontibus 40
Vmbas*

*Pastores: mandat fieri sibi talia Daphnis.
Et tumultum facite, & tumulo superaddite
carmen:*

*Daphnis ego in syluis hinc vsque ad sydera
notus,*

Formosi pecoris custos, formosior ipse.

ME. *Tale tuum carmen nobis diuine poëta,* 45

*Quale sopor fessis in gramine, quale per æstū
Dulcis aquæ saliente sitim restinguere riuo.*

Nec calamis solū equiparas, sed voce magistrum.

Fortunate puer, tu nunc eris alter ab illo.

Nos tamen hæc, quocunque modo, tibi nostra vicissim 50

*Dicemus. Daphnīmque tuū tollemus ad astra,
Daphnin ad astra feremus, amauit nos quoque Daphnis.*

An quicquam nobis tali sit munere maius? MO.

Et puer ipse fuit cantari dignus & ista

Iam pridē Stimicon laudauit carmina nobis. 55

Candidus insuetum miratur limen Olympi, ME.

Sub pedibúsque videt nubes, et sydera Daphnis.

Ergo alacres syluas, & cætera rura voluptas,

Panāque pastorēque tenet, Dryadāsque puellas.

Nec lupo insidias pecori, nec retia ceruis. 60

Vlla dolum meditantur: amat bonus otia

Daphnis.

Ipsi lætitia voces ad sydera iactant

Intonsi montes: ipsæ iam carmina rupes,

Ipsa sonant arbuta, Deus Deus ille, Menalca:

Sis bonus ô felixque tuis, en quattuor aras: 65

Ecce duas tibi Daphni, duoque altaria Phœbo,

Pocula bina nouo spumantia lacte quotannis,

Craterásque duos statuam tibi pinguis oliui:
 Et multo in primis hilarās cōiuiua Baccho,
 Ante focū, si frigus erit, si mēsis, in vmbra, 70
 Vina nouum fundā calathis Aruīsia nectar:
 Cātabūt mihi Damœtas, & Lyctius Aegon:
 Saltantes Satyros imitabitur Alphesibœus.
 Hæc tibi semper erunt, & cū solennia vota
 Reddemus nymphis, et cū lustrabimus agros. 75
 Dū iuga mōtis aper, fluuios dū piscis amabit,
 Dumq; thymo pascētur apes, dū rorc cicadæ:
 Semper honos, nomēnque tuum, laudēsque ma
 nebunt.

Vt Baccho, Cereriq; tibi sic vota quotannis
 Agricola facient: damnabis tu quoque votis. 80
 MO. Quæ tibi, quæ tali reddā pro carmine dona?
 Nam neque me tantū venientis sibilus au-
 stri,

Nec percussa iuuāt fluctu tā littora, nec quæ
 Saxosas inter decurrunt flumina valles.
 ME. Hac te nos fragili donabimus antè cicuta. 85
 Hæc nos, Formosū Corydō ardebat Alexim:
 Hæc eadem docuit, Cuiū pecus? an Melibœi?
 MO. At tu sume pedū (quod me cū sēpè rogaret,
 Non tulit Antigenes, & erat tum dignus
 amarū

Formosum parib⁹ nodis, atque ære, Menalca. 90

IN QVINTAM ECLOGAM.



VSICVM certamen duo pastores nō
infesti inter se, vt ecloga tertia, sed a-
mici constituūt. Argumentum carmi-
nis est de Daphnide, & triplex, ἐπική-
δον, ἐπιτάφιον, ἀποθέωσις. Cur non] Præ-
paratio est ad cōfessum & cantum ex
adiunctis personarum & loci, qualis

est Idyllio primo multis versibus, de pinu resonante, de
tumulo, & myricis, & quercu: item quinto, de oleastro,
& nemoribus, & herba, & virgulto, quercu, cypero, fri-
gidis aquis, fontibus: de loco tale fuit antea,

Dicite, quandoquidem in molli confedimus herba,

Et nunc omnis ager, nunc omnis parturit arbor,

Nunc frondent syluæ, nunc formosissimus annus.

Boni] id est periti, tu inflādi calamos, ego versus di-
cendi. Sexto Idyllio,

αὐλὴ δαμοίτας, σύρις δὲ δὴ δάφνις ὁ βῶτας,

*Tibia canebat Damoetas, fistula autem canebat Daphnis
bubulcus.*

Tu modò] Modestum obsequium & ratio ex adiun-
cto ætatis: adhibetur tamen quædam correctio ex ad-
iunctis loci, vt potiùs in antrum descēdatur. Simile fuit
antea ecloga prima,

-Viridi proiectus in antro.

Zephyris] Zephyrus à latinis & Fauonius, ventus est
ab æquinoctiali occasu:

Vesper & occiduo quæ littora sole tepescunt

Proxima sunt Zephyro-

Ouidius primo Metamorphoseon. Motantibus] Sic
ecloga sexta.

-Tum rigidas motare cacumina quercus.

Labrusca] Vitis sylvestris: labrusca dicitur, quia in la-
bris terræ nascatur, aliquando in neutro genere, vt in
Culice,

Densæque virgultis auidè labrusca petuntur.

Montibus] Cauillatio quædam est è paribus, qua Menalcas leuiter pungitur. *Amyntas*] hoc nomen iam pro inuido fuit,

Dixit Damætas, inuidit stultus Amyntas:

Et iterum pro molli & delicato,

At mihi sese offert vltro meus ignis Amyntas,

Quid si] Eleuatur obiecta cauillatio hyberbolica maiorum collatione: Idyllio quarto,

παντί νιν Ἡρακλῆϊ βίλω καὶ χέρτος ἐρίσδεν,

Dicunt Herculi vi & fortitudine contendere.

Incipe] Proponitur argumenti varia materia: amatoria, laudatiua, contentiosa: & ex adiunctis otium proponitur. Tale ferè est ecloga nona,

Incipe si quid habes, & me fecere poetam

Pierides. sunt & mihi carmina-

Phyllidis] Notus est Phyllidis amor erga Demophoonem regis Atheniensis filium, ex epistola Ouidij, vt illum è Troiano bello redeuntem exceperit & pro coniuge habuerit: ac deinde cum Athenas ille reuersus, non reditus putaretur, sese suspenderit, & in arborè nominis sui mutata sit, id est amygdalum sine foliis: Postremo Demophoon reuersus, re cognita truncum sit amplexatus, qui velut sponsi, sentiret aduentum, folia emisit, unde etiam φύλλον, folium dictum est, quod prius πέταλον dicebatur: vide Seruium. *Alconis*] Hic Cretensis sagittarius fuit excellens, qui in serpentem Phalari eius filio inuolutum, tanta arte sagittam direxit, vt eam serpentis in vulnere defigeret, nec filium tangeret.

Codri] Rex Atheniensium hic fuit, qui bello aduersus Laonas, vt ait Seruius, aut Dorienfes, vt Iustinus libro secundo, au Thracenses, vt Plutarchus ait, suscepto, cum responsum esset victores hostes fore, nisi rex Atheniensium caderet, Codrus habitu simulato, in hostium turbam irrupit, & interfectus est: eaque re cognita hostes sine prælio abierunt: huius meminit Horatius tertio Odarum, Ode decima nona,

Quantum distet ab Inacho

Codrus

Codrus pro patria non timidus mori

Narras-

Incipe] *Anaphora est. Tityrus*] *Ex Idyllio primo,*

τὰς δ' αἰγὰς ἐγὼν ἐν τῷδε νομειῶ.

Capras autem ego interea pascam.

Immo] *Correctio propositionis è dissimili, vbi repetitur cauillatio cum doloris significatione: Similis quædã est Idyllio septimo,*

-ὄρε φίλος, εἴποι ἀρέσκει

τῷ δ' ὅτι πρᾶν ἐν ὄρει τὸ μαλ' ὄριον ἐξεπύνασται,

-Vide amice si tibi placet,

Ea quam antea in monte cantilena elaboravi.

Fagi] *fuit ecloga prima,*

Tityre tu patula recubans sub tegmine fagi,

Item ecloga secunda,

Tantum inter densas vmbrosa cacumina fagos,

Vt hæc arbor opacitate sua pastorum carminibus deleta videatur. Alterna] *Varia, ait Seruius, vel ἐμοιβαῖα vt antea in illo versu,*

Alternis dicetis, amant alterna Camæna.

Certet] *Idyllio quinto,*

αὐτόθι μοι ποτέρισσέ, καὶ αὐτόθι βωκολλιάσδεν,

Istinc mihi contende, & istic bucolicè cane.

Lenta] *emendatur cauillatio contraria parium collatione ad laudem Mopsi. Saliunca*] *Celticum nardum nascitur in Liguriæ alpibus, salitica patrio nomine appellatum, prouenitque in Istria, & exiguè fruticat, & cum radicibus in manuales fasciculos componitur, ait Dioscorides, libri primi capite septimo. Sed tu*] *reuocatio contentiunculæ, deinceps ἐπικήδιον sequitur, id est funebre carmen nondum humato corpore: Partes tres sunt, prima est ex adiuncto luctu matris, nympharum, bouum, pecudum, leonum. Crudeli*] *Alij Iulium Cæsarem hîc accipiunt viginti tribus vulneribus confosmi, alij Flaccum Maronis fratrem, vt in Virgilij vita dictum est: de quo est illud,*

Tristia fata tui dum flet in Daphnide Flacci,

Docte Maro, fratrem diis immortalibus aequas.

Alij Quintilium cognatum Virgilij, de quo Horatius Odarum primo, Ode vicesima quarta:

Nulli flebilior quàm tibi Virgili:

At res simpliciter intelligi potest, ficti nempe argumēti, cū Theocriti imitatio appareat. Vos] Ratio est ē testimonio hyberbolico, vt paulò pōst erit,

-Montésque feri sylvaēque loquuntur.

Talis locus longè amplissimus Idyllio decimo nono in epitaphio Bionis:

αἰ λινά μοι σωναχεῖ τε νάπαι καὶ δώριον ὕδωρ,

καὶ ποταμοὶ κλαίοιτε τὸν ἡμερόντα βίωνα·

Νῦν φυτὰ μοι μύρεδε, καὶ ἄλσος νῦν βοάοιδε.

Lamentationes suspirate saltus & Dorica aqua,

Et flumina flete suauem Biona,

Nunc plantæ mihi lugete, & nemora nunc ululate.

Et totus locus vicesimo tertio Idyllio. Tale est epitaphium Adonidis. Atque deos] sic Aeneidos tertio,

Quem non incusavi amens hominūmq; deūmq;.

Nonnulli] Tale est in Iulio Cæsare apud Suetonium capite octogesimo primo: Proximis diebus equorum greges quos in traiciendo Rubicone flumine consecra rat, ac vagos sine custode dimiserat, comperit pertinacissimè pabulo abstinere, vberitūque flere; Locus autem est ē primo Idyllio Theocriti,

τῆνον μὰν θῶες, τλιῶν λύκοι ὠρύσαντο,

τλιῶν χ' ὦ κ δρυμαῖο λέων ἀνέκλαυσε θανόντα.

Illum quidem Thoës, illum lupi ulularunt,

Illum ē sylua leo refleuit mortuum.

Item, πολλαὶ οἱ παρ' ποσσὶ βοῶν, πολλοὶ δέ τε ταῦροι,

πολλαὶ δ' αὖ θαμάλαι καὶ πόρτιες ὠδύραντο.

Multæ ei ad pedes boues, multi verò etiam tauri,

Multæ etiam iuuentæ & vitula luxerunt.

Et Idyllio decimo nono,

ῶρεα δ' ἔβην ἄφωνα, καὶ αἱ βοῆς αἱ ποτὶ ταύροις

πλαζόμεναι βοάοντι, καὶ ἔκ ἐθέλοντι νέμεσθαι.

Montes autem sunt muti, & boues apud tauros

Errantes

Errantes lamentantur, & non volunt pasci.

Pastos] Actiue sumitur, sicut ecloga septima,

Cum primum pasti repetent praesepia tauri,
cum prius passiuè sumptum sit,

-Florem depasta salicti- ecloga prima.

Daphnis] Secunda pars de factis, quæ Seruius putat ad Iulium Cæsarem pertinere, quia Bacchanalia primus Romam transtulit: at cōtrā mox intelligetur de Bacchanalibus. *Curru*] pro, Currui, & veteres sæpe quartæ declinationis eiusmodi nomina per u in datiuo dicebant, vt ait Gellius libri quarti capite decimosexto: & sic Virgilius sexto Aeneidos,

-Tēque aspectu ne substrahe nostro.

& 9. *Venatu inuigilant pueri,* pro aspectui, & venatui: Sic apud eundem poëtam, sinu, portu, concubitu, metu leges: hīc autem ex adiunctis periphrasis Dionysiacorū, seu Liberalium & Bacchanalium: Bacchus enim tigribus vehabatur, & Bacchantes saltabant, Thyasos & pāpinis intertextis hastas gerebant. *Thyasos*] Thyasus est conuiuium ē symbolis singulorum, item pompa & chorea Dionysiaca: nunc *θυιασμος*, cōtus in honorem Liberi patris. De Bacchanalibus Blōdus de Roma triumphante secundo libro ita scribit: & Bacchanalia Libero patri Baccho dicata, temporis longitudine per autumnū Saturnalibus paria maiore luxu celebrata sunt: Nudi enim viri cum nudatis omnia membra mulieribus, matronis, viduis & virginibus ad sacra conueiebant: quæ non nisi nocturna erant: caput omnes pariter femoraliaque pampinis & vuarum racemis cincti: alios item vuarum racemos manu tenebant, & tumultuario inuicem commixti cōtu, in sublime saltantes, variāque gesticulatione brachia, ceruicem, capūtque mouentes, carmen Baccho inconditum decantabant: nec prius erat saltationis modus, quàm defatigati & toto corpore vacillantes, partim resupinarentur proximioribus inhærentes, partim in pauimentum phanatici amētēque procumberent, vt rectè senserit Marcus Varro

talía nisi ab amentibus fieri non potuisse. Quid verò incestuū constuprationūque in huiusmodi nocturnis cōuentibus sit cōmissum, Liuius libro qua dragesimo scribit, vbi cognoscēs multis ante Iulium Cæsarem temporibus ea sacra Romæ fuisse. *Hæstas*] periphrasis est thyasorum. *Vitis*] Tertia pars è dissimilitudine viui & mortui Daphnidis: protasis ornatur quatuor similibus. Locus est similis Idyllio octauo Theocriti,

τῶ Δρυὶ τὰ βάλανοι κόσμος, τῶ μαλίδι μᾶλα,
τῶ βοὶ δ' ἃ μώχος, τῶ βοκόλῳ αἱ βόες αὐταί.
*Quercui glandes ornatus, malo mala,
Boui autem vitulus, bubulo boves ipsæ.*

Vitis vt arboribus] vitis arbutiua de qua secundo Georgico. *Postquam*] Antapodosis ex adiunctis malis post mortem secutis. *Pales*] Pales dea pastorum, de qua initio tertij Georgici. *Apollo*] Νόμος intellige: hic enim pauit annos decem regis Admeti armentum, quia Cyclopes, à quibus Aesculapius eius filius cæsus erat, interemisset, cū tamen Ioui fulmina fabricati essent.

Lolium] Græcis est ζιζάνιον, Francis yuræa: versus idem repetitur primo Georgico,

*Lappæque tribulque intèrque nitentia culta,
Infelix Lolium & steriles dominantur auenæ.*

Officit oculis, quod Ouidius primo fastorum testatur,
Et careant Loliis, oculos vitiantibus agri.

Auenæ] Avena primum frumenti vitium est, ait Plinius libri decimi octauī capite decimo septimo: sterilis porrò dicitur ad differentiam satiuæ: vana pro eodem dicitur primo Georgico,

Expectata seges, vanis elusit auenis:

Francis aueneron dicitur. *Paliurus*] Paliurus Dioscoridi, libri primi capite centesimo quarto, frutex est aculeatus, durus, cuius semen pingue & fuliginosum: Francis est albus spinus: vicesimo tertio Idyllio,

ὥς τῆνος τέθνηκα, καὶ ἄνθεα πάντα ἑμαράνθην.

Cū ipse mortuus est, etiam flores omnes tabefacti sunt. *Spargite*] Adhuc ἐπικήδιον fuit, sequitur ἐπιτάφιον, de sepulchro

sepulchro & sepulchri inscriptione: vide sexto Aeneidos de Miseno sepulchrorum ceremonias. Notabis autem hîc describi sepulchrum herois: heroes enim creduntur in fontibus & montibus habitare.

Superaddite carmen] Idyllio vicesimo octauo sic iubet amator infœlix epitaphium à se dictatum superscribi,

γράφον καὶ τὸ δὲ γράμμα, τὸ σοι εἴχοισι χαράξω,

Inscribe & hoc epigramma quod tibi versibus exarabo.

Syluis] notabis in hoc nomine perpetuum bucolici carminis subiectum, vt antea. *Formosi formosior*] paronomasia: Simile est Idyllio primo de Daphnide,

δάφνης ἐγὼν ὅδε τλιῶς, ὃ τὰς βοῆας ὧδε νομέυων,

δάφνης ὃ τὼς ταύρους καὶ πόρτιας ὧδε ποτίσδων.

Daphnis ego hic ille, boues hic pascens,

Daphnis tauros & iuuenctas hic aquans.

Tale tuum] Tertia pars eclogæ in apotheosi, cuius exordium sumitur è dissimili laude superioris carminis, & extenuatione sequentis. Laus illæ similibus & paribus explicatur. *Diuine*] Metaphora, vel reuera, quoniā notum est illud Ouidij,

Est deus in nobis agitante calescimus illo.

Quale] Locus est in primo Theocriti Idyllio,

ἀδὼν ὧ ποιμᾶν τὸ τεὸν μέλος, ἢ τὸ καταχῆς

τλιῶ ἀπὲ τὰς πέτρας καταλείβεται ὑψόθεν ὕδωρ,

Dulcius ὁ pastor tuum carmen, quàm resonans

Illa d petra distillat supernè aqua.

Et Idyllio octauo,

ἀδὺ δὲ τῷ θέρους παρ' ὕδωρ ῥέον αἰθριοιοῖτεν.

Dulce autem æstate apud aquam fluentē sub dio dormire.

et ibid. ἀδύ τι τὸ σόμα τοι, καὶ ἐπιμαρος, ὧ δάφνι, φωνά,

κρέατον μαλπομένω τευ ἀκούεμεν, ἢ μέλι λειχεῖν.

Dulce quid os tibi & desiderabilis ὁ Daphni vox:

Melius modulantem te audire: quàm mel lingere.

Sopor] Idyllio quinto,

-ἔρια πᾶ δὲ παγεθεῖς,

αἰκ' ἐνθης, ὕπνω μαλακῶ τερα.

-Lanas hîc calcabis,



Si veneris, somno molliores.

Est carminis laus. *Nec calamus*] hîc par est, sed maius interponitur, Nec solùm, sed: vbi interpretes Theocritum magistrum intelligunt, Virgilium discipulum: allegorias tamen hîc interpretari nihil necesse est.

Alter] Id est secundus, aiunt hîc interpretes: at si par est discipulus magistro, neuter primus erit aut secundus: alter igitur hîc est qui pòst sit pari loco, vt amicus alter ego. Et sic Idyllio primo,

-ματὰ πάντα τὸ δεύτερον ἄθλον ἀποισῇ

-*Post Panem secundum præmium feret.*

Nos tamen] Antapodosis est dissimilitudinis ad extenuationem, vbi Menalcas ἀποθέωσιν profitetur. Ratio est ex adiuncto amore. *An quicquam*] adhibetur ad excitandum mutua commendatio futuri carminis ex eius adiuncta gratia, & subiecta personæ dignitate, & testimonio. *Candidus*] ἀποθέωσις & consecratio hîc incipit, ex adiunctis, id est publica lætitia, quæ per partes declaratur: Qualis autem fuerit ἀποθέωσις tum Romæ in funebribus Imperatorum, vide Herodianū libro 4. *Candidus*] Lacteum fortassis hîc circulū respicit, vbi Romani putabant heroas suos habitare. Sic enī Cicero Scipionē somniantem, loquentem facit in excelsō & pleno stellarum illustri & claro loco, id est lacteo circulo. *Limen*] Synecdoche est ex parte totum significans: ἡμεῖς enim trāsuersum in ianua lignū significat superū vel inferū, & hîc pro ianua sumitur. *Alacres*] contrariam tristitiam ἐπικήδον habuit: nymphæ fleuerunt, pecudes à potu pastūque abstinerūt, leones ingemuerūt. *Dryadas*] Nymphæ quæ inter arbores habitant, dryades sunt, vt iam dictū est ecloga secunda. *Nec lupus*] Tale fuit ecloga 4.

-*Nec magnos metuent armenta leones.*

Retia] metonymia pro retiariis. *Bonus*] Ratio lætitiæ ex adiunctis personæ. *Ipsi*] Secudus ἀποθέωσις locus è publicæ & inuocationis & confessionis testimonio.

Ipsi, ipsæ, ipsa] polyptoton quale fuit ecloga prima,

Ipsæ te Tityre pinus,

Ipsi

Ipsi te fontes, ipsa hæc arbuta vocabant.

Deus deus] Epizeuxis est, qualis antea fuit, ab Corydon
Corydon: & sexto Aeneidos,

Ventum erat ad limen cum virgo poscere fata

Tempus ait, deus ecce deus-

O sælix] Exclamatio est, & sælix pro propitio, primo
Aeneidos sic videtur dici,

Sis sælix nostrumque leues quæcunque laborem.

Idyllio decimo quinto,

Ἰλ' αὖν φίλ' Ἀδωνι, καὶ ἐς νέωτ' εὐθυμήσας.

Miserere nunc dilecte Adoni, & in nouo letifices.

En quattuor] Tertius locus ἀποθεώσεως ex adiunctis sacrificiis, quæ per partes latius explicantur, aras, lac, oleū, vinum, musicam & saltationem: Seruius distinguit aras ab altaribus, quod hæc tantum sint superiorum deorum, illæ etiam inferiorum, eandemque in cælo Solem, in terris Bacchum, & apud inferos Apollinem facit: quod ad locum hunc nihil attinet, sed aras noui dei altaribus autenthici dei coniungit. *Spumantia*] metonymia est, qua significat idem quod epitheto significatum est (nouo) sic Aeneidos primo,

-Ille impiger hausit

Spumantem pateram, & pleno se proluit auro:

Vbi & vini vis recentis exponitur. Craterasque] locus est e quinto Idyllio,

σασῶ δὲ κρητῆρα μέγαν λευκοῖο γάλακτος

ταῖς νύμφαις, σασῶ δὲ καὶ ἀδείας ἄλλων ἐλαίῳ.

Statuam autem craterem magnum albi lactis

Nymphis, statuam autem etiam dulcis alium olei.

Sed in septimo Idyllio, de Cerealibus locus est copiosior similis magis quam idem,

τὸν ἡλεατικὸν οἶνον ἀπὸ κρητῆρος ἀφνέω,

παρ' πυρὶ κεκλιμένος· κύαμον δὲ τις ἐν πυρὶ φρυξεί,

χ' αἰσίδας ἐστίτω πεπυκασμένα, ἐς τ' ἐπὶ πᾶχυν

κνύζα τ' ἀσφοδέλω τε πολυγνάμῳ τε σελίνῳ·

καὶ πόμαι μαλακῶς μεμνημένος Ἀγείανκτος,

αὐ τοῖσιν κυλίκεσι, καὶ ἐς τρύγαι χεῖλος ἐρείδων.

ἀὐλοσεῦντι δέ μοι δύο ποιμένες· εἷς μὲν ἄρχερνῆς,
εἷς δὲ λυκωπίτας, ὃ δὲ τίτυρος ἐγλύθεν ἄσπε·

Pteleaticum vinum è cratera exhaustiam

Apud ignem inclinatus, fabam aliquis in igne torrebit,

Et lectus erit ornatus vsque in vlnam

Cnyxáque ferulaque multum flexibillique apio.

Et bibam molliter recordans Ageanaëtis,

Ipsis poculis: & in fecem labrum firmans.

Tibia canent autem mihi duo pastores, vnus quidem

Acharneus,

Vnus autem Lycopitas: hinc autem Tityrus propè canet.

Baccho] Metonymia pro vino. *Calathis*] calathus antea
quasillus fuit: hinc est calyx. In tertio Georgico vas est
quo lac exprimitur. *Arusisa*] Straboni libro decimo
quarto Arusisa locus est in Chio insula asper & impor-
tuosus, vbi vinum græcanicorum optimum nascitur:
Stephano dicitur Arusisa, & vinum arysinum: hodie vul-
gò maluasium aut maluasum dicitur. *Nectar*] Nectar
potus est deorum vt poëtæ fabulantur, immortalitatem
fabulis suis indicantes: à (νε) quod in compositis verbis
negatiuum est, & κτείνω, occido. Sic apud Martialem:

Iuppiter ambrosia satur est, & nectare viuut.

Lyctius] Lyctus est oppidum Cretæ, vnde Lyctius mo-
dò dicitur. *Satyros*] Satyrus animal est in vltimis Lybiæ
gentibus in quo præter effigiē nihil est hominis: mini-
ster autem Bacchi dicitur propter libidinem: vnde etiam
nomen habet: χάρων siquidem græcis est veretrum seu
virile membrum. *Imitabitur*] Symbolum similitudinis
est in hoc verbo, id enim est, more Satyrorum saltabit.

Alphesibæus] Pastoris fictum nomen est: ἀλφειω enim
est inuenio & βοῦς βοός, bos, velut inuentor boum.

Hæc tibi] Notatur sacrificij tempus duplex quotannis.

Lustrabimus] Ambarualia significat, de quibus iam an-
teà dictum est ecloga secunda ad illum versum,

Cum faciam vitula pro frugibus.

Dum] Diuinitatis perpetuitas ad extremum declara-
tur

tur quatuor pariū collatione, quæ 1. Aeneidos iteratur,

In freta dum fluij current, dum montibus vmbrae

Lustrabunt, conuexa palus dum sydera pascet.

Thymo] Thymus vel thymū, herba hortēsis odorata, quo tantum delectantur apes, vt eo largè florente, prouentum sperent apiarij, ait Plinius libri vicefimi capite 10.

Rore cicadae] de cicadis ecloga 1. diximus in illo versu,

At mecum rancis resonant arbuta cicadis:

vnum autem hoc animal ore caret, & foramine quo eiiciantur excrementa corporis: pro ore tamen habet in pectore quiddam linguæ simile, quo rorem lambit: excitata verò humorem reddit, quod solum argumentum est rore easdem ali, ait Plinius libri vndecimi capite vicefimo sexto: quarto Idyllio,

-μὴ πῶνάς στίβῃς, ὡς τὴν ὀτρίνην;

Num rores pascit, quemadmodum cicada?

Vt Baccho] declaratur eadem diuinitas similitudine duorum deorum. *Damnabis*] cum tui numinis cultoribus pro votis eorum adfueris, obligatos votis & veluti damnatos habebis: paulò secus primo Aeneidos,

-Vocabitur hic quoque votis.

Macrobius tamen ait eos votis damnatos esse, qui promissa vota iam persoluerunt: vt sit damnatus votis, quod voti compos: quod quàm verum sit, considerabis.

Explicationem autem illam nostram Erythræus amplissimè nobis ita tradidit. *Damnabis votis*] Non, liberabis, accipiendum est, vt Nonius & Agresius interpretantur, sed contrà, damnabis, obligabis, intellige. Et quasi quadam necessitatis damnatione obnoxios reddes agricolas, ad vota soluenda, dum tu illis tanquam verum & præfens numen adfueris: vt damnati propriè hi dicantur, non qui vota tantùm fecerint, sed qui etiam ab ipso deo optata impetrauerint: vnde tunc votorum persolutionis se reos omnino factos, quasi ex numinis parte voti concepti conditione adimpleta, maximè intelligerent. Nam ita mortalium vulgus deo vouere solet, vt sub conditione cum ipso quasi contrahat, vt sci-

licet non alia ratione se voti damnatum, & reum velit, quàm si votis petita obtinuerit. Id autè à poëta ex persona Mopsi ideo dictum est, vt Daphnim numen omnino præsentissimum agricolis fore ostenderet. Quare, cùm dixit, agricolæ tibi vota facient : quia id ad probandum numen non sufficeret, quòd votorum susceptio tota de ipsorum agricolarum opinione penderet, addidit,

Damnabis tu quoque votis, id est vota eorum implebis, vnde deus appareas agricolarum, & ita tibi votis damnati sint, id est, eorum solutioni obnoxij. Hanc autem reddèdi voti necessitatem Maro rerum omnium prudentissimus, verbo pontificio, & votorum proprio expressit, sicut & alibi, *voti reus*, dixit: nam vota reddere, vt etiam vox illa diuina Christianorum auribus inclamat, *Vouete, & reddite*, omnino necesse est, nec minus sanè, quàm sententia, aut iudicio damnatos, pœna soluere. Vnde, etiam in iure ciuili nostro, titulo de legatis primo, species illas legatorum per damnationem factas legimus. Vt apud Vlpianum per initia tituli: *Quisquis mihi gallicanarum rerum hæres erit, damnâs esto tot dare, id est, dânatu*s esto. Et apud Paulû, eodè titulo Testator ab hæredibus ita legat: *Lucius Titus, & G. Seius P. Meui*o decè dare dânâs sunt, id est, dânatu. Quod quidem quartum legatorum genus per solennitatè verbi Damnâs necessitatem quandam hæredibus omnino præstandi legata imponebat: Ita vt illi modis omnibus soluere legatoriis tenerentur, etiam si damnosam hæreditatem adiissent, & res aliena legata esset. Quæ postea verbi solennitas atque necessitas (vt interim in re perquam digna scitu, iuris peritum agam, id est, muneris mei non obliuiscar) cum reliquis tribus legatorum generibus, quæ olim in vsu erât, scilicet, per vendicationè, sinendi modo, & per præceptionem, quibus etiam singulis generibus certa quædam verba assignata erant, per quæ illa significarentur, constitutionibus diuorum principû penitus sublata est. Quippe cùm per omnia æquata sunt legata fidei commissis, vt habetur digestis, eodè

titulo, symbolo, ne lege dicam, quæ non est, Vlpiani primo, & instituticibus, eodem titulo. Sed illud quoque non dissimulandum, quod legimus antiquitatē non modo damnatum voto, sed etiam voti condemnatum dixisse. Titinnius Veliterna, ut est in exemplis Marcelli, ait, fortasse votum fuisse, quo die liber foret, nunc eius voti condemnatus est, immolauit hostiam. Et Turpilius Leucadia: & amplius illum apparere concedet quandoquidem voti condemnatus est. *Quæ tibi*] Collaudatur ἀποθεώσεως carmen, pastoralis trium minorum collatione. *Sibilus*] Sibilus, & in plurali sibili vel sibila, propriè est sonitus oris humani, dentibus compressis, & parum diductis labris, expressus: hîc synecdoche est ex specie genus significans, pro flatu enim sumitur.

Austri] - *Floribus austrum*

fuit ecloga secunda. *Percussa littora*] pastoribus tempestatem spectantibus & fluctus eius numeratibus magna voluptas est: fluctus autem illos paulatim crescere indicant illæ Maronis collationes tertio Georgico:

*Fluctus ut in medio cœpit cum albescere ponto
Longius, ex altoque sinum trahit, utque volutus
Ad terras immane sonat per saxa, nec ipso
Monte minor procumbit, at ima exastuat vnda
Vorticibus, nigrâque altè subuectat arenam.*

Item septimo Aeneidos,

*Fluctus ut in medio cœpit cum albescere vento
Paulatim sese tollit mare, et altius vndas
Erigit, inde imo consurgit ad æthera fundo.*

Ovidius primo Tristium maximum facit omnium fluctuum decimum,

*Qui venit hinc fluctus, fluctus supereminet omnes,
Posterior nono est vndecimoque prior.*

Et vulgò decumanus fluctus dicitur pro maximo, ut in castris porta decumana. *Saxosas*] Ex Idyllio primo:

ἀδρον ὦ ποιμᾶν τὸ τεὸν μέλος, ἢ τὸ κατὰ χεῖρας
τῇν' ἀπὸ τῆς πέτρας καταλείβεται ὑποθεῖν ὕδαρ.

Incundius ò pastor tuum carmen est, quàm quæ resonans

P. RAMI PRAELECT.

Ille de saxo defluit ex alto aqua.

Hac te] Concluditur ecloga, mutua pastorum liberalitate : Menalcas fistulam donat & commendat ex adiunctis, quòd ea secundam & tertiam eclogam cantare didicerit. *Cicuta*] Cicuta prius fuit internodium:

Est mihi disparibus septem compacta cicutis
Fistula-

Herba autem hîc est venenosa, & publica Atheniensium poena infamis, attamen caulis eius estur à plerisque, & sæpe altior est binis cubitis, ait Plinius libri vice-
simi quinti capite decimotertio. Itaque pastores ex eius calamo fistulam sibi conficiunt. Talis igitur est metonymia, qualis fuit in auena & calamo & stipula.

Formosum] Synecdoche est ex parte totum significans, quomodo iureconsulti leges appellant primis legum nominibus. *At tu*] Mopsus donat suum pedum, id est baculum curuum, quo pedes ouium pastores trahunt, & suis item adiunctis commendat, quòd quamvis à formoso pastore rogatum, non tamen sit datum, quòd nòdis & ære sit formosum. Idyllio septimo,

-ὁ δ' αἰπόλος αἰδὼν μελέσας
ταῖν τοι, ἔφα, κορύναν δωρήσομαι.

-Hic autem caprarius suauiter ridens
Hanc tibi, dixit, virgam donabo.

Formosum] Similis quædam liberalitas Idyllio primo, sed aliis argumentis exposita. Item sexto de Damoeta & Daphnide,

χ' ὡ μὲν τῷ σύργῳ, ὁ δὲ τῷ χαλὸν αὐλὸν ἔδωκεν.

Et hic quidem huic fistulam, ille autem huic pulchram tibiam dedit.

Antigenes] Nomen è septimo Idyllio,

Ecloga

ECLOGA SEXTA.

Silenus.

Poëta.

Prima Syracusio dignata est ludere versu
Nostra, nec erubuit sylvas habitare, Tha-
lia.

2 Cum canerem reges & praelia, Cynthia aure
Vellit, & admonuit: pastorem Tityre, pingues
Pascere oportet oves, deductum dicere carmen. 5
Nunc ego (namque super tibi erunt, qui dice-
re laudes

Vare tuas cupiant, & tristia condere bella)
Agrestem tenui meditabor arundine musam.
Non iniussa cano. si quis tamen hæc quoque,
siquis

Captus amore leget, te nostræ Vare myrica, 10
Te nemus omne canet: nec Phæbo gratior
Vlla est,

Quæ sibi quæ Vari præscripsit pagina nomē.
Pergite Pierides. Chromis & Mnasyllus in
antro

Silenum pueri somno videre iacentem,
Inflatum hesterno venas, ut semper, Iaccho. 15
Serta procul tantum capiti delapsa iacebant:
Et gravis attrita pendebat cantarus ansa.

*Aggredi (nā sēpe senex spē carminis ambos
Luserat) iniiciunt ipsis ex vincula fertis.*

Addit se sociā, timidisq; superuenit AEgle, 20

*AEgle Naiadū pulcherrima: iāmque vidēti
Sanguineis frontē moris, & tempora pingit.*

Ille dolū ridens, Quò vincula neētis? inquit.

Soluite me pueri: satis est potuisse videri.

*Carmina, quæ vultis, cognoscite: carmina 25
vobis,*

Huic aliud mercedis erit. simul incipit ipse.

*Tum verò in numerum Faunósque, ferásque
videres.*

Ludere: tū rigidas motare cacumina quercus.

Nec tantum Phœbo gaudet Parnassia rupes:

Nec tantum Rhodope miratur, & Ismarus 30

Orphea:

Namq; canebat vti magnū per inane coacta

Semina terrarūq; animæq; marisq; fuissent,

Et liquidi simul ignis: vt his exordia primis

Omnia, & ipse tener mundi cōcreuerit orbis.

Tum durare solū, & discludere Nerea pōto 35

Cœperit, et rerum paulatim sumere formas:

Iamq; nouum terræ stupeant lucescere Solē:

Altius atq; cadāt sūmotis nubibus imbres:

Incipiant syluæ cū primū surgere: cūq;

Rara per ignotos errent animalia montes. 40

Hic lapides Pyrrha iactos, Saturnia regna,
Caucaſeasque refert volucres, furtumque
Promethei,

His adiungit Hylā, nautæ quo fonte relictū
Clamaſſet, ut litt^o Hyla Hyla, omne sonaret.
Et fortunatam, ſi nunquā armenta fuiſſent, 45

Paſiphaën niuei ſolatur amore iuenci:
Ah virgo infelix, quæ te dementia cepit?
Proetides implerunt falſis mugitibus agros:
At nō tā turpes pecudum tamē vlla ſecuta eſt
Concubitus, quanuis collo timuiſſet aratrū, 50
Et ſæpe in leui quaſiſſet cornua fronte.

Ah virgo infelix, tu nunc in montib^o erras:
Ille latus niueum molli fultus hyacintho,
Ilice ſub nigra pallentes ruminat herbas,
Aut aliquam in magno ſequitur grege: clau 55
dite Nymphæ

Diſtææ, Nymphæ nemorum iā claudite ſalt^o:
Si quā fortè ferant oculis ſeſe obuia noſtris
Errabunda bouis veſtigia: forſitan illum
Aut herba captū viridi, aut armenta ſecutū
Perducāt aliquæ ſtabula ad Gortynia vaccæ: 60
Tum canit Heſperidum miratē mala puellā.
Tum Phaët^hōtiadas muſco circumdat amare
Corticis, atque ſolo proceras erigit alnos.
Tū canit erratē Permeſſi ad flumina Gallū,

*Aonas in montes ut duxerit una sororum, os
 Utq; viro Phœbi chorus assurrexerit omnis:
 Ut Linus hæc illi diuino carmine pastor,
 Floribus atque apio crines ornatus amaro
 Dixerit, Hos tibi dant calamos (en acci-
 pe) musæ,*

*Ascræo quos antè seni, quibus ille solebat 70
 Cantando rigidas deducere montibus ornos.*

*His tibi Grynæi nemoris dicatur origo:
 Ne quis sit lucus, quo se plus iactet Apollo.*

*Quid loquar? aut Scyllam Nisi, aut quam fa-
 ma secuta est,*

Cādida succinētā latrātib⁹ inguina mōstris 70

*Dulichias vexasserates, & gurgite in alto
 Ah timidos nautas canib⁹ lacerasse marinis?*

Aut ut mutatos Terei narrauerit artus?

Quas illi Philomela dapes, quæ dona pararit:

Quo cursu deserta petiuerit, & quibus antè 80

Infelix sua tectā superuolitauerit alis?

Omnia, quæ Phœbo quondā meditante beat⁹

Audiit Eurotas, iussitque ediscere lauros,

Ille canit pulsæ referunt ad sydera valles:

*Cogere donec oues stabulis, numerumque 85
 referre*

Iussit, & inuito processit vesper Olympo.

In

IN SEXTAM ECLOGAM.



ECLOGA sexta Epicurei Sileni varia carmina cōplectitur: Octo enī diuersa sūt. Primū de Epicuri philosophia, scē dū de Hyla, tertīū de Pasiphaë, quartū de malis Hesperidum, quintū de Phaëthōtiadibus, sextum de Gallo, septimū de Scylla, octauum de Tereo: denique omnia comprehendit carmina Apollini nota: Sed præcipuus & primus locus est de Epicuri philosophia, & ideo ecloga in honorem Quintilij Vari seu Varrī (varia enim huius nominis est orthographia) videtur esse cōposita: hæc autem ecloga dicitur à Virgilio, ingenti fauore fuisse recitata, vt cum eam postea Cytheris cantasset in theatro, stupefactus Cicero, requisierit cuius esset: & cum authorem tãdem vidisset, dixisse fertur ad suam & Virgilij laudem,

-magnæ spes altera Romæ,

ait Seruius, secutus fabulam Donati, de qua in Virgilij vita dictum est. Initio autem poëta significat, sed obscuriùs, dicturū se laudes Vari carmine Bucolico, quia primum id eius carmen sit. Ratio est ex adiunctis.

Syracusio] alij Syracosio, ne, u, syllaba antepenultima ex, &, diphthongo descendens, contra artem contrahatur. Casus est græcanicus, pro Syracusano, qualis fuit ecloga quarta, Sicelides pro Sicilienses. *Syracusio*] Periphrasis carminis Bucolici ex eius authore Theocrito, quem Virgilius hīc imitatur, & eius subiecto, circa quod occupatur, quod toties iām vsurpatum ecloga prima,

Syluestrem tenui musam meditaris auena,

Item, *Formosam resonare doces Amaryllida syluas,*

Et 2. *Montibus & syluis studio iactabat inani,*

Itē, *Mecum vna in syluis imitabere Pana canendo,*

Itē, *-habitarunt dī quoque syluas,*

Itē 4. eclo. *Si canimus syluas, syluæ sint Consule dignæ.*

Et 1. eclog. *Daphnis ego in syluis hinc vsque ad sydera notus:*

Item, *-montesque feri syluæque loquuntur,*

Et nūc, -*Nec erubuit sylvas habitare Thalia.*

Thalia] *θάληα* debuit esse *thalea*, ut *κυθήρεια*, *Cytherea*. ergo *græcanica* & hæc inflexio est, ait *Seruius*, *θάληα* autem viriditas, celebritas, lætitia, festiuitas est latinè: *θαλέω* & *θάλλω* verbum id significat. *Cum cancrem*] Confirmatio tandem est è testimonio diuino, quo reuocatum se dicit ab Heroico carmine: res enim Romanas aggreſſus erat initio, sed asperitate nominum deterritus omisit, ait *Donatus*, & post eū *Seruius*. *Cynthius*] *Apollo* dicitur *Cynthius*: *Cynthus* enim *Deli* insulæ mons est, vbi natus est *Apollo* & *Diana*. *Aurem*] *Aurem* vel lere quid sit, & quid hac metonymia significetur, *Virgilius* hîc interpretatur, id est admonere: & sic *Seneca* libro secundo de beneficiis loquitur. Loquar mecum & mihi aurem vellam. Ratio autem tropi non species à *Seruiio* proponitur, quia auris (ait) est memoriæ consecrata, ut frons *Genio*, *digiti Mineræ*, *genua misericordiæ*. *Idyllio quinto*,

ὅκ' ἔραμι' Ἀλκίππας, ὅτι μὲ πρὶν ὅκ' ἐφίλασσε
τῶν ὤτων κατελοῖσα.

*Non amo Alcippem, quod me prius non osculata est
Aures apprehendens.*

Pastorem] *Προσποπεία* est *Apollinis*, vbi ex coniugatis est ratio, pastor pascere. *Deductum*] Metaphora est à lana, quæ dum tenuatur in filum, deducitur: *Quintilianus* libri octauî capite secundo: Proprie autem, ait, quo nihil significantius: ut *Cato* dixit *Cæsarem* ad euerendam *Rempublicam* sobrium accessisse: ut *Virgilius* deductum carmen: & *Horatius* acrem tibiam, *Hannibalem*que dirum. *Nunc ego*] Conclusio est confirmationis proximæ: Quare *Bucolicum* carmen canam.

Nanque] Illustratio intextitur è dissimili: alij bellicas tuas laudes canent: *Quintilius* autem *Varus* in *Germania* exercitus dux fuit, & cum eo tandem à *Germanis* cæsus: De quo *Suetonius* vicesimo quinto capite, in *Augusto*, *Graues*, ait, ignominias cladisque omnino duas nec alibi quàm in *Germania* accepit *Lolianam* & *Varianam*:

nam: sed Lolianam maioris infamiae quam detrimenti, Varianam penè exitialem tribus legionibus cum duce legatisque & auxiliis omnibus caesis. Hac nuntiata excubias per urbem indixit, ne quis tumultus existeret, & praesidiis prouinciarum prorogauit imperium, ut & à peritis & assuetis socij continerentur: vouit & magnos ludos Ioui optimo maximo, si rempublicam in meliorem statum vertisset. Quod factum Cimbrico Marsicòque bello erat, adeo nāque cōsternatū ferūt, ut per cōtinuos menses barba capillòque summisso caput interdū foribus illideret, vociferās, Quintili Vare, legiones redde: diēmque cladis quotannis mœstum habuerit, ac lugubrem. Hæc ad verbum Suetonius. Alius etiam Varus fuit amicus Virgilio & ecloga nona celebratus, qui superstes Virgilio fuit, & eius opera correxit.

Arundine] Tales iam metonymiæ fuerunt, auena, calamus, stipula, cicuta. *Non iniussa cano*] Alia confirmatio est Bucolici carminis ex autoritate vel Pollionis, vel Augusti, vel Mecœnatis, ut Seruius ait. *Si quis*] hîc præcipua propositionis significatio est, adiunctis confirmata, quod Vari laus sit doctis gratissima.

Myricæ] Sic antea,

Non omnes arbuta iuuant humilèsq; myricæ.

Et postea decima ecloga,

Illum etiam lauri, illum etiam fleuere myricæ.

Nemus] το νέμω græcum est, & propriè dicitur sylua voluptatis causa comparata. *Phæbo*] Metonymia pro doctis. *Præscripsit*] id est inscripsit & propriè dicitur. Sic Cicero Agraria secūda. A quibus ei locus primus inuidiæ in præscriptione legis cōcessus est. *Pergite*] Inuocatio est, qualis antea fuit. Sicelides musæ, de pieridibus, ecloga tertia dictum est ad illum locum, Pierides vitulam. *Chromis*] Narratio est ad carminis futuri decorū ex Epicurei cantoris adiunctis, somno, vino. Virgilius autem Epicuream sectam Silone doctore didicerat, ut Donatus author est in Virgilij vita: & hîc Seruius, & fortasse eius condiscipulus Varius fuerat, ut ideo carmen

Epicu-

Epicureum Epicureo nuncupet. Chromis nomen pastoris Lybici Idyllio primo: Hic verò Chromis & Mnasyllus adolescentes finguntur. *Iaccho*] *ἱακχῶς*, Iacchus Bacchus, & hymnus in eundem (ait Feltus) sic etiam dicitur vox diuina Bacchū celebrantiū: *μαρὰ τὸν ἱακχῶν* ad additione κ: *ἱακχῆ* verò est clamor, gemitus, rugitus, *ἱακχῶν* clamo, loquor. *Serta*] Ebrietatis circumstantias latius persequitur: ut Sileni corona & cantharus iaceant, ut Silenus ipse ligari se non sentiat. Seta autem coronæ floribus contextæ sunt, strophia & seruiæ corollæ, corollaria Plinio libri vicesimi primi capite secundo dicuntur. Tenuioribus (ait de floribus) utebantur: antiqui strophia appellantes, unde nata strophiola: quin & vocabulum ipsum tardè communicatum est inter sacra tantum & bellicos honores coronis suum nomen vindicantibus. Cum vero è floribus fierent seta, à ferendo seruiæ appellantur: & ibidem, Paulatimque & Romæ subrepsit appellatio corollæ inter initia propter gracilitatem nominantis, mox & corollariis, postquam & lamina ærea tenui inaurata & inargētata dabantur. Cicero tertia Tusculana: Incendes odores, & sertis redimiri iubebis & rosa. *Cantharus*] Liberi patris poculum fuit, ut Plinius libri tricesimi tertij capite vndecimo, ubi scribit Marium post victoriam Cimbricam cātharis potasse Liberi patris exemplo. *Ambos*] Charisius ambo legit. *Ex vincula*] Anastrophe est, ut

Transstra per & remos.

Addit] Additur ad Epicuræ voluptatis expletionem puella, à qua se pingi Silenus patitur. *Aegle Aegle*] In fine superioris & principio sequentis sententiæ, est anadiplosis. Fuit autem Aegle filia Solis & Nearæ.

Naiadum] de quibus ecloga secunda dictum est ad illum locum,

-Tibi candida Nai's.

Sanguineis] pro rubris, Metaphora talis est ecloga decima,

Pan deus Arcadiæ venit, quem vidimus ipsi

Sanguineis

Sanguineis ebuli baccis minióque rubentem.

Ille dolum] Excitatur Silenus & optatum carmen pollicetur, ubi & Prosopopœia est Sileni. *Videri*] Quia semidei tantum videntur quum volunt: aut quia in hac ebrietate deprehensus est. *Carmina carmina*] Anaphora. *Mercedis*] ioculatoria Veneris est significatio.

Tum verò] Declaratur hyperbolicis adiunctis excellentia carminis, quo dij, bestia, res etiam inanimatae ad saltationem excitarentur. *Faunosque*] Latinis fauni sunt iidem qui græcis Satyri. *Motare*] Id autem quinta ecloga verbum fuit:

Sive sub incertas Zephyris motantibus umbras.

Cacumina] Extremos ramos, qui sunt arboribus pedum loco, cum radices pro capite sint.

Nec tantum] Declaratur idem collatione minorum. Parnassus autem mons est Thesaliæ Apollini consecratus, ut Rhodope & Ismarus montes sunt Thraciæ, in quibus Orpheus cantare solitus est, de quibus iterum erit ecloga octava,

Nunc scio quid sit amor: duris in cotibus illum

Ismarus aut Rhodope-

Nanque] Subiectum carminis argumentum declaratur physicis Epicuri, qui atomis & corpusculis omnia cōponebat: quod ante eum Democritus & Leucippus cēfuerant: qua de re multa Aristoteles primo physicæ auscultationis, & primo secundoque de generatione: Item primo philosophiæ: & Cicero primo de finibus, & in fato. *Terrarumque*] Declaratur origo mundi per ipsius partes, elementa, meteora, arbores, pecudes, homines. *Semina*] Significat atomos Epicureas, quarum concursione Epicurus omnia gignebat: Illis enim triplicem motum tribuebat, ponderis, recta deorsum linea, declinationis, cum atomi è regione minimum declinaret, plagæ cum alia aliam pelleret: de quo nos in fatum Ciceronis. *Animaque*] id est aëris. sic Varro primo de re rustica ex Ennio: aqua, terra, anima, Sol. Cicero primo de Oratore: Deinde cum spiritus eius esset angu-

stior, tantum continenda anima est affecutus, vt vna cō-
tinuatione verborum, &c. *Liquidi*] puri, vt postea,

Liquidūque per aëra lapsa - sexto Aeneidos.

Nerea] Nereus Oceani & Tethyos filius, deus maris:
Metonymia igitur est. *Ponto*] Pōtus Nerei filius: & hic
Metonymia similis est. *Formas*] Formas rerū Democri-
tus putauit fieri *ρῶμα, διαθυγή, τροπή* figura, ordine, situ,
vt Aristoteles propositis antè locis ait. *Hinc lapides*] Pyr-
rha Deucalionis vxor, qui post diluuium dicuntur à poë-
tis hominum genus reparasse, lapidibus post tergum ia-
ctis: de quo Iuuenalis dicimanona Satyra:

*Ex quo Deucalion nimbis tollentibus æquor
Nauigio montem ascendit, sortisque poposcit,
Paulatimque anima caluerunt mollia saxa,
Et maribus nudas ostendit Pyrrha puellas.*

Caucasæque] Caucasus mons supra Iberiam & Alba-
niam: vbi Prometheus per Mercurium imperio deorū
alligatus, à vulture exeditur, quia Solis ignem auxilio
Mineræ furatus esset: Seruius fabulam refert ad inuen-
tionem Astrologiæ, & fulminum obseruationem. Plato
in Philebo refert ad inuentionem logicæ.

Promethei] Trissyllabum, & contractum pro quadrisyl-
labo Promethēi. *Hylam*] Adhuc Epicurea Philosophia,
deinceps secundum carmen sequitur de Hyla puero
Herculis, in fonte submerso, vnde nomen eius dum
illi fieret, in fontibus inclamari solitū: *ύλάω* vel *ύλακτίω*,
clamo, resono. Fabula integra decimotertio Idyllio apud
Theocritum tractatur, quæ breuiter hīc attingitur.

Hyla Hyla] Epizeuxis, vt antè vale vale, & in secundo
(Hyla) syllaba vltima corripitur, quamuis natura lon-
ga sit: vt in Aenea & Græcis similibus, quia vocalis sequi-
tur (ait Seruius:) Quæ ratio si vera est, vera etiam de-
buit esse in illo vale vale. *Et fortunatam*] Tertium car-
men de taurino Pasiphaës amore, quam primò solatur,
deinde miseratur. Pasiphaë vxor Minois Cretensium re-
gis fuit, quæ Dædali artificio dicitur tauro supposita esse:
at hūc

at hunc taurum Palæphatus ait scribam Minois fuisse,
& ex homonymia nominis, occasionem fabulæ datam
esse: De fabula, Virgilius sexto Aeneidos,

*Hic crudelis amor tauri suppositæque furto
Pasiphaë, mistumque genus, prolesque bifurmis,
Minotaurus inest Veneris monumenta nefandæ.*

Niuci] Metaphora est pro, candidi. Iuenci] Taurum
dicit, in cuius amorem Pasiphaë exarsit. Ah] Commi-
seratio deinceps est ex dissimilitudine: Prætidēs quam-
uis se vaccas putarent, tamen tauros non amarunt.

Ah] sic ecloga secunda,

Ah Corydon Corydon quæ te dementia cepit.

Prætidēs] Prætidēs rex Argiuorum, cuius filiæ cū se
Iunoni forma equipararent, diuina phrenesi sic affectæ
sunt, vt se vaccas putarent, & in syluis mugirēt: tandem
à Melampo medico curatæ sunt. Ah] Anaphora, qua
repetitur superius hemistichium: & hîc commiseratio-
nis argumentum secundum est, ex adiunctis laboribus
in persequendo tauro errabundo. Illex] Illex, arbor quer-
cui proxima. Ruminat] Rumen pars est gutturis sub
mento, qua cibus in aluum demittitur: hinc ruminare,
ad rumen reuocare, id est, remandere. Claudite] Proso-
popœia est Pasiphaës taurum capere cupientis, & ob id
nymphas sic alloquentis. Dictæ] Dictæ est mons Cre-
tæ vbi Iupiter educatus esse dicitur,

Dictæo cæli regem pauere sub antro,

quarto Georgico. Saltus] Saltus densior sylua & in-
uia, quod ibi arbores saliant, & ibi pasci atque æstiuare
pecudes soleant, vt ait Valla libro quarto: quod hic lo-
cus videtur indicare, & qui rursus est ecloga decima,

-Parthenios canibus circumdare saltus.

Sunt contrà qui saltus putent loca arboribus expedi-
ta, vbi faciliè saltetur, quod tertio Georgico videtur
approbari,

Saltibus in vacuis pascant-

vtrunque tamen coniungi potest: & ex Caij Aelij sen-
tentia Sextus Pomponius ait esse, vbi syluæ & pastiones

sunt. *Si quā*] Si, aduerbium est aliquando rogantis, & optantis per se plenum, ait Seruius, sexto Aeneidos, ad illum locum,

Si nunc se nobis ille aureus arbore ramus

Ostendat nemore in tanto-

quasi (si) pro (utinam) ponatur: ego reticentiam quandā hic maluerim, tanquam intelligatur: ô me fœlicem, ô me fortunatū, si id acciderit: quomodo est g. Aeneidos,

O mihi praeiteritos referat si Iuppiter annos,

et aliis praeerea locis quibusdam, ubi vel, o, vel (si) vacare non arbitror, ut Seruius, sed imperfectum sensum sic expleo: qua reticentiae figura potes sic intelligere, ô me fortunatam. *Gortynia*] Gortynia oppidum Cretae non longè à Gnoſo. *Tum canit*] Quartum carmen de Atalanta filia Cænei regis, in Scyro maris Aegei insula cursu victa per Hippomenem Neptuni nepotem, dum currenti mala aurea obiicit: de qua fabula Ouidius libro decimo Metamorphoseon: fabula hæc etiam Idyllio tertio,

*Ἰππομένης ὅτ' αἰ δὴ τὰν παρθένον ἤθελε γάμει,
μᾶλ' ἐν χερσὶν ἐλὼν, δρόμον ἀννεν' αἰ δ' ἅλ' ἀλάντα,
ὥς ἴδεν, ὥς ἐμάνη, ὥς ἐς βράθ' ἄλλ' ἔρωτα.*

*Hippomenes quādo iam virginem voluit ducere uxorem
Poma in manibus capiens, cursum perfecit: Atalanta autē
Ut vidit valde furiata est, valde in profundum saltauit
amorem.*

Hesperidum] Atlanti speciosissimum in Aethiopia pomarium fuit, quod hesperides Hesperii fratris filiae Aegele, Harethusa, Sperethusa, cū dracone peruigili custodiebant. Id verò fuit in æstuario Lixi oppidi in Mauritania, ut Plinius libri deciminoni capite quarto ait: aut auctore Theomene iuxta magnā Syrtim, ut idē ait libri tricesimi septimi capite 2. *Tum Phaethontidas*] Quintū carmen de Phaethōtis sororibus, Phaethusa, Lampectia, Læpethusa conuersis in alnos, ut Apollonium & græcos secutus, hic ait: vel in populos, ut ipse decimo Aeneidos ait:

Nanque

Nanque ferunt luctu Cygnam Phaëthontis amati

Populeas inter frondes umbramque sororum Dum canit-

Circundat] id est circundatas canit, hypallage est.

Tum Tum] Anaphora est. *Amara corticis*] Masculino

genere sapius: quomodo & Virgilius ipse 7. Aeneidos,

-Raptus de subere cortex.

Tum canit] Sextum carmen in laudem Galli. Cornelius autem Gallus Foroliuiensis orator clarus & poeta fuit: ut de se ipse testis est in elegiis, quæ solæ ex eius operibus supersunt: urbem grammatici nominant, ipse tantum patriam,

Hic me suscipiens Hetruscae gentis alumnum.

Quod autem orator fuerit, & poeta, sic ait,

Dum iuuenile decus, dum mens sensusque manebat

Orator toto clarus in orbe fui.

Sæpe poetarum mendacia dulcia finxi,

Et veros titulos res mihi ficta dedit.

Sæpe perorata percepi lite coronam,

Et data sunt linguae præmia digna meæ:

Euphorionem poetam latinè reddidit, & Cytherida Publij Volumnij libertam amavit, eamque ficto Lycoridis nomine celebrauit: ut Clodiam Catulus, Plautiam Tibullus, Hostiam Propertius, Iuliam Ovidius fictis nominibus Lesbæ, Delia, Cynthia, Corinna celebrarunt. Gallo spreto tandem Marcum Antonium secuta est, ut Seruius author est. Gallus certè dilectam sibi, & ab ea se spretum profitetur,

En dilecta mihi nimium formosa Lycoris

Cum qua mens eadem, res fuit una mihi:

Post multos, quibus indinisi viximus annos,

Respuit amplexus heu! stupefacta meos:

Iamque alios iuvenes, aliosque requirit amores,

Me vocat imbellem decrepitumque senem.

Fuit autem præter illa ingenij dona Gallus corpore formosus & robustus, venator, iaculator, luctator, cursor egregius, patiens caloris, algoris, vigiliæ, inedia, ut in reliquis elegiis ipse de se ait: potator item egregius,

ut testis est etiam ipse,

*Cessit & ipse pater Bacchus, stupuitque bibentem,
Et quicumque solet vincere, victus abit.*

Itaque his dotibus Octavio, licet ex infima familia, tam facile conciliatus, ad Aegypti praeturae euectus est, ut Suetonius in Octavio ait capite sexagesimo sexto: & id videtur Gallus ipse sentire,

*Missus ad eos legati munere functus,
Tranquillum cunctisnectere pacis opus.*

Vbi & pluribus versibus graecam puellam sibi adamatam describit: in ea vero praetura insolentius se gessit: nam praeterquam quod statuas sibi poni, & nomen suum pyramidibus inscribi iussit, ut Dion & Strabo testantur, inter pocula etiam quaedam in Augustum euomuit, ut Ovidius testatur secundo Tristium,

*Non fuit opprobrio celebrasse Lycorida Gallos
Sed linguam nimio non tenuisse mero.*

Itaque ut Suetonius ibidem ait, Velut res novas molientem, Octavius Senatui damnandum tradidit, eo & accusatorum denunciationibus, & Senatusconsultis ad necem compulsor: laudavit quidem pietatem tantopere pro se indignatum, ceterum & illachrymauit, & vicem suam conquestus est, quod sibi soli non liceret amicis, quatenus vellet, irasci: haec Suetonius. Ipse autem sibi mortem consciuit, ut Strabo, Dion, Marcellinus aiunt: & Ovidius his astipulatur tertio amorum elegia octava,

*Te quoque, si falsum est temerati crimen amici
Sanguinis atque animae prodige Galle tuae.*

Obiisse vero iam senem elegiae reliquae abunde testantur: Crinitus ait anno aetatis sexagesimo tertio. Sed enim viuum Virgilius sic amavit, ut non solum in hac ecloga laudaret, sed eclogas in eius laudes conluserit, & quarti Georgici medio ad finem usque Gallum tantum celebraret: Quem totum locum postea, iubente Augusto, in Aristae fabulam commutavit. Ergo hic est Cornelius Gallus, quem tam insigni poeticae laude Virgilius modo celebrat: tamen Quintilianus, libri deci-

mi capite primo duriorẽ Gallum in elegia putat fuisse: Sed tamẽ seu veritate seu amore & gratia per eũ recepti patrimonij ductus Virgilius, valde magnum poetam hic efficit, & ex variis adiunctis hanc laudem con-
 texit. *Permessi*] Helicon & Cytheron, mōtes sunt Bæotix seu Aoniæ, vnde Permessus & alij fluuij labuntur. Per Phæbum autem & musas significat doctos, & metonymia est. *Et Linus*] Continuatur eadem laus è ficto Lini testimonio, & de collatione Hesiodi tãquam similis. *Linus*] de hoc, ecloga quarta,

-*Lino formosus Apollo.*

Apio] Honos ipsi in Achaia fuit coronare victores facri certaminis Nemææ, Plinius libri deciminoni capite octauo. *Hos tibi*] Protopopæia musarum.

Calamos] Metonymia pro musica seu poetica, quæ calamis cantatur. *Ascræo*] Ascra, vicus Bæotix patria Hesiodi,

Ecce deas vidi, non quas præceptor arandi

Viderat, Ascræas cū sequeretur oues,

ait Ouidius sexto Fastorum: cuius mentio est Idyllio decimonono,

Ἄσκρα μὲν γὰρ ποιεῖσθαι πολὺ πλεον Ἡσιόδῳ.

Ascra quidem luxit multò plus Hesiodo.

Rigidas] Sic paulò antè,

-*Tum rigidas motare cacumina quercus.*

Ornos] Orni, syluestres sunt fraxini, paulò latioribus tamen foliis, quàm cæteræ fraxini, nec deteriore frondem quàm vlmī præstant, ait Columella libri primi de arboribus capite decimosexto, gallicum nomen non habet, ait Ruellius: montibus, autẽ poeta dixit, solum ornis genitale significans, de quo secundo Georgico sic:

Nascuntur steriles saxosis montibus orni.

His tibi] Optatio est ad huius laudis conclusionem. Gallus dicitur ortus à Grynæo monte Apollinis, vt propterea Apollo maximè diligit: Grynia vrbs Aetoliæ, hinc mons Gryneus ibi sacer Apollini. *Quid loquar*] Sequitur carmen de Scylla & Nyfi filia, & quæ Vlyssis

naues afflixit. Sic enim in quibusdā codicibus legitur :
aut Scyllam Nisi aut quam fama &c. Qua lectione de-
 fendetur Virgilius contra Seruium, quod aliam Scyl-
 lam proposuerit, aliā tractauerit. *Nisi*] Athenienses
 & Megarenses Androgeon Minois filium dolo necaue-
 runt : ad hanc ultionē cū Minos victis iam Atheniensi-
 bus Megarenses obsideret, & rex eorum Nisus tandiu
 regnaturus esset, quandiu purpuream comam habuif-
 set, Scylla eius filia, Minois amore capta, fatalem illam
 comam patri abscissam, Minoi obtulit. Postea tamen
 Scylla contempta, & Nisus extinctus, in aues sui no-
 minis cōuersi sunt. Nisus est Halieetus, qui falco noster
 nonnullis est; Scylla autem est alaunda, de quibus primo
 Georgico circa finem, & in Ciri Maronis opusculo, hac
 de re conscripto. Scylla autem altera Phorci filia fuit à
 Glauco amata, sed Circes, quæ se speretā dolebat, vene-
 ficis mutata est in illud monstrum, quod Aeneidos ter-
 tio describitur,

*At Scyllam cæcis cohibet spelunca latebris
 Ora exertantem, & naucis in saxa trahentem:
 Prima hominis facies, & pulchro pectore virgo
 Pube tenus: postrema immani corpore pistrinx,
 Delphinum caudas, vtero commissa luporum.*

Dulichias] Dulichium insula est in qua Itacus mons
 est, Vlyssis patria: Itaque Dulichias rates pro nauibus
 Vlyssis ait, per metonymiam. *Vexasse*] Anneus Cornu-
 tus & Seruius Virgilium hîc reprehendunt, velut humi-
 liore verbo vsum, & Tapinosim notant: at vterque vehe-
 menter errat: Nam qui fertur & rapitur, atque huc & il-
 luc distrahitur, propriè vexari dicitur: & verbis vexare
 & lacerare, quibus Virgilius hîc vtitur, Cato in oratione
 pro Achæis dixerat: Cūnque Annibal terrā Italiā lace-
 raret & vexaret: Vexatā Italiam dixit Cato ab Anniba-
 le, quoniam nullum calamitatis & sæuitiæ genus repe-
 riri queat, quod eo tempore Italia non perpessa sit. Gel-
 lius libri secundi capite sexto: Et Cicero in Verrem cū
 ait de Sicilia, Quæ ab illo spoliata & direpta est, vt non
 ab

ab hoste aliquo, qui tamen in bello & religionis & consuetudinis iura retineat, sed à barbaris prædonibus vexata esse videatur: In quẽ locum Asconius ait, hoc verbo, vexata, ingentis calamitatis vsum significari. Quare patet iam magnis exemplis & Cornutum & Seruium valde hinc lapsos esse. *Aut vt*] Octauum carmen de Tereo, qui Prognem Pandionis Atheniensium regis filiam uxorem habuit, & tamen Philomelam eius sorore violauit: ac ne facinus indicaret, ei linguam amputauit: at illa rem in veste, suo cruore descripsit. Quare Progne indignata Itym filium interemit, & Tereo apposuit epulandum: omnes sunt postea in aues sui nominis cõuersi: Tereus in vpupam, Itys in phasianum, Progne in hirundinem, Philomela in lusciniã: de quibus Ouidius Metamorphoseos libro sexto. *Quas, quæ, quo, quibus*] Polyptoton. *Omnia*] Collatione parium concluditur indutio tam multorum carminum: Denique omnia carmina cantauit, quæ Phœbus nouerat. *Eurotas*] Fluiuius Spartæ tauris refertus Apollini dicatis. Sic enim fuit ecloga tertia,

-Phœbo sua semper apud me

Munera sunt lauri.

et circa finem sequentis,

-Sua laurea Phœbo:

Et aureus ramus in vita Virgilij dictus iam est. Itaque laurus *μαυρικὸν φυτόν*, fatidica planta dicitur, & eam Hesiodo musæ gustandam tradiderunt: quia qui eam manderent, vates fierent. Sic apud Lycophronem vates dicitur *δαφνιφάρος*. Eustathius in græco *δάφνη* etymologiam statuit à *δα* intentionis particula & *φνή* quali *φωνή*.

Ad sydera] Talis iam metaphora fuit,

-Hinc vsque ad sydera notus.

Item, Ipsi lætitia voces ad sydera iactant Intonsi montes.

Numerumque referre] Sic ecloga tertia,

Bisque die numerant ambo pecus, alter et hædos.

Et inuito] Concluditur voluptas tanti carminis, mœstia discendentis olympi, & gaudio venientis Hesperis.

ECLOGA SEPTIMA,
Melibœus.

Corydon.

Thyrsis.

ME. **F**ortè sub arguta cōfederat ilice Daphnis,
Compulerântque greges Corydō, & Thyrsis in vnum:

Thyrsis oues, Corydon distētas lacte capellas:
Ambo florentes ætatibus, Arcades ambo,
Et cantare pares, & respondere parati. 5
Hîc mihi, dū teneras defēdo à frigore myrtos
Vir gregis ipse caper decerrauerat: atque ego
Daphnim

Aspicio: ille ubi me contrā videt, Ocyus,
inquit,

Huc ades ô Melibœe, caper tibi saluus, &
hœdi:

Et si quid cessare potes, requiesce sub vmbra. 10

Huc ipsi potum venient per prata iuueni:

Hîc viridis tenera prætexit arundine ripas

Mincius, eq̃ sacra resonāt examina quercu.

Quid facerem? neque ego Alcippē, nec Phyl
lida habebam,

Depulsos à lacte domi quæ clauderet agnos. 15

Et certamē erat Corydō cū Thryside, magnū:
Post habui tamen illorum mea seria ludo.

Alternis igitur contendere versibus ambo
Cœpēre: alternos musæ meminisse volebant.

Hos Corydō, illos referebat ī ordine Thyr sis. 20
Nymphæ noster amor, Lybethrides, aut mihi co.
carmen

Quale meo Codro, cōcedite (proxima Phœbi
Versibus ille facit) aut si nō possumus omnes,

Hic arguta sacra pendebit fistula pinu.
Pastores hedera crescentem ornatē Poëtā. TH. 25
Arcades, inuidia rumpantur vt ilia Codro.
Aut si vltra placitū laudarit, baccare frōtē
Cingite, ne vati noceat mala lingua futuro.
Setosi caput hoc apri tibi Delia paruus, co.
Et ramosa Mycon viuacis cornua cerui. 30

Si proprium hoc fuerit, leui de marmore tota
Puniceo stabis, suras euincta cothurno.
Sinum lactis, & hac te liba Priape quotānis TH.
Expectare sat est: custos es pauperis horti.
Nunc te, marmoreū pro tēpore fecim⁹: at tu, 35

Si foetura gregem suppleuerit, aureus esto.
Nerine Galatea thymo mihi dulcior Hyblæ, co.
Candidior cygnis, hedera formosior alba,
Cū primū pastī repetent præsēpia tauri,
Siqua tui Corydonis habet te cura, venito. 40

TH. Imò ego Sardois videar tibi amarior herbis,
 Horridior rusco, proiecta vilior alga,
 Si mihi nò hæc lux toto iam lōgior anno est.
 Ite domum pasti, si quis pudor, ite iuueni.

ES Muscosi fontes, & somno mollior herba, 45
 Et quæ vos rara viridis regit arbut⁹ vmbra,
 Solstitium pecori defendite: iam venit æstas
 Torrida, iam lato turgent in palmitè gēma.

TH. Hîc focus, et tædæ pingues, hîc plurim⁹ ignis 50
 Semper & assidua postes fuligine nigri,
 Hîc tantum Boreæ curamus frigora, quantum
 Aut numerum lupus, aut torrentia flumina
 ripas.

co. Stant & iuniperi, & castaneæ hirsutæ:
 Strata iacent passim sua quæque sub arboribus
 repoma:

Omnia nunc rident: at si formosus Alexis 55
 Montibus his abeat, videas et flumina sicca.

TH. Aret ager, vitio moriens sitit aëris herba:
 Liber pampineas inuidit collibus vmbas:
 Phyllidis aduētū nostræ nemus omne virebit:
 Iuppiter & lato descendet plurimus imbri. 60

co. Populus Alcideæ gratissima, vitis Iaccho,
 Formosæ myrtus Veneri, sua laurea Phæbo.
 Phyllis amat corylos: illas dū Phyllis amabit,
 Nec myrt⁹ vincet corylos, nec laurea Phæbi.

Fraxinus in sylvis pulcherrima, pinus in TH.
hortis, 65

Populus in fluuiis, abies in montibus altis.

Sæpius at si me Lycida formose reuifas.

Fraxinus in syluis cedit tibi, pinus in hortis.

Hæc memini, & victum frustra contende- ME.
re Thyrsim:

Ex illo Corydon, Corydon est tempore nobis. 70

IN SEPTIMAM ECLOGAM.



TERTIA & quinta ecloga musicum cer-
tamen habuerunt, quale rursus habet
septima: viginti primis versibus exor-
dium eius & præparatio continetur
in descriptione pastorum concertan-
tium, & loci ubi certamen editur: Imita-
tio est sexti Idyllij Theocriti: sed ali-

quot præterea loci aliunde sumuntur. *Arguta*] cano-
ra, stridula propter auium in ea sedentium concentus,
aut propter susurrum & sibilium è strepitu agitatorum
foliorum. Quod Ausonius poëta cecinit,

Est & arundineis modulatio musica ripis,

Atque arguta suis loquitur coma pinæ ventis,

Incubuit foliis quoties lenis Euris acutis.

Ilice] Idyllio septimo,

τὴ δ' ὑπὸ δρυσὶν, ἢ ὑπὸ πεύκαις,

Ἄδ' ὁ μάλιστ' ὁ μῦθος κατὰ κέκλισσ' ὄντι κομάτα.

Tu autem sub quercubus, vel sub piceis

Suauiter modulans reclinatus eras diuine Comata.

Compulerantque] Locus est è sexto Idyllio,

δαμοῖτας καὶ δάφνης ὁ βωκόλος εἰς οἷα χῶρον

τὰν ἀγέλαν ποτ' ἄρατε σὺν ἀγῶρον-

*Damoxas & Daphnis bubulcus in vnum locum
Gregem quondam Arate, congregarunt.*

21 *Thyrsis*] nomen pastoris in primo Idyllio. *Ambo*] Locus est ex octauo Idyllio,

ἄμφω τῷ γ' ἦτ' ἢ πυρὶ ὀτρύνω, ἄμφω ἀνέβρω,

ἄμφω σὺν ῥίον διδοκίμεν, ἄμφω ἀεὶ δέν.

Ambo erant flauicomi, ambo impubes,

Ambo fistula canere scientes, ambo cantare.

Locus est iterum consimilis Idyllio vicesimo septimo de Castore & Polluce,

ὦ ἄμφω θνατοῖσι βοηθοί, ὦ φίλοι, ἄμφω

ἰπῶ ἦες, κισσῶν αἰ, ἀεθλητῆρες, αἰοῖ δόι.

O ambo mortalibus auxiliatores, o amici, ambo

Equites, citharistae, pugnatore, cantores.

Arcades] Arcadia licet alioqui rudis, attamen musica praestitit. *Hic mihi*] Exponitur occasio carminis audiendi ex variis adiunctis personarum otiosarum: deinde locus multis adiunctis amoenus describitur.

Vir gregis] Idyllio octauo,

ὦ τράγε, τῶν λευκῶν αἰγῶν ἄνερ.

O hirce, albarum caprarum vir.

Caper autem pro hircio dicitur, vt secundo Georgico:

Nō aliā ob causam Baccho caper omnibus aris Ceditur.

Prætexit] Talis iam à textoribus metaphora locis duobus fuit,

- mollisque paras detexere iunco, secunda ecloga:

Item, *Et foliis lentas intexere mollibus hastas,*

fuit ecloga quinta. *Mincius*] sic tertio Georgico,

Et viridi in campo templum de marmore ponam

Propter aquam tardis ingens vbi flexibus errat

Mincius, & tenera prætexit arundine ripas.

Examina] Locus est dictus prima ecloga, ad illum locū,

Sæpe leui somnum suadebit inire susurro.

Quid facere] Addubitatio est hesitantis Melibœi, cuius partes ex adiunctis disputantur. *Alcippem*] nomen est ex Idyllio quinto. *Depulsos*] Sic antea idem verbum prima ecloga,

-quod sæpe solemus

Pastores, ouium teneros depellere factus.

Item tertia,

Dulce satis humor, depulsis arbutus hædis.

Corydon] Figuratum est pro Corydoni. *Posthabui]* Cōclusio addubitationis. *Alternis]* Declaratur apertius lex amœbæi carminis: ex coniugatis ratio est, sicut antea fuit ecloga tertia,

Alternis dicetis, amant alterna Camœnæ.

Fuerunt autem ecloga tertia bini versus alterni, quinta fuerunt viceniquini, hîc sunt quaterni. *Hos]* Sic ecloga tertia descriptus ordo,

Incipe Damoeta, tu deinde sequere Menalca.

Nymphæ] Inuocatio est, qua optatur arroganter poetica similis Phœbeæ, aut eius abiicietur studium: Nymphas autē, musas hîc appellat: & Varro triplices musas facit è sono aquæ, aëris, vocis: at quod veteribus græcis fuit nympha, id latinis est lympa, literæ vnus mutatione, quod aqua currendo musicos sonos efficiat: Vnde fuit illud ecloga quinta,

Saxosæ inter decurrunt flumina valles.

Lybethrides] Lybethrus fons Magnesiæ, musis sacer.

Codro] Pastoris cuiusdam egregiè cantantis nomen hîc fingitur. *Proxima]* Simile est, *Quale meo Codro:* & item nunc, *proxima Phœbi-Versibus ille facit.*

Pendebit] Emeriti suæ professionis arma deo suo suspēdebant: puellæ suas puppas Veneri.

Dicite pontifices, in templo quid facit aurum?

Nempe hoc quod Veneri donatæ à virgine puppæ,

ait Persius. Item

-Veianius armis

Herculis ad postem fixis latet abditus agro,

ait Epistola prima Horatius: & idem tertio carminum ode vicesima sexta,

Nunc arma, defunctumque bello

Barbiton hic paries habebit.

Sic Entellus victor & senex quinto Aeneidos:

-Hic victor castus artēque repono.

Sic Corydon iactat se fistulam suspensurum, & musicam abiecturū, nisi carmina, Phœbi carminibus similia cantauerit. *Sacra*] Cybelę magnę matri deorum, vt de quercu fuit paulo antè

-ēque sacra resonant examina quercu.

Sacra verò pinus Cybelę matri propter amasium Atym in eam mutatum, vt libro decimo Metamorphoseon,

Et succincta comas hirsutęque vertice pinus

Grata deū matri, si quid Cybelęus Atys

Exiit hac hominem truncōque induruit illo.

Pastores] Arrogantioris optationis disiunctio reponitur: Coronate me poētā, vt Codrus dirumpatur: aut si me inuitus laudet, defendite à maledicentia.

Hedera] Hedera poētę coronantur, quasi Libero sacri, & instar bacchantium infani, vt Horatius innuit,

-vt malè sanos

Ascribit Liber Satyris, Faunisque poētas.

vel quod semper virent hederę, & sic carmina aternitatem merentur, ait Seruius:

-atque hanc sine tempora circum

Inter victrices hederam tibi scripere lauros.

Rumpatur] Dirupatur, quomodo Cicero loquitur duodecimo epistolarū ad Cassium: Infinito fratris tui plausu dirumpitur. Item septimo ad Marium: Dirupi me penè in iudicio Galli. *Ilia*] Ille & Ilia & Ilium Ilibus declinatur, nec Marullus mimographus sequendus est, qui risui inferuiēs, dixit in gulosum, Hectorem imitans, ab Ilio nunquam recedis. Ilia autem sunt inter vesicam & aluum arterię ad pubem tendentes, ait Plinius libri vndecimi capite tricesimo septimo. *Baccare*] Fuit antè quarta ecloga,

Errantes hederas passim cum baccare tellus.

Baccar autem auxiliatur contra serpentes & capitis dolores, ait Plinius libri vicesimi primi capite decimono: & vt Virgilius hīc indicat, contra fascinum.

Setosē] ad optati carminis votum, offert Dianę Apollinis

linis forori venatoria munera suis adiunctis commen-
data, & maiora pollicetur. *Delia*] dea venationis, de
qua, ecloga tertia,

Notior ut non sit canibus iam Delia nostris.

Ramosa] Cerui soli animalium omnibus annis stato
veris tempore amittunt cornua: indicia quoque æta-
tis in illis gerunt, singulis annis adiiciētibz ramos, vs-
que ad sexennes: ab eo tempore similia existunt: nec po-
test ætas discerni, sed dentibus senectū declaratur: aut
enim paucos aut nullos habent: nec in cornibus imis
ramos. Non decidunt castratis cornua, nec nascuntur,
Ramosa porro cornua grandis cerui esse indicat, ut pri-
mo *Aeneidos*,

*Ductoresque ipsos primum capita alta gerentes
Cornibus arboreis.*

Viuacis] Vita ceruis in confesso longa, post centū an-
nos aliquibus captis cum torquibus aureis, quos Ale-
xāder magnus addiderat, ad opertis iam cute in magna
obesitate, *Plinius* libri octauī capite tricesimo secun-
do, & *Virgilius* in *Epigrammatis*, hac de re sic ait:

Ter binos deciesque nouem superexit in annos

Iusta senescentum quos implet vita virorum:

Hos nouies superat viuendo garrula cornix,

Et quater egreditur cornicis secula ceruus.

Qua descriptione, hominis vita esset annorum nona-
ginta sex, cornicis, octingentorum sexaginta quatuor:
cerui, trium millium quadringentorum quinquaginta
sex: quæ considerato. Hic autem *Seruius* mirificam fa-
bulam *Plinio* attribuit, quod cerui cum se grauatos
ætate cognouerint, serpentes requirant, & eos flatu ad
se tractos cum comederint, ad ætatem priorem reuer-
tantur. Hic igitur interpretes cum iudicio legendus est.

Suras] *Suræ* partes sunt posteriores crurum, quæ solis
hominibus insunt. *Cothurno*] hoc nomine significan-
tur calceamenta venatoria, quibus etiam crura vinciū-
tur, & utrique pedi æqualiter aptantur: Sic vsurpatur
primo *Aeneidos*,

*Virginibus Tyriis mos est gestare pharetram,
Purpureoque altè suras vincere cothurno.*

Sinum] Reponitur munerum liberalitas, partim minor, quia minori deo: partim par, partim etià amplior.

Sinum] Sinum vel sinus genus vasis est galeolæ formam habentis. *Liba*] Libū dulciarius cibus est ex farre, melle & oleo: Sic dictum, quia libando, id est, sacrificando adhibeatur: placentam Seruius interpretatur.

De Priapo deo, plurima sunt in priapeis, opusculo Maroni attributo. *Si factura*] Id est, si grex auctus fuerit.

Nerine] Inuitat amicam formæ commendatione è tribus minoribus. Nerine filia Nerci, de quo iam dictum,

-*Nerea ponto:*

Thymo] de quo iam dictū in illo versu, ecloga quinta,

Dúmque thymo pascentur apes-

ut eo largè florente prouentum sperent apiarij.

Hyblæ] de qua iam dictum ecloga prima,

Hyblæis apibus florem depasta salicti.

Dulcior thymo] Intellige apibus: nam hominibus non est dulcis: & sensus est, Galatea mihi dulcior est, quàm thymus hyblæis est apibus. Idyllio nono,

-ἔτε γὰρ ὕπνος,

ἔτ' ἔαρ ἐξαπίνης γλυκερώτερον, ἔτε μαλίσσας
ἀνθεα, ὅσων ἐμὴν Μῶσσι φίλοι.

-*Nec enim somnus,*

Neque verè repente dulcius, neque apibus

Flores, quantum mihi musæ amicæ.

Alba] Hedera differentias multas specie sortitur: summas autem genere tres: Nam quædam candida est, altera nigra, tertia helix: Candida fructum fert candidum, nigra, nigrum aut croci æmulum, quam vulgus Dionysiam vocat: Helix fructum non gignit, sed albas habet viticulas, & folia parua, angulosa, & concinniora: Dioscorides libri secundi capite centesimo septuagesimo secundo. *Qua*] Hic nominatiui casus est, & ideo corripitur. Ecloga autem sexta,

Si qua fortè ferant - fuit ablatiui & subaudiebatur

via

via. Immo] Reponitur maioris amoris argumentum ē triū minorū collatione, & tēpus amoris adesse indicatur. *Sardois*] casus græcus pro Sardiniis. Sardinia herba vescentibus mentem adimit, & quadam neruorum distentione labia in rictum contrahit, vt risus speciem præbeant: à qua affectione de Sardonio risu adagium in vulgus infausto omine manauit: Dioscoridēs libri sexti capite decimoquarto. Multa & varia colligit Erasmus in chiliadibus de hoc adagio. *Amarior*] Sapore tamen dulcis esse dicitur. *Rusco*] Ruscum aut ruscus virgultum vnde vites ligantur, auctore Virgilio in Georgico secundo;

-Nec non aspera rusci
Vimina per syluam.

Ex eo quondam: vt nunc, ruri scopæ fiebant: syluestris myrtus à Dioscoridē dicitur libri quarti capite centesimo vicesimo nono. *Alga*] herba marina in rupibus etiam nasci solita, foliis lactucæ similis: Idem Horatius ei tribuit secundo sermonum,

-nisi cum re vilior alga est.

Si mihi] Amoris vim exprimit, quam Horatius epistola prima,

Vt nox longa quibus mentitur amica:

Ite domum] Talis Epanodos est ecloga prima,

Ite meæ quondam fælix pecus, ite capellæ.

Et iterum decima,

Ite domum saturæ, venit Hesperus, ite capellæ.

Muscosi fontes] Optatur gregi lætum vmbraculum aduersus ardores æstatis, quæ suis adiūctis notatur: quomodo grauidarū equarum tertio Georgico describitur,

Salibus in vacuis pascant, & plena secundum

Flumina, muscus ubi & viridissima gramine ripa,

Speluncæque tegant & saxea procubet umbra.

Tale quiddam est illud octauī Idyllij

κράναι καὶ βοτάναι γλυκερόν φυτόν.

Fontes & herbæ dulcis planta.

Arbutus] de qua fuit ecloga tertia:

-depulsis arbutus hœdis.

Solstitium] Cùm sol ascendere definit, vt in primo gradu Cancrì, quod hodie fit vndecimo & duodecimo die Iunij. Id antea fuit, vicesimo quinto & vicesimo quarto Iunij: cùm autem descendere definit in primo gradu Capricorni, propriè bruma dicitur, & id fit vndecimo & duodecimo Decembris, quondam vicesimo tertio & vicesimo quinto. Causa tantæ varietatis est, è vitiosa anni definitione à Iulio Cæsare facta: minor enim facta est decem minutis & quadraginta quatuor secundis. Hic autem metonymia est, solstitium, pro summi solis æstu.

Torrída] Metonymia ex effectis significans causam: vt pallida mors. *Leto*] metonymia similis est.

Palmite] Palmes propriè dicitur in vitibus, vt in arboribus surculus, vbi pampini & vuae succrescunt.

Gemma] Metaphora est à lapillis pretiosis: necessitate autem rustici dicunt gemmam in vitibus. Quid enim diceret aliud? ait Quintilianus libri octavi capite sexto.

Hic focus] Reponitur de contrario frigore quod magno & assiduo igne refellatur: idque illustratur duorum patrium collatione. *Focus*] de quo sic Ovidius sexto Fastorum:

At focus à flammis, & quod fouet omnia, dictus.

Tæda] Tæda arbor est in Illyrico, redūdantior humore quàm reliquæ, parcior liquidiorque quàm picea, flammis & lumini sacrorum grata, ait Plinius libri decimi sexti capite decimo. Impropriè autem quæuis ligna tædas appellamus, quæ flamma olei vel picis illitu concepta, faculæ modo luceant. Idyllio vndecimo,

ἐστὶ δρυὸς ξύλα μοι, καὶ ὑπὸ σποδῶ ἀκάματον πῦρ.

Sunt quercus ligna mihi, & sub cinere scuerus ignis.

Tantum Boreæ] Locus est Theocriti nono Idyllio, vbi collatio quædam similis est, sed res diuersa:

τῷ δὲ θεῖεος φρύζοντος, ἐγὼ τόσον μελεσάινω,

ὅσον ἐρῶντι πατρὸς μύθων καὶ μητρὸς ἀκούειν.

Aestatem autem torrentem ego tantum curo,

Quantum amant patris verba & matris audire.

Torrentia] Torrens liquidem est fluuius è repētinis pluuiis

uiis factus, è montibus præcipitans in valles:

aut rapidus montano flumine torrens

Sternit agros, sternit sata lata, boùmque labores,

Secundo Aeneidos.

Stans] Amplificatur amor Alexidis hyperbolica dissimilium collatione. Quamuis omnia latissima sint, attamen discessu Alexidis etiam flumina siccaerentur.

Iuniperi] Iuniperus arbuscula in locis arenosis perpetua coma virens, vnde topiario operi idonea: cariosam senectam (vt Plinius libri decimiseptimi capite quadragesimo ait) non sentit. *Aret ager*] Reponitur contrariæ laudis amor, ex hyperbolico item dissimili: Quamuis omnia nunc mœstissima sint, attamen Phyllidis aduentu fient latissima. Argumentum his duobus alternis tale est Idyllio octauo,

πάντα ἔαρ, πάντα δὲ νομοὶ, πάντα δὲ γάλακτος

ὄνθεται πλήθυσιν, καὶ τὰ νέα τρέφεται·

ἐνθ' ἂν καὶ πᾶς ἐπιπίσσειται, αἰ δ' ἂν ἀφέρπη,

χ' ὡ ποιμᾶν ξηρὸς τλωθὶ χ' αἰ βοτάναι.

Omnino ver, omnino autem pascua, omnino lacte

Vbera turgent, & noua nutriuntur:

Quò pulchra puella aduenit: si autem abit

Et pastor aridus hinc & herbæ.

Iuppiter] Metonymia pro aëre qui concretus in pluuiam decidit: quarto Idyllio,

χ' ὡ Ζεὺς ἄλλοτε μὲν πέλας αἰθρίας ἄλλοτε δ' ὕψ.

Et Iupiter aliquando quidem est serenus, aliquando quidem pluit.

Populus] Amplificatur amor eiusdem Phyllidis hyperbolicis iterum dissimilibus quatuor: Quamuis arbores pleræque diis suis sint gratissimæ, attamen corylus amata Phyllidi, nihil eis cedit. protasis subiectis illustratur.

Populus] Populo coronatus Hercules ad inferos descendit, & pars foliorum quæ temporibus adhæserat, alba: quæ exterior fuerat, atra inferorum fuligine, nigra permansit: atqui hi colores adhuc in arboris huius foliis cernuntur. Physici referunt Herculem ad tempus, cu-

ius differentiae sint nox atra & illustris dies: hinc populus sacra Herculi, & in eius ludis & sacris coronati populeae corona sunt. *Alcidae*] Achilles dicitur Alcides ab avo Alcæo patre Amphitryonis, vel ἀλκῆ τοῦ ἀλκῆος, id est fortitudine. *Myrtus*] Veneri myrtus ideo sacra, quia plurima nascitur in litore maris, e cuius spuma nata fingitur Venus, vel quia muliebribus Venerearum partium morbis medetur. De quibus Plinius libri vicesimi quarti capite decimonono. *Laurea*] Id est laurus ipsa, metonymia est. de lauro iam fuit ecloga tertia,

*-sua semper apud me
Munera sunt lauri.*

Itémque sexta,

-iussitque ediscere lauros.

Fraxinus] Reponitur par ex eodem quatuor aliorum dissimilium genere. Quamvis arbores pleraque suo solo sint pulcherrimae: attamen illis pulchrior est Lycida. Protasis item suis subiectis illustratur: de quibus multa Plinius libri decimi sexti capite decimo octavo: ubi ait fraxinum aquosis montibus gaudere: populum montibus quidem, sed non nisi locis aquosis: abietem montibus & vallibus delectari. De quo secundo Georgico dicemus latius ad eum locum:

*Nec verò terræ ferre omnes omnia possunt:
Fluminibus salices, crassisque paludibus alni,
Nascuntur-*

Abies] Abietis pars inferior & enodis, sapinus: superior autem nodosa & durior, fusterna dicitur, ait Plinius libri decimi sexti capite tricesimo nono. Vitruvius libri secundi capite nono, non fusternam, sed fusternam partem illam nominat: vulgus tamen gallicum, totam arborem, sapinum dicit. *Hæc memini*] Concluditur ecloga narratione Melibœi, ut erat instituta.

Corydon Corydon] Epizeuxis est, ut fuerat ecloga secunda.

Eclo-

99
ECLOGA OCTAVA

Pharmaceutria.

Poëta.

Damon.

Alphesibæus.

PASTORÛ musam Damonis, et Alphesibæi,
 Immemor herbarû quos est mirata iuvenca
 Certanteis quorû stupefactæ carmine lynces,
 Et mutata suos requierunt flumina cursus,
 Damonis musam dicemus, & Alphesibæi. 5
 Tu mihi, seu magni superas iâ saxa Timæi,
 Siue orâ Illyrici legis æquoris, en erit vnquã
 Ille dies, mihi cûm liceat tua dicere facta?
 En erit, vt liceat totum mihi ferre per orbem
 Sola Sophocleo tua carmîa digna cothurno? 10
 A te principium, tibi desinet: accipe iussis
 Carmina cœpta tuis, atque hanc sine tempo-
 ra circum
 Inter victrices hederam tibi serpere lauros.
 Frigida vix cœlo noctis decesserat vmbra,
 Cû ros in tenera pecori gratissim⁹ herba est: 15
 Incumbens tereti Damon, sic cœpit, oliuæ.
 Nascere, præque diem veniens age Lucifer DA.
 alium:

Coniugis indigno Nisæ deceptus amore.

H ij

*Dum queror: & diuos (quanquam nil testi-
bus illis*

Profeci) extrema moriēs tamē alloquor hora. 20

Incipe Menalios mecum mea tibia versus.

*Menalus argutūmq; nemus, pinōsq; loquētes
Semper habet, semper pastorum ille audit
amores:*

Panāq; qui prim⁹ calamos non passus iertes.

Incipe Menalios mecum mea tibia versus. 25

Mopso Nisa datur: quid nō sperem⁹ amātes?

Iungentur iam gryphes equis, æuōque sequēti

Cū canibus timidi venient ad pocula Damae.

Mopse nouas incide faces, tibi ducitur vxor.

Sparge marite nuces, tibi deserit Hesperus 30

O Etam.

Incipe Menalios mecum mea tibia versus.

O digno cōiuncta viro, dum deſpicis omnes:

Dūq; tibi est odio mea fistula, dūmq; capellæ,

Hirsutūmq; supercilium, prolixāq; barba:

Nec curare deum credis mortalia quenquā. 35

Incipe Menalios mecum mea tibia versus.

Sepibus in nostris paruam te roscida mala

(Dux ego vestler erā) vidi cum matre legētē:

Alter ab vndecimo tū me iā ceperat annus:

Iam fragiles poterā à terra cōtingere ramos: 40

Vt vidi, vt perij, vt me malus abstulit error,

*Incipe Manalios mecum mea tibia versus.
Nunc scio, quid sit amor: duris in cotib⁹ illū
Ismarus, aut Rhodope, aut extremi Gara-
mantes,*

¶ Nec nostri generis puerū, nec sanguinis edūt. 45

Incipe Manalios mecum mea tibia versus.

*Sæuus amor docuit natorum sanguine matrē
Cōmaculare manus: crudelis tu quoq; mater,
Crudelis mater magis, an puer improbus ille?
Improb⁹ ille puer: crudelis tu quoque mater: 50*

¶ Incipe Manalios mecum mea tibia versus.

*Nūc & oues vltro fugiat lupo: aurea duræ
Mala ferant quercus. narcisso floreat alnus:
Pinguia corticibus sudent electra myricæ.
Certent et cygnis vlulæ: sit Tityrus Orpheus: 55
Orpheus in syluis, inter delphinas Arion.*

Incipe Manalios mecum mea tibia versus.

Omnia vel medium fiāt mare: viuite syluæ.

¶ Præcep̃ aëry specula de montis in vndas

Deferar: extremū hoc mun⁹ moriētis habeto. 60

Desine Manalios, iam desine tibia versus.

Hæc Damō: vos quæ respōderit Alpheſibœ,

Dicite Pierides: Nō. omnia possumus omnes.

Effer aquā, & molli cinge hæc altaria vitta: AL.

Verbenāsq; adole pingues, & mascula thurā, 65

Coniungis vt magicis sanos auertere sacris

*Experiar sensus: nihil hîc nisi carmina desunt.
Ducite ab Vrbe domum mea carmina, duci-
te Daphnim.*

*Carmina vel cœlo possunt deducere lunam:
Carminibus Circe socios mutauit Vlyssi: 70
Frigidus in pratis cantando rûpitur anguis.
Ducite ab Vrbe domum mea carmina du-
cite Daphnim.*

*Terra tibi hæc primû triplici diuersa colore
Licia circundo, tērque hæc altaria circum
Effigiem duco: Numero deus impare gaudet. 75
Ducite ab Vrbe domum mea carmina, duci-
te Daphnim.*

*Necte tribus nodis ternos Amarylli colores,
Necte Amarylli modò, & Veneris, dic, vin-
cula necto.*

*Ducite ab Vrbe domum mea carmina, duci-
te Daphnim.*

*Lim' vt hîc durefcit, et hæc vt cera liquefcit 80
Vno eodēq̃ue igni, sic nostro Daphnis amore,
Spargemolam, & fragiles incende bitumi-
ne lauros.*

*Daphnis me malus vrit: ego hanc in Daph-
nide laurum.*

*Ducite ab Vrbe domum mea carmina, duci-
te Daphnim.*

Talis amor Daphnim, qualis, cū fessa iuvenē 85
 Per nemora, atq; altos quærendo bucula lucos
 Propter aquæ riuum viridi procūbit in vluā
 Perdita, nec seræ meminit decedere nocti:

Talis amor teneat nec sit mihi cura mederi.
 Ducite ab vrbe domum mea carmina, du- 90
 cite Daphnim.

Has olim exuius mihi perfidus ille reliquit,
 Pignora chara sui: quæ nūc ego limine in ipso
 Terra tibi mado: debēt hæc pignora Daphni.
 Ducite ab vrbe domum mea carmina, duci-
 te Daphnim.

Has herbas, atq; hæc Pōto mihi lecta vene- 95
 Ipse dedit Mœris, nascūtur plurima Pōto. (na
 His ego sæpè lupum fieri, & se cōdere syluis
 Mœrim, sæpè animas imis excire sepulchris,
 Atque satas alio vidi traducere messes.

Ducite ab vrbe domum mea carmina, duci- 100
 te Daphnim.

Fer cineres Amarylli foras, riuoque fluenti,
 Trānsque caput iace, nere spexeris: his ego
 Daphnim:

Aggrediar: nihil ille deos, nil carmina curat.
 Ducite ab vrbe domum mea carmina, duci-
 te Daphnim.

Aspice, corripuit tremulis altaria flammis 105

Spōte sua, dū ferre moror, cinis ipse: bonū sit:
Nescio quid certè est, & Hylax in limine
latrar:

Credim⁹: an qui amāt, ipsi sibi somnia fingūt?
Parcite, ab vrbe venit, iam parcite carmi-
na, Daphnis.

IN OCTAVAM ECLOGAM.



OCTAVA ecloga continet querimoniam
amatoris de amica Nisē alteri nupta: &
veneficæ Daphnidem amasium ab vrbe
carminibus reuocantis. Prior pars can-
tatur à Damone, posterior ab Alphesi-
bæo. Ecloga autem hæc sola doctrinæ
methodum habet: sola enim rem proponit, partitur, par-
tisque transitionibus annectit. Titulus eclogæ è secun-
da parte sumptus est: φάρμακον, venenum, remedium di-
citur: sic φαρμακένω seu φαρμακένομαι, veneno inficio, me-
deor: & φαρμακὺς, veneficus, incantator, & φαρμακέν-
της, venefica, saga: Qui titulus est secundi Idyllij apud
Theocritum, vnde hæc mutuatus est Virgilius.

Pastorum] Sexdecim primi versus exordium continēt,
vbi res primū ad intelligentiam proponitur, & auge-
tur adiunctis ad attentionem. **Lynce]** Quid lynce
Bacchi variæ, erit tertio Georgico: Item,

maculose tegmine lynce,

erit Aeneidos primo. **Damonis]** Tres superiores ver-
sus parenthesi includuntur, hic propositionis inchoatæ
sententia verbis repetitis absoluitur. **Tu]** Tertius exor-
dij locus ad Augusti gratiam, cuius res gestas describe-
re cupiat. **Timau]** Timauus Venetiæ fluius, de quo
primo Aeneidos,

Regna Liburnorum & fontem superasse Timau.

Illyrici]

Illyria] Illyria hodie Sclauonia dicitur: Augustus autē bellum Dalmaticum gessit Antonio deuicto: Itaque tēpus illud nōdum hīc intelligi potest, & Pannonica Germanicāque bella per legatos gessit: Ita tamē vt quibusdam interueniret aut non lōgē abesset: Rauennam, vel Mediolanum vel Aquileam vsque progrediēs, ait Suetonius in Augusto, capite vicesimo: quorum tamen nihil videtur hīc accipi posse: simile est *Idyllio primo*,

ὦ πᾶν πᾶν, εἴ τ' ἐσσι κατ' ὄρηα μακρὰ Λυκαίου,
εἴ τε τύγ' ἀμφιπολεῖς μέγα Μαιναλὸν ἐνθ' ἐπὶ νᾶσον
τὰν Σικελίαν.

O Pan Pan siue es iuxta montes *Lycai*,

Siue tu circuis magnū *Menalum*, veni in insulam *Siculā*.

Sophocleo] *Sophocles* tragicus poēta centum viginti tres fabulas edidit, victorias viginti tres retulit, ait *Suidas*. Grauitas eius & cothurnus & sonus tragicus celebratur à *Quintiliano* libri decimi capite primo. *Cothurnus* (de quo ecloga superiore) assumebatur tragicædis: ideo per metonymiam pro sublimitate capitur. Sic *Horatius* in arte,

Archilochum proprio rabies armauit Iambo,

Hunc focci cepere pedem grandæsq; cothurni.

A te] Pollicetur omnibus operibus se laudes Augusti complexurum. Sic *Homerus*:

ὦ σοὶ μὲν λήξω καὶ ἄρξομαι

Et *Horatius* primā epistola,

Prima dicte mihi, summa dicende *Camæna*.

Frigida] Chronologia qua nocturnæ amatoris vigiliæ indicantur. *Incumbens*] Locus breuiter indicatur, vbi *Damon* cōquestus est. Sic ecloga prima, fagus *Tityro*: secunda fagi, montes, & syluæ *Corydoni*: tertia mollis herba *Damocetæ* & *Menalcæ* & *Palæmoni*: quinta mistæ corylis, vlni & antrum, vt sexta: septima autem *ilex* arguta proponitur. *Cum ros*] Idem versus iteratur tertio *Georgico*,

Et ros in tenera pecori gratissimus herba.

Nastere] Adhuc exordium fuit: querimonia *Damonis*

sequitur, ubi primum dies optatur, & summa querimoniam proponitur. *Testibus*] Quibus Nisa mihi matrimonium iurauerat. Repetitur è Ciri,

*Suppressite, ô paulum turbati flumina venti
Dum quæror & diuos, quanquam nil testibus illis
Profeci, extrema moriens tamen alloquor hora.*

Lucifer] Mane phosphorus cum solem præcedit: vesperi Hesperus dicitur, cum solem sequitur.

Incipe] Mænalios id est arcadicos versus implorat: Ratio ex coniugatis est, per varia adiuncta amplificatis, quia pastores Mænalij & Arcades præclare canunt, ut antea iam ecloga quarta proposuimus: Mænalios pro arcadicos synecdoche est speciei pro genere: & arcadicos pro valde musicos est metonymia. Hæc igitur duorum troporum metalepsis hinc capienda est.

Mænalios] Mænalus est mons Arcadiæ, Pani musicæ deo sacer: ut hinc etiam indicatur. *Incipe Mænalios*] Hic versus sæpius in tota querimonia repetitur, & idem intercalaris appellatur: quia intercaletur id est interponatur: imitatio est Theocriti: In primo enim & secundo Idyllio tales sunt versus, in primo,

*Ἄρχετε βοῦκοι καὶ μῶσαι φίλοι, ἄρχτε ἀειδῶς.
Incipite bucolicum musæ amica incipite cantum.*
Et *Ἰνγξ, ἔλκε τὸ τῆνον ἐμὸν ποτὶ δῶμα τὸν ἀνδρα.
Iynx trabe tu illum meam ad domum virum.*

Item,

*Φράζει ὁ μὲν τὸν ἔρωθ' ὅθεν ἵκετο πότνα Σελάνα.
Dic meum amorcm unde venit veneranda luna,*

Item Idyllio decimonono,

*Ἄρχετε σικελικὰ τῷ πένθειος, ἄρχτε μῶσαι,
Incipite Sicula luctum incipite musæ,*

Ab interprete Theocriti, *πρόσμα καὶ ἐπιμαλώδημα,* Præsentio, & assiduus versus. *Pinosque loquentes*] Sic Idyllio primo,

Λ' πίτυς μιλίσσεται,

*Pinus canit, propter frondium susurrum, ventorum
flatu*

flatu excitatum, ut iam patuit ecloga septima de arguta ilice. *Semper semper*] In principiis sententiarum est anaphora. *Primus calamos*] Sic ecloga secunda,

Pan primus calamos cera coniungere plures

Instituit-

Mopse] Quæstio est querimoniæ subiecta, quæ duobus paribus exaggeratur, quibus aliena & contra naturam matrimonij huius coniunctio significatur.

Gryphes] Gryphi aut gryphes omni parte leones sunt, alis & facie aquilis similes, equis vehementer infesti, Apollini sacri, ait Seruius. Plinius autem putat, ut pegafos, sic gryphes fabulosas aves esse, libri decimi capite quadagesimo nono, sicut easdem fabulose dici Scythici auri custodes, libri septimi capite secundo.

Mopse] Apostrophe ad Mopsam, qua matrimonium suis adiunctis illustratur, facibus, nucibus, nocte: Seruius lenonem Mopsam non virum putat describi, qui deformis formosam duxerat. *Damæ*] Sunt è genere sylvestrii caprarum: Horatius primo carminum extulit fœminino genere,

Et superiecto pauida natarunt

Aequore damæ.

Sosipater Carisius hîc solæcismû notauit. *Faces*] Fax fustis incisus cera vel oleo vnctus ad lumen faciendum, fitque præcipuè ex arundinibus aridis & piceis arboribus. Faces autem in nuptiis quinque præferebantur, quia olim non nisi per noctem ducebantur: nec limen sponsæ calcabant, ne deponendæ virginitatis initium à sacrilegio inchoarent: quia lumen est sacrum Vestæ.

Nuces] Nuces iuglandes nuptialium fescenninorum comites, quibus honor naturæ peculiaris, gemino protectæ operimêto: puluinati primùm calicis, mox lignei putaminis, quæ caussa eas nuptiis religiosas fecerit tot modis fœtu minuto: quod verisimilius quàm quia cadendo tripudium sonumque faciant, Plinius libri decimi quinti capite vicesimo secundo. *Octam*] Montem Thessaliæ tam altum, ut ibi stellæ videantur occidere, si-

cut ex Ida videntur oriri, vt est secundo Aeneidos,

Idmque iugis summa surgbat Lucifer Idae.

O digno] Irridetur Nisa velut miserè nupta, & miserè
caussa in eius fastum periuriùmque refertur: Ironia igitur
est. *Hirsutum*] Locus est vndecimo Idyllio cõsimilis:

ἔνεκά μοι λαοία μὲν ὄφρ' ἐπὶ παντὶ μετώπῳ.

Quoniam mihi quidem hirsutum supercilium in fronte:

Quiddam etiam huius est loci Idyllio tertio,

ἢ ῥ' ἂν γέ τοι σιμὸς χεταφαίνομαι ἐγλύθεν ἡμῶν

Νύμφα, καὶ προγένεος:

An tibi simus videor prope esse

Nympha & barbatus?

Sepibus] Querimonia fuit adhuc de Mopso & Nisa,
nunc est de Damonis errore, vbi periphrasis est iuueni-
lis ætatis, qua in amorem Nisæ primum incidit,

Roscida] Sic ecloga quarta fuit,

Et duræ quercus sudabunt roscida mella.

Dux] Locus est ex Idyllio vndecimo,

ἡράσθην μὲν ἐγὼ γὰρ κόρα τέν, ἀνίκα πρώτῃν

ἦνθες ἐμᾶ σὺν ματρὶ, θέλοισ' ὑακίνθιναν φύλλα

ἔξ ὄρεος ἀρέψασθαι· ἐγὼ δ' ὁδὸν ἤμεμονενον.

Amaui ego quidem puella te, quando primum

Venisti mea cum matre, volens hyacinthina folia

E monte decerpere: ego autem viam praibam.

Vt vidi] Idyllio secundo est,

χ' ὥς ἴδον, ὥς ἐμάνην, ὥς μιν περὶ θυμὸς ἴαφθ' ἀφλαίαις.

Vt vidi, vt perij, vt ob animus lapsus est Misera.

Quod idem tertio Idyllio repetitur,

ὥς ἴδον, ὥς ἐμάνην, ὥς ἐς βαθὺν ἄλυσ' ἔρωτα,

Vt vidit, vt periit, vt in profundū saltauit amorem.

Abstulit error] ex Idyllio est secundo, paulò pòst illum
superiorem locum,

-ἀλλὰ μέ τις καπνὴρὰ νόσος ἐξαλάπαξε.

Sed me quidam igneus morbus consumpsit.

Repetitum è Ciri, -vultu decepta puella

Vt vidi, vt perij, vt me malus abstulit error.

Nunc scio] Quartus querimoniæ locus in amorē, qui
primum

primū ē procreantibus caussis accusatur. Locus autem ē tertio Idyllio,

Νῦν ἔγνω τὸν ἔρωτα· βαρὺς θεὸς, ἦρα λεαίνες
μασδὼν ἐθήλαζε, δρυμῶ τέ μιν ἔτρεφε μάτηρ,
*Nunc cognoui. Amorem: gravis deus, certē leaenae
Mamma suxit, nemorēque ipsum nutriuit mater.*

Item Idyllio vicesimo octauo,

κ' ἔκ ἤδη τὸν ἔρωτα, τίς ἴω θεὸς, ἡλίχε ρόεα
χερσὶ κρατεῖ, πῶς πικρὰ βέλη ποτὶ παιδίᾳ βάλλει.
*Neque sciebat Amorem quis erat deus, quantos arcus
Manibus tenet, quomodo amaras sagittas ad pueros iacit.*

Ismarus] *Bembus* legit *Tmarus*, quia *Ismarus* mons est hospitalis & cultus in Thracia: at de inculto loquitur hīc Virgilius, & duris cotibus horrido: qualis est in Epiro *Tmarus* seu *Tomarus*. Potest tamen ad mores referri locus: *Icones* enim *Ismarū* habitarunt, gens immanis & inhospitalis: & ecloga sexta sunt cōiuncta *Ismarus* & *Rhodope*. *Extremi*] Sunt enim *Garamantes* ultra *Getulos* in Africa. Et sexto *Aeneidos*,

ultra *Garamantas* & *Indos*

pro remotissimis populis est dictū. *Nec nostri*] Illustratio ex dissimili. *Sæuus*] Altera reprehensio amoris ex effectis crudelibus: vbi parium collatio quēdā est Cupidinis & *Medeæ*. *Matrē*] Quis ignorat *Medeā* ab *Iasone* cōtēptā suos liberos interemisse? *Crudelis*] Apostrophe ad *Medeā*, vbi & polyptotō (*matrē* & *mater*). *Crudelis mater*] Species est addubitationis, & primò anaphora.

Puer improbus] Periphrasis est Cupidinis. *Improbis ille puer*] Anadiplosis. *Crudelis*] Epanalepsis totius orationis: mira autē est *Seruij* hoc loco Logica: Non est, ait, superflua hæc verborum repetitio, nam syllogismus est plenus, qui cōstat ex propositione, assumptione & cōclusionē. At hic grāmaticus melius aliquid quā sciret, explicare voluit: Syllogismus hīc nullus est, sed eiusdē rei quaestio & respōsio sine argumento & ratione. *Nūc & oues*] Exaggeratur septē paribus hyperbolicis huius matrimonij indignitas, qui locus prius attingitur,

Iungentur iam gryphes equis.

Lupus] Dissimile fuit ecloga quinta,
Nec lupus insidias pecori.

Mala] Dissimile fuit ecloga quarta,
Et durae quercus sudabunt roscida mella.

Narcisso] De hoc ecloga secundā,
Narcissum et florem iungit beneolentis anethi.

Electra] Electrum latinis est succinum: Ambra vulgò dicitur, de cuius origine, & genitali solo, multa Plinius libri vicefimi septimi capite secundo & tertio, ubi docet in insulis Septentrionalis Oceani nasci: quod nostro tempore adeo notum est, ut topographicis Septentrionis tabulis piscantes succinum videantur. Recitat autem locis illis Plinius infinitos errores hac de re. *Vlula*] *Vlula* avis est nocturna ἀπὸ τῆ ὀλολύζου, ab eiulando.

Orpheus] In fine & principio Anadiplosis, ut ecloga 6.
superuenit Aegle

Aegle Naiadum pulcherrima.

Et paulò antè,
improbus ille,

Improbus ille puer,

Arion] Fabulam recitat ex Herodoto Gellius libri decimi sexti capite decimonono, quomodo citharædus Methymneus é Lesbò primū à Periádro rege Corinthio honoratus fuerat, tū in Siciliā & Italiā profectus, & magna gratia pecuniáque auctus cū redire pararet Corinthum, sit ab auaris nautis coactus in mare proflire: à quibus tamen prius impetrauit indumenta, & fides, & canendi carminis potestatem, veluti mortis consolationem. Itaque tum de more cinctum, amictum, ornatum carmen orthiū cecinisse voce contētissima, tandēque in profundum ex alta puppi defiliisse, sed à Delphino exceptum, & dorso ad litus incolumem euectum: Comparatio rerum impossibiliū sumpta est ex Idyllio primo,

νῦν ἴα μὲν φορέοιτε βράτοι, φορέοιτε δ' ἄχανζαι·

ἀ' δὲ καλὰ νάρκισσος, ἐπ' ἀρκεύθοισι κομάσαι·

πάντα δ' ἐναλλα γένοιντο, καὶ ἅ πίτυς ὄχλας ἐνείκαι·

δάφνη

Δάφνις ἐπεὶ θανάσκῃ καὶ τὰς κύνας ὦ λαφρος ἔλκοι·
κ' ἄξ' ὀρέων τοὶ σκῶπες ἀηδοῖσι γαρεύωντο.

*Nunc violas ferte quidem rubi, ferte autem spinas,
Pulchra autem narcissus in iuniperis germinet,
Omnia autem mutata fiant, et pinus pira ferat,
Daphnis quando moritur: et canes cernuus trahat,
Et ex montibus bubones lusciniis garriant.*

Et Idyllio quinto,

-ὧς ποτ' Ἀθαναΐαν ἔριν ἤρισεν

Sus cum Minerva contentionem contendit.

Et ibid. ὁ θεμῶν λακῶν ποτ' ἀηδόνα κίεας ἐρίσθεν
ἔδ' ἐποπας κύκνοισι.

*Non licitum Lacon cum luscinia picas contendere
Neque vrypas cum cygnis.*

Tales sunt comparationes in Lucretio libro tertio,

*Non ita certandi cupidus quàm propter amorem,
Quòd te imitari aucto: quid enim contendat hirundo
Cygnis? aut quidnam tremulis facere artibus hædi,
Consimile in cursu possint ac fortis equi vis?*

Omnia vel] Optat omnes terras maris fluctibus operiri, ut submergatur: qualis ferè optatio est Aeneidos 4.

Sed mihi vel tellus optem prius ima dehiscat.

Sylva] Bucolicum solum persæpe iam in hoc verbo vidimus. Viuite] Tale igitur ecloga prima,

Ite mææ quondam-

Ærÿ] Sic antea ecloga prima,

Nec gemere æria cessabit turtur ab ulmo.

Et 3. -Nanque notavi

Ipse locum, æria quo congesse palumbes.

Specula] Specula locus est altus, unde potest eminus spectari. Multò antè, tanquam è specula, prospexi tempestatem futuram, ait ad Seruium Cicero quarto epistolarum. Similis autem locus est Idyllio tertio,

τὰν βράταν ἀποδὺς, εἰς κύματα τλιῶν ἀλεῦμαι.

Vestem exuens in fluctus illos profiliam.

Et item quinto Idyllio:

-ἢ κατὰ τλιῶας

P. RAMI PRAELECT.

τῆς πέτρας ὡς ἄνθρωπος, μανεύς εἰς κρᾶθιν ἀλοΐμαν.
-aut ab illa

Petra, ὁ homo furens, in Crathin profiliam.

Habeto] Apostrophe ad Nisam, in cuius invidiam moriatur. Tertio Idyllio,

κείσεύμαι δὲ πεσών, καὶ τοὶ λύκοι ὧδε μ' ἔδοντι,
ὥς μέλι τοὶ γλυκὺ τοῦτο κατὰ βρόχθοιο γένοιτο.

Iacebo autem cadens & lupi hic me edent,

Tanquam mel tibi dulce hoc in gutture fiet.

Desine] Significatur querimonię conclusio, ut antea fuit ecloga tertia,

Claudite iam riuos pueri, sat prata biberunt.

Hęc Damon] Methodica transitio, qua memoria præteriti carminis reficitur, & proponitur intelligentia futuri. Dicite] Inuocatione indicat tantum esse carmen ut à numinibus debeat exponi. Dicite Pierides] Sic ecloga sexta fuit,

Pergite Pierides-

Non omnia] Sic ecloga septima fuit,

-aut si non possumus omnes.

Effer] Carmen est deinceps Alphesibœi, quo venefica suis incantamentis alienatū à se amasium reuocare nititur: Incantationis causssæ effectrices multę describuntur, primū altare, vittæ, aqua, verbenæ, thura: qualia quidem in Theocriti Idyllio secundo sunt,

παῖ μοι τὰὶ δάφναι, φέρε θέστυλι, παῖ δὲ τὰ φίλτρα
σεῖτον τὰν καλέβαν φοινικέω διὸς ἁώτῳ.

Vbi mihi lauri, dic Thestylis, vbi philtrea?

Coronato poculum purpureo ouis flore.

Effer aquam] Idyllio decimo quinto,

ἔγχεῖ ὕδωρ δυσάνε.

Infunde aquam infelix.

Illotis verò manibus attrectare sacra nefas erat: Aeneas ideo cruentus, Anchisæ patri sacra capienda proponit secundo Aeneidos,

Tu genitor cape sacra manu, patriosque penates,

Me bello à tanto digressum & cade recenti

Attrectare

Attrectare nefas, donec me flumine viuo

Ablucro.

Verbenâsque] Nulla herba Romanæ nobilitatis plus habet quâ Hierobotane, aliqui peristereō, nostri verbenacâ vocât: auctores imperij Romani cōditorēsque immensum quiddam & hinc sumpserē, quoniam non aliūde sagmina in remediis publicis fucere & in sacris legationibus quâm verbenæ: certè vtroque nomine idem significatur, hoc est gramen ex arce cum sua terra euulsum: hac semper & legati cū ad hostes clarigatūque mitterentur, id est res captas clarè repetitum, vnus vtiq; verbenarius vocabatur. Hac Iouis mensa verritur, domus purgantur lustranturque: hac sortiuntur Galli & præcūnt responsa, sed magi vtiq; circa hanc herbam insaniunt. Hac perunctos impetrare quod velint, febres abigere, amicitias conciliare, nullique non morbo mederi: aiuntq; si aqua spargatur triclinium, quâ maduerit, lectiores conuictus fieri, aduersus serpentes conteritur ex vino. Hæc Plinius libri vicesimi secundi capite secundo & libri vicesimi quinti capite nono.

Adole] Proprie est auge, & hîc κατ' ἐνφημισσµὸν pro incende dicitur. *Mascula*] Thus quod rotunditate guttæ pepēdit, masculum vocatur, cū aliàs non ferē mas vocetur, vbi non sit fœmina. Religioni tributum nē sexus alter vsurparetur, tamen aliqui putant à specie testium dictum. Plinius libri duodecimi capite decimo quarto.

Coniugis] Finis est incantationis. *Sanos*] non amantes, nam infāni sunt amantes, vt Aeneidos quarto,

Cū sic vnanimem alloquitur malè sana sororem.

Nihil] Indicat omnes incantationis causas adesse magis verbis exceptis. *Ducite*] Hoc item ἐπιµαλώδηµα vīcem conclusionis habet, & illud est nimirū Theocriti:

Ἰνυξ, ἔλκε τὸ τῶν ἐµὸν ποτὶ δῶµα τὸν ἄνδρα.

quod iam posuimus, & hîc est Epanodos vt antea.

Carmina vel] Collatio est trium maiorum: carminibus euocatur luna, homo transformatur, serpens rumpitur: eo ergo Daphnis reuocari poterit. *Carmina carmini-*

bis] Polyptoton. Circe] de qua Aeneidos septimo,
*Hinc exaudiri gemitus iræque leonum
 Vincla recusantum, & fera sub nocte rudentum:
 Setigerique fues, atque in præsepibus vrsi
 Scuire, ac formæ magnorum vlulare luporum:
 Quos hominum ex facie dea sæua potentibus herbis
 Induerat Circe, in vultus ac terga ferarum.*

Et ibidem,

*Picus equum domitor, quem capta cupidine coniux
 Aurea percussum virga, versumque veneno
 Fecit auem Circe, sparsitque coloribus alas.*

Frigidus] Sic ecloga tertia,

Frigidus, ô pueri fugite hinc, latet anguis in herba.

Terna] Aliæ causæ efficientes, vbi Syllogismus quidam est,

Numerus impar deo gratus est:

*At hic in ternis licii triplicis coloris, effigie amatoris ter
 circumducta, numerus est impar.*

Deo itaque gratus.

Talis ternarius in Idyllio secundo,

ὅς τις ἀποαρένδω, καὶ τις τὰ δὲ πότνια φωνῶ.

Ad ter libo, & ter hæc venerabilis vociferor.

Locus autem est repetitus è Ciri,

Térque nouena ligat, triplici diuersa colore

Fila: ter in gremium mecum, inquit, despuë virgo:

Despuë ter virgo; numero deus impare gaudet.

Pythagorei verò rem omnem ac naturâ trinitate perficiebant, vt Aristoteles docet libri primi capite primo de cœlo. Impare] Metri causâ: nam impari dicendum fuit. de vi numerorum quæ passim memorantur ea videntur à Pythagoreis profluxisse, qui res omnes censebant esse numerorum *μῆκος καὶ ὁμοιώματα*, imitationes & similitudines: & numerum esse *τὸ ὄντως ἀπάντων*, essentiam vniuersorum: quod Aristoteles in philosophia libri decimi quarti capite quinto meritò derisit, & Galenus in libris criticis. Necte] Ad superioris assumptionis rationem, alij rursus ternarij proponuntur.

Tribus

Tribus ternos] Paronomasia est. *Necte Amarylli*] *Anaphora* est. *Modo*] *Quidam* codices habent *Nodos*, sed *Modo*, rectius est, & (*Nodos*) primam habet longam.

Veneris vincula neceto] *Anapæsticus* est trimeter hypercatalecticus *Veneri* consecratus: Simile illud est non-nihil in secundo *Idyllio*:

πάσ' ἄμα καὶ λέγε τᾶντα, τὰ δέλφιδος θεῖα πάσσω.

Sparge simul et dic hæc, Delphidis ossa spargo.

qui rursus est in eodem *Idyllio*,

καὶ λέγ' ἐπιθύροισα, τὰ δέλφιδος θεῖα πάσσω.

Et dic susurrans, hæc Delphidis ossa spargo.

Limus ut] *Duarum* imaginum similitudine optat *Daphnidem* durefcere mulieribus aliis, sibi liquefcere.

Limus] *Metonymia* est pro lutea statua, & ex limo facta. Simile est in secundo *Idyllio*:

ὥς τοῦτον ὃν κερὸν ἐγὼ σὺν δάιμονι τάκω,

ὥς τάκοιθ' ὑπ' ἔρωτος ὁ μύνητος αὐτίκα δέλφιδος.

Ut hanc ceram ego cum deo liquefacio:

Sic liquefcatur amore Myndius statim Delphis.

Sparge molam] *Causæ* sunt aliæ incantationis adiutrices, ubi & par adhibetur. *Idyllio* secundo tale est,

ἄλφιδά τοι πρῶτον πυρὶ τάκεται, ἀλλ' ἐπίπασσε

θεῖον διδάσσει.

Farina primum igne liquefcunt, sed disperge

Thestylis misera.

Molam] *Mola* far est tostū & sale cōsperfum, quod eo molito hostiæ aspergātur, ait *Festus*. *Bitumine*] *Fulmina* & fulgura sulphuris quoque odorē habent, ac lux ipsa eorū sulphurea est, & bituminis vicina est natura: alibi limus, alibi terra: *Limus* ē Iudææ lacu emergēs: terra in Syria: vtūtur eo ad lucernarū lumina olei vice, *Plinius* libri tricesimi quinti capite decimo quinto. *Daphnis me*

malus] Simile est in *Theocrito*, *Idyllio* secundo,

δέλφιδος ἐμὲ ἀνίσσων, ἐγὼ δ' ἐπὶ δέλφιδι δάφναον

ἄρω.

Delphis me vexauit, ego autem in Delphide laurum

Pro.

P. RAMI PRAELECT.

Talis amor] Imprecatio est per similitudinem, qua furiosum & sine remedio amorem Daphnidi imprecatur. *Lucos*] Primo Aeneidos est,

Lucus in vrbe fuit media-

Vbi ait Seruius, Vbicunque Virgilius lucum ponit, sequitur etiam consecratio. Hic tamen Seruiana observatio non est catholica: nulla etenim consecratio hic intelligitur: sed lucos tanquam saltus & sylvas dixit Virgilius. *Propter*] Hic versus est in Ciri, sed paulum immutatus,

Rivum propter aquae viridi sub fronde latentem.

Vlua] aliàs herba legitur. Est autem vlua, herba palustris, vt Virgilius tertio Georgico indicat-

Nec vescas salicum frondes vlutamque palustrem.

Perdita] Versus est integer apud Varium de morte, vt Macrobius ait libro sexto Saturnali. *Talis amor*] Apodosis hæc erat præposita, sed nunc expletur. *Has*] Quintæ sunt causæ e defossis Daphnidis exuuiis: Syllogismi species hic quædam est:

Pignorum fides certa:

At hæ exuuiæ pignora sunt:

Earum igitur fides certa.

Exuuias] Metaphora est à bello, vbi spolia hostibus de tracta, propriè dicuntur exuuiæ. *Perfidus ille*] Periphrasis Daphnidis quomodo quarto Aeneidos ferè est,

-arma viri thalamo quæ fixa reliquit

Impius, exuuiasque omnes, lectumque iugalem

Quo perij super imponas.

Locus est secundo Idyllio,

ῥὺτ' ἀπὸ τῆς χλαῖνας τὸ κράσπεδον ὤλεσεν Δελφίς,

ὡς γὰρ νῦν τίθουσιν κατ' ἀγρίῳ ἐν πυρὶ βάλω.

Hanc à veste simbriam consumpsit Delphis,

Quam ego nunc velleus in acerbum ignem coniicio.

Limine] Idyllio secundo,

Θέστυλι, νῦν δὲ λαβῶσις τὸ τὰ θρόνα ταῦτ' ὑπόμαξον

τῆς τιμῆς φλιάς καθυπέρετρον.

Thestylis nunc capiens tu venena hæc illine

Illius limen supra.

Debent] Sententia propositionis vtcunque hinc potest elici. *Has herbas*] Sextæ causæ sunt è venenatis herbis, quarum triplex effectus exponitur: Lycanthropia, vmbra-
rum euocatio, frugū tractatio: Idyllio secundo talis vis describitur hippomanes:

*ἵππομανὲς, φύλ' ἔστι παρ' Ἀρκάσι, τῷ δ' ἐπὶ πᾶσι
καὶ πῶλοι μάινονται ἐν ὄρεσσι, καὶ θοαὶ ἵπποι.*

Hippomanes, planta est apud Arcades, hanc autem in omnes

Et pulli furiunt in montibus & veloces equæ.

Ponto] Pontus regio Asiæ: nunc Anatolia Turcorū est, cui Mithrydates olim rex præfuit, vt eius etiā venenis videatur iccirco præfuisse. Martialis libro quinto,

Perfecit poto Mithrydates sæpe veneno

Toxica ne possent sæua nocere sibi.

de Ponto rursus primo Georgico,

-viro sæque Pontus

Castorea-

Et Plinius aconitum herbam præsentissimi veneni apud Heracleam Ponti gigni ait libri vicesimi septimi capite secundo. Pontus interpreti cuidam insula est: Tu hanc interpretationem considerabis. *Ponto*] in medio, & Pōto in fine est epanodos. *Lupum*] de fabulâ luporum in homines conuersorum Plinius libri octauī capite vicesimo secundo ita scribit: Homines in lupos conuerti, rursūque restitui falsum esse confidenter estimare debemus, aut credere omnia quæ tot seculis fabulosa comperimus; vnde tamen ista vulgo infixa sit fama, in tantum, vt in maledictis versipelles habeant, indicabitur: Euanthes, inter authores Græciæ non spretus, tradit Arcadas scribere ex gente Antæi cuiusdam sorte familia electum ad stagnum quoddam regionis eius duci: vestitūque in quercu suspenso tranare, atque abire in desertā, transfigurarique in lupum: & cum cæteris eiusdem generis congregari per annos nouem: quo in tempore si homine se abstinerint, reuerti ad idem stagnum, &

tùm tranauerint, effigiem recipere ad pristinum habitum addito nouem annorum senio : additque Fabius eandem recipere vestem. Mirum est quò procedat græca credulitas. Nullum tam impudens mendacium est, vt teste careat. Hæc ille. Lycanthropia autem morbus est melancholicus, quo qui afficiuntur, *λυγάνθρωποι* dicuntur: lupos enim imitantur, in quos se conuersos putant: noctu exilientes, & ad diem vsque inter sepulchra diuersantes: eorum præpallet facies, oculi arescunt, subundi, tibis ex impactione crebra *ἀνιάτως*, id est, citra medelam vlcerosis: iidē & *λυκάωνες* appellantur, Cælius libri decimi quarti capite quadragesimo quinto.

Animas] Animas euocari nō solum Homerus author est vndecimo *Odyssææ*, sed sacra regum historia, vbi per mulierem Pythone afflatam Saul, animam Samuelis euocat, ab eaque impendentem sibi cladem cognoscit.

Messes] Metonymia est pro frugibus, de quibus in legibus duodecim tabularum, Qui fruges excantasset, vt Plinius libri vicesimi octauī capite secundo,

Nemo alienam segetem pellexeris:

Huc Plinij illud libri decimi octauī capite sexto sit operæ pretium addidisse. Nequeo mihi temperare quo minus vnum exemplum antiquitatis afferam, ex quo intelligi possit, apud populum etiam de culturis agendi morem fuisse, qualiter defendi soliti sint illi viri: Caius Furius Cresinus è seruitute liberatus, cū in paruo admodū agello largiores multo fructus perciperet, quàm ex amplissimis vicinitas, in inuidia magna erat, ceu fruges alienas pelliceret veneficiis: quamobrē à Spurio Albio Curuli die dicta metuēs damnationem, cū in suffragium tribus oporteret ire, instrumentum rusticum omne in forum attulit, & adduxit filiam validam, atque vt ait Piso, bene curatam ac vestitam, ferramenta egregiè facta, graues ligones, vomeres ponderosos, boues saturos. Postea dixit, Veneficia mea, Quirites, hæc sunt: nec possum vobis ostendere, aut in forum adducere lucubrationes, vigiliasque, & sudores: Omnium sententiis absolutus

absolutus itaque est. *Fer cineres*] Postea incantationis est caussa è cineribus: species enim fuit incantationis πυρομαντία: cuius exemplum est in vita Ciceronis apud Plurarchum: nam cum Cicero de suppliciis coniuratorum sollicitus esset: tum inter sacra domestica ab ara sacrorum cum iam pridem sopitus ignis esset, è cineribus ac fomentorum reliquiis longa & pura quidem flamma subito emicuit: cæteris itaque perterrefactis, virgines vestales mox iussere Terentiam virum conuenire, iubereque ut pro patria non dubitaret ea perficere quæ cogitaret, ceu præsens Dea ingens lumen ad illius gloriam salutemque polliceretur. *Ne respexeris*] Nam deos inuitos respexisse, calamitosum fuit: sic Tiresias cum Dianam respexisset, oculis priuatus est: & Eurydicæ præceptum erat ne respiceret: Denique Lothi vxor, cum dei spreto mandato respexisset, versa est in statuam salis, ut est decimonono capite geneleos: & id nimirum est antea quod diximus in illo versu,

-fatis est potuisse videri.

Aspice] proponitur euentus incantationis duplex: ignis flamma, & latratus canis. *Hylax*] Canis est fictum nomen, sicut apud Ouidium tertio metamorphoseos hylætor,

-et acutæ vocis hylætor:

à verbo græco ὕλαω vel ὕλακτέω, latro: & tale est in secundo Idyllio,

Θέστυλι τὰ κύνες ἄμμιν ἀνὰ πόλιν ὠροῦνται.

Thestyli, canes nobis per ciuitatem latrant.

An qui] Addubitatio est, qua tamen videtur infringi fides incantationum, tanquam incantamenta sint tantum somnia: & prouerbiū hinc esse Seruius indicat, quod græcis est ἰαντοῖς ὄναρο πολῆν, sibi ipsi somnia interpretari. *Parcite*] Concluditur Alpheisibæi φαρμακέντρια, ut Damonis querimonia conclusa est,

Desine Menalios iam desine tibi versus.

ECLOGA NONA

Mæris.

Lycidas.

Mæris.

LY. **Q**Uò te Mæri pedes? an quò via ducit, in
urbem?

MOE. O Lycida viui peruenimus, aduena nostri
(Quod nunquam veriti sumus) vt possessor
agelli

Diceret: hæc mea sunt, veteres migrate co-
loni.

Nunc victi, tristes (quoniã sors oĩa versat)
Hos illi (quod nec bene vertat) mittimus
hædos.

LY. Certè equidẽ audierã, qua se subducere colles
Incipiunt, mollique ingum demitttere cliuo,
Vsque ad aquam, & veteris iam fracta cacu-
mina fagi,

Omnia carminibus vestrũ seruasse Menalcã. 10

MOE. Audieras, & fama fuit: sed carmina
tantum

Nostra valent Lycida tela inter Martia,
quantum

Chaonias dicunt aquila veniente columbas.
Quòd nisi me quãcunque nouas incidere lites
Antè

Antè sinistra caua monuisset ab ilice cornix, 15

Nec tuus hic Mæris, nec viueret ipse Menalcas.

Hæu cadit in quenquam tantum scelus? hæu 15
tua nobis

Penè simul tecum solatia rapta Menalca?

Quis caneret Nymphas? quis humum floren-
tibus herbis

Spargeret? aut viridi fôtes induceret Vmbra? 20

Vel quæ sublegi tacitus tibi carmina nuper,
Cû te ad delicias ferres Amaryllida nostras?

Tityrêdû redeo (breuis est via) pasce capellas:

Et potum pastas age Tityre: & inter agendû
Occursare capro (cornu ferit ille) caueto. 25

Imò hæc, quæ Varo, necdum perfecta ca-
nebat: MOE.

Vare tuum nomen (superet modò Mantua
nobis:

Mantua væ misera nimium vicina Cremonæ)
Cantantes sublimè ferent ad sydera cygni.

Sic tua Cyrneas fugiant examina taxos: 15. 30

Sic cytiso pastæ distentent vbera vaccæ.

Incipe si quid habes: & me fecere poëtam

Pierides: sunt & mihi carmina: me quoque
dicunt

Vatem pastores: sed non ego credulus illis.

Namneque adhuc Varo videor, nec dicere
Cinna

35

Digna, sed argutos iter strepere anser olores.

MOE. Id quidem ago, & tacitus, Lycida mecum
ipse voluto,

Si valeã meminisse, neque est ignobile carmẽ.

Huc ades ô Galatea: quis est nam ludus in
vndis?

Hic ver purpureũ: varios hinc flumina circũ

40

Fundit humus flores: hinc candida populus
antro

Imminet: & lentæ texunt umbracula vites.

Huc ades: insani feriant sine littora fluctus.

LY. Quid? quæ te pura solum sub nocte canentem

Audieram: numeros memini, si verba tenerẽ.

45

MOE. Daphni quid antiquos signorũ suspicis ori?

Ecce Dionæi processit Cæsaris astrum:

Astrũ, quo segetes gauderent frugib⁹, & quo

Duceret apricis in collibus vna colorem.

Insere Daphni pyros, carpent tua poma ne-
potes.

50

Omnia fert ætas, animum quoque: sæpe ego
longos

Cantando puerum memini me condere soles.

Nunc oblita mihi tot carmina, vox quoque

Mœrim

Iam fugit ipsa. lupi Moerim videre priores.
 Sed tamē ista satis referet tibi sæpē Menalcas. 55
 Causando nostros in longum ducis amores. LY.
 Et nunc omne tibi stratum silet aquor: &
 omnes,

Aspice, ventosi ceciderunt murmuris auræ:
 Hinc adeò media est nobis via: nanque se-
 pulchrum

Incipit apparere Bianoris: hîc, vbi densas 60
 Agricola stringūt frōdes, hîc Moeri canam?
 Hîc hoedos depone, tamen veniem⁹ in vrbe,
 Aut sinox pluuiā ne colligat antè veremur,
 Cātantes licet vsque (minus via lædet) eam⁹.
 Cantantes vt eamus, ego hoc te fasce leuabo. 65
 Desine plura puer: et quod nūc instat, agam⁹. MOE.
 Carmina tum melius, cūm venerit ipse, cane-
 mus.

IN NONAM ECLOGAM.



ECLOGA nona hunc fere syllogismum
 continet.

Indignum est Virgilium agris expelli,
 & vexari:

At id factum est:

Indignum igitur.

Ad assumptionis vim præcedit querimonia iniuriæ
 Virgilio factæ. Quod te] Occasio eclogæ sumitur è Mœ-
 ri procuratore Virgilij, deferente hœdos ad Arrium seu

Milonem Toronem, ut Probus appellat, centurionem, à quo Virgilius eiectus & penè interemptus fuerat: è sc̃ptimo Idyllio est:

σιμικήδα, πῶς δὴ τὸ μεσημέριον πόδας ἔλκεις;
Simichida, quò iam in meridie pedes trahis?

Et 13. Idyl. -ὃ δ' ἄρ' ὅπως ἄρον, ἐχώρη μαινόμενος.

Hic autem quò pedes ducebant, ibat furens.

O *Lycida*] Prima pars assumptionis, quòd Virgilius sit agris eiectus: vbi dissimile est: Nunquam videbatur ut eiiceremur agris, at eiecti sumus. Est autem Lycida via toris nomen ex Idyllio septimo. *Hæc mea*] Prosopopœia. *Nunc victi*] Antapodosis efficiente causa confirmatur. *Tristes*] Sic Bremius Sulpitio aurum appendenti & roganti cur ensẽm vnà cum baltheo exutum lancibus apponeret. Quid enim aliud (inquit) nisi dolor vicitis? *Sors*] Et certè in armis militum virtus, locorum opportunitas, sociorum auxilia, classes, cõmeatus multum iuuant: maximam verò partem, quasi suo iure sibi fortuna vëdicat, & quidquid est prosperè gestum, id penè omne ducit suum, ait Cicero pro Marco Marcello: & illud est apud Terentium, *Omnium rerum vicissitudo.*

Quod nec bene vertat] Imprecatio est, cui contraria illa bonæ precationis formula, Bonum sit, ut sequente ecloga, item sc̃elix faustumque sit. *Certè*] Prolepsis velut è dissentaneis, ad assumptionis illustrationem, quod Virgilius dicatur agrum suum seruasse. *Quas*] Topographia est agri Virgiliani è suis finibus, monte, Minicio, fago: qualis ecloga prima attingitur.

Menalcam] Quintilianus libri octauì capite sexto allegoriam hic efficit sine vlla translatione: Hoc enim loco (ait) præter nomen, cætera propriis decisa sunt verbis: verum non pastor Menalcas, sed Virgilius est intelligendus. Hæc ille: In quo allegoriam facit, labitur: est enim sola per similitudinem quandã metaphora in verbo, Menalcas. *Audieras*] Solutio prolepseos, vbi cõceditur argumentum, sed eius conclusio negatur, idque parium collatione declaratur. *Chaonias*] Chaonia

nia regio est Epiri, vbi quondam in sylua Dodonea colūbæ dicuntur humana voce oracula reddidisse: idēoque collationem hanc Seruius de auguriis interpretatur, quia maiora sunt in aquilis, in columbis minora. At præstat intelligere de virtute aquilæ supra columbas excellentē: quæ Aeneidos vndecimo, comparationē illa declaratur, de Camilla filium Enni longissimē viribus superante:

*Quam facile accipiter saxo sacer ales ab alto
Consequitur pennis sublimem in nube columbam,
Comprensamque tenet, pedibusque euiscerat vncis,
Iam cruor & vulsæ labuntur ab athere penna.*

Quod nisi] Additur ad agri amissionem vitæ periculum. *Ante*] Hic versus defendit illum similem ecloga prima,

Sæpe sinistra caua prædixit ab ilice coruix:

Qui tamen à criticis vt adulterinus confoditur.

Heu] Propositio syllogismi sequitur: Indignum est Virgilium sic affici. *Heu heu*] Exclamatio est & anaphora, & apostrophe ad Menalcam. *Quis*] Anaphora vbi est periphrasis bucolici carminis, ex rebus ei subiectis.

Quis humum spargeret] pro humū sparsam caneret? qualis ecloga sexta oratio fuit,

Phaethontidas musco circumdat amara Corticis.

Pro, canit Phaethontidas circumdatas musco. Idyllio decimonono,

τίς ποτὶ σᾶ σύργῃ; μελίσθεται ὦ τριπόδατι;

τίς δ' ἐπὶ σοῖς καλάμοις θάσσῃ σόμας; τίς θρασὺς οὕτως;

Quis ad tuam fistulam canit ὁ optatissime?

Quis autem in tuis arundinibus ponet os? *quis audax* sic?

Titire] Variorū Menalcæ carminū inductio lōga sequitur, sed ferè abruptorū: vt si quis ad variā & excellentē Maronis poësim laudādū recitaret varios ex Bucolicis, Georgicis, Aeneide locos imperfectos: In primo Bucolica species. Locus est è tertio Idyllio,

τίτυρ' ἐμὴν τὸ κελὸν πεφιλαμένε, βόσκει τὰς ἄγας,

καὶ ποτὶ τὰν κρέαναν ἄγε τίτυρε, καὶ τὸν ἐνόρχαν,
τὸν λιβυκὸν κνάκωνα φυλάσσειο, μὴ τυ κορυφῇ,
Tityre, nobis pulchrè dilecte, pascē capellas,
Et ad fontem age Tityre, & coleatium
Illum Libycum album observa, ne te cornu feriat.

Tityre autem in principio & fine est epanalepsis.
Cornu ferit] Sic ecloga tertia:

-pascite taurum

Iam cornu petat & pedibus qui spargat arenam.

Imò] Secundum carmen superiore maius, quo Varus
laudatur, de quo fuit ecloga sexta,

-Siquis tamen hæc quoque si quis

Captus amore leget, te nostræ Vare myricæ,

Te nemus omne canet.

Vare] Apostrophe. Mantua] in fine & principio, est
anadiplosis: tametsi non est prius omnino in fine.

Væ] Exclamatio. Cremonæ] Quæ partes Bruti & Cas-
sij secuta, agros ideo amiserat. Cygni] scribitur græcè
κύκνος, & interdum latine cycnos, latine est olor, ut pau-
lò pòst,

-sed argutos inter strepere anser olores,

Hic autem metaphorâ poëtas significat, propter simi-
litudinem cantus & numinis: poëtarum enim deus est
Apollo, idemque cygnorum: de quo sic prima Tuscula-
na Cicero. Itaque commemorat, ut cygni, qui non sine
caussa Apollini consecrati sunt, sed quod ab eo habere
diuinationem videantur, quia prouidētes quid in mor-
te boni sit, cum cantu & voluptate moriantur: hæc Ci-
cero. Dicitur autem cygnus mortem præsentiens sua-
uissimè canere, eoque illud Martialis spectat:

Dulcia defecta modulatur carmina lingua

Cantator cygnus funeris ipse sui.

Plinius tamen, libri decimi capite vicesimo tertio, id
deridet. Olorum (inquit) morte narratur flebilis can-
tus, falsus, ut arbitror aliquot experimentis: sed cy-
gnus hic per metaphoram poëtas significat, quomodo
dixit Horatius de Pindaro quarto carminum,

Multa

Multi Dircaum leuat aura cygnum.

Sydera] Tales iam metaphoræ fuerunt,

Ipsi latitia voces ad sydera iactant Intonsi montes,

Ecloga quinta:& ibidem,

Daphnis ego in sylvis hinc vsque ad sydera notus.

Sublime] Eaque scuta quæ fuerant sublime fixa, sunt humi inuenta, Cicero de diuinatione. Idem, Nihil mea interest humine an sublime putrescam: prima Tusculana. Cato de re Rustica sublimiter dixit capite septuagesimo. Item Columella libri decimioctauo capite vndecimo. *Sic tua*] Secundum carmen, vbi primum comparatio est duorum similium.

Cyrnaeus] Cyrne insula est Thyrrheni maris, Corsica latinis est. *Taxos*] Taxus arbor est, quam Sestius scribit Smilacè à græcis vocari, & esse in Arcadia tam præsentis veneni, vt si qui sub ea dormiant, cibum uicè capiāt moriantur. Sunt qui & taxica hinc appellata dicunt venena, quæ nunc toxica dicimus, quibus sagittæ tingantur: repertum est innoxium fieri, si in ipsam clauus æreus adigatur. Plinius libri decimi sexti capite decimo. Seruius ait arborem esse venenatam, qua pastæ apes, mel amarissimum faciant: quod elegiarum primo Ouidius indicat,

Melle sub infami Corsica misit apis.

Distentent] ecloga quarta fuit,

Ipsa lacte domum referent distenta capellæ Vbera.

Incipe] Prouocatio est ex quadam pactione alterni carminis, cuius & caussa & effectus & testimonium proferatur. *Incipe*] Sic ecloga quinta,

Incipe Mopse prior, si quos aut Phyllidis ignes.

Pierides] De quibus ecloga tertia,

Pierides vitulam lectori pascite vestro,

& 6. *Pergite Pierides-*

& 8. *Dicite Pierides-*

Mihi me] Polypoton. *Poëtam*] Locus est ex Idyllio 7.

οὐ γὰρ ἐγὼ μοισαῖν χρυσὸν σόμα, κ' ἤμα λέγοντι
πάντες αἰοῖδ' ὄν ἀριστον, ἐγὼ δέ τις ἢ ταχυπαθεῖς.

ὃ δ' αὖν, ὃ γὰρ πω κατ' ἐμὸν νόον, ἔτε τὸν ἐσθλὸν
 σικελίδαν νίκημι τὸν ἐκ Σάμῳ, ἔτε φιλητὰν,
 αἰείδων, βᾶτραχος δὲ ποτ' ἀκρίδας ὥς τις ἐρίσδω.
Etenim musarum ego dulce os, et me dicunt
Omnes cantorē optimum: ego autē aliquis non credulus.
Non per terrā: nondum enim secundum meam mentem
neque bonum

Sicelidem vicerim illum ex Samo, neque Philetam,
Canens: rana autem ad locustas tanquam aliqua contēdo.

Sed non ego] Correctio confirmata testimonio.

Varo] Seruius legit hīc Vario, & Varium illum superiorem, belli ducem facit, hunc poetam, à quo nempe Virgilij sint opera correctā iussu Augusti, ut antea iam dictum est. *Cinna*] Scripsit hic poeta poema Smyrnam nomine, de quo Catullus:

Smyrna mei Cinna, nonam post denique messem

Quam caep̄ta est nonam quae edita post hyemem.

Sed argutos] Dissimile. *Anser*] Sensem duplicem ὁμοθυμία facit: vel enim anser auis inter aues olores, vel Anser poeta laudator Antonij triumviri. De quo sic Ovidius,

Cinna quoque huic comes, Cinnāque procacior Anser.

De quo est in Philippica decimatertia: De Phalerno anseres depellantur: agrum enim illum Antonius Anseri poetae donauerat. Idyllio septimo,

βᾶτραχος δὲ ποτ' ἀκρίδας ὥς τις ἐρίσδω.

Rana autem ad locustas tanquam aliqua contēdo.

Id quidem] Attentio ad proximum carmen ex adiunctis, praesenti commentatione & excellentia rei.

Huc ades] Quartum carmen quo Galatea inuitatur è mari ad terram ex adiunctis utriusque. Quale est Idyllio quinto,

ΛΑ. Ἀλλὰ γὰρ ἔρφ' ὧ δ' ἔρπε, καὶ ὕστερα βωκολιάξεις.

ΚΟ. ὃχ' ἐρῶ τλωεὶ, τούτῳ δρύες, ὧδ' ἐκύπερος,
 ὧδ' ἐκ καλὸν βομβεῖντι ποτὶ σμάνεσι μέλισσαι.
 ἐνθ' ὕδατος ψυχρῷ κραῖναι δύο, ταὶ δ' ἐπὶ δένδρεσσιν
 ὄρνιθες λαλαχέυντι, καὶ αἱ σκιὰ ὃδ' ἐν ὁμοίᾳ

τᾷ παρὰ τιν' ῥά κ' αὖ δὲ καὶ ἃ πίτυς ὑφ' ὅθε κώνυς.

I A. Sed enim veni huc, veni & postremo bucolicè canes.

CO. Non veniam illuc, hîc quercus, hîc cyperus,
Hîc bene resonant in aluearibus apes:
Hîc aqua frigida fontes duo: in arbore autem
Aues canunt, & umbra nihil similis
Isti apud te: mittit autem & pinus superne nucleos.

Item Idyllio vndecimo,

ἀλλ' ἀφίκεν τὸ ποτὶ μὲ, καὶ ἐξῆς ὁ δὲν ἔλασσαν.
τὰν γλαυκὰν δὲ θάλασσαν ἔα ποτὶ χέρσον ὄρεχθῆν.
Ἄ' δ' ὄντων τ' ὧν τρω παρ' ἐμὶν τὰν νύκτα διαξῆς.
ὅττι δάφναι τιμωὲ, ὅττι ῥ' αἰθναὶ κυπάριστοι,
ὅττι μέλας κιστὸς, ὅτ' ἄμπελος ἃ γλυκύκαρπος
ὅττι ψυχρὸν ὕδωρ, ᾧ μοι ἃ πολυδένδρεος Ἄιτνα
λευκὰς ἐκ χόνος ποτὸν ἀμβρόσιον προΐησι.
τίς καὶ τῶν δὲ θάλασσαν ἔχειν, ἢ κύμαθ' ἔλωιτο;
Sed veni tu ad me, & deinceps habebis nihil minus;
Glaucum autem mare sine in terram extendi,
Dulciter in antro apud me noctem deges;
Sunt lauri illic, sunt tenues cyparissi,
Est nigra hedera, est vinca dulcis fructus,
Est frigida aqua, quam mihi arborosa Actna
Alba ex niue potum diuinum præmittit.
Quis præ his mare habere vel vndas eligeret?

Talis loci commendatio fuit ecloga prima,
Fortunate senex hîc inter flumina nota.

Itē 3. Dicite, quandoquidem in molli confedimus herba.

& 5. Siue sub incertas zephyris motantibus umbras,

Itē 7. Et si quid cessare potes requiesce sub umbra.

Populus] Populus inter arbores quibus arbuſtatur ager
vitibus imprimis amica, vt Plinius libri decimi septimi
capite vicesimo. Quid] prouocatio ad quintum car-
men ex adiunctis temporis. Numeros] Numerus rhyth-
mum ſignificat, vt Quintilianus ait libri noni capite
tertio, vbi citat hunc verſum. Daphni] Quintum carmē
in laudem Iulij Cēſaris, in cuius ludis funebribus ſtella
crinita per ſeptem continuos dies fulſit, exorienz circa

vndecimam horam, creditumque est animam esse Cæsaris in cœlum recepti, & hac de causa simulachro eius additur in vertice stella. Suetonius in Iulio capite octogesimo. Est autem hîc dissimilitudo quædam ad messem & vindemiam: Non est tibi aliquod vetus signû spectandû, sed astrû Cæsaris: nisi malis de Augusto intelligere, cui signi cœlestis locus primo Georgico promittitur,

*Anne nouum tardis sidus te mensibus addas,
Quâ locus Erigonem inter Chelâsque sequentes
Panditur: ipse tibi iam brachia contrahit ardens
Scorpius, et cœli iusta plus parte relinquit.*

Signorum] Signa ex multis stellis constant, qualia sunt toto cœlo quadraginta septē ab astrologis obseruata: viginti septē trionalia, duodecim in Zodiaco, quindecim meridionalia. Hîc tamē videtur pro simplici stella accipi. Dionai] Dione, mater est Veneris, vnde Aeneas, à quo Iulus, vnde Cæsar Iulius: vt Aeneidos primo,

Iulius à magno demissum nomen Iulo.

Astrum] græcum est, pro signo ex multis stellis composito: hîc pro singulari stella sumitur. Astrum Astrû.] Anadiplosis. Apricis] Apricum ἀνὰ ὀρεῖς, sine horrore, locus soli perpetuò obiectus: propriè opponitur opaco. Interest inter locos, opaci an aprici, ait in Partitionibus Cicero. Hinc ex subiecto per metonymiâ dicuntur aues apricæ, primo Aeneidos,

-et apricis statio gratissima mergis.

Item. -aprici meminisse senes,

ait Persius Satyra quinta. Duceret colorē] Periphrasis est ex adiunctis, pro maturesceret. Infere] Videtur esse cōsolatio quædā lamentationis illius (Inferenunc Melibœe pyros &c.) Ratio ex adiunctis & causis. Omnia fert] Omnium rerum vicissitudo. Lucretius,

-minui rem quàmque videmus,

*Et quasi longinquo fluere omnia cernimus auro,
Ex oculisque vetustatem subducere nostris.*

Et Ouidius decimoquinto metamorphoseos,
Tempus edax rerum, tūque inuidiosa vetustas

Omnia

Omnia destruitis.

Sape ego] Excusatio quædam non continuati carminis: Iuuenis multa carmina tenui: nunc oblitus sum, dissimilitudo est. *Condere*] Hic versus, ait Valla in Raudensem, licentiam poetica ostendit, qua ego non uter duntaxat in prosa. Dicerē enim sic: Memini me puerum condidisse, seu condere solitum esse: at Vallæ refragantur multa Ciceronis exempla. Memini te mihi Phænx cœnam narrare: ad Papyrium libro nono. Hoc memini dicere, sexta actione. Iuri studere te memini: primo de legibus. Attamen etiam præterito idem iungit. De comitiis meis & tibi me permississe memini: libro primo epistolarum ad Atticum. Meministis me ita distribuisse initio causam, pro Amerino. Itaque lapsus est hîc Valla. *Soles*] Metonymia pro dies, quia dies est mēsurā solaris motus. *Oblita*] passiuam significationem hîc notabis, qualis est frequens in participiis verborum deponentium. *Vox*] Illustratio ex simili & eius efficien-
te causa. *Lupi*] Theocritus Idyllio decimoquarto,

~ὃ φέρει, λύκον εἶδεις,

Non loqueris, lupum vidisti.

Hinc proverbiū: Lupus in fabula, dicitur, cū superuenitis de quo loquimur, & nobis sui præsentia, loquendi facultatem amputat. causa Physica est: creditur enim luporum visus esse noxius, vocēque homini quē priores contemplantur, adimere ad præsens, ait Plinius libri octauī capite vicesimo secundo. At si lupus ab homine prior visus fuerit, debilitatur, ait Constantinus libri decimi quinti capite primo: ut ἀντιπαράθεα hæc sit mutua. *Causando*] Sextum carmen abruptum, ut ferē superiora. Causari est causam dicere. *Silet*] Sic Aeneidos primo,

Aequora tuta silent.

Vbi periphrasis est Malaciæ ex suis efficientibus. Idyllio secundo,

ἦνι δὲ σιγᾷ μὲν πόντος, σιγῶντι δ' ἄῆται.

Ecce autem silet quidem pontus, silent autem venti.

Aequor] Quid tam planum quā mare? ex quo etiam

æquor illud poetæ vocant, ait Cicero in Lucullo: vbi synecdochen indicat generis pro specie. *Hinc*] Inuitatio est ad canendum, aut requiescendo aut progrediendo: pars vtraque suis adiunctis exponitur. *Bianoris*] Bianor qui & Ocnus dicitur, cōdidit Mantuam & nomine Mātus matris appellauit, vt Aeneidos decimo dicitur:

*Ille etiam patrius agmen ciet Ocnus ab oris
Fatidicæ Mantus, & Thusci filius amnis:
Qui muros matrisque dedit tibi Mantua nomen.*

Simile est septimo Idyllio,

κ' ἔπω τὰν μεσάταν ὁδὸν ἄνυμες, ἔδλε τὸ σᾶμα

Ἄ μιν τῷ Βρασίλῳ κατεφάνετο.

*Et nondum mediam viam confecimus, neque sepulchrum
Nobis Brasila apparebat.*

Cantantes vt eamus] Idem repetitum initiis, Anaphora est. *Vsq̃ue.*] Pro continenter, continuè. Sic à Terentio sumitur in Adelphis. *Quid potui melius? qui hodie vsque os præbui?* Idem à Cicerone ad Cornificium: Mihi quidem curæ erit vsque quid agas. Idyllio septimo,

Ἄ μάγε δὴ, ξυνὰ γὰρ ὁδὸς, ξυνὰ δὲ καὶ αἶψα,

βωκολισσώμεθα· ταχὺ ὥτερος ἄλλον ὄνασσει.

*Sed age iam, communis enim via, cōmunis autē & dies,
Canamus: fortè alter alterum iuuabit.*

Desine] Conclusio eclogæ per collationem dissimilium: Negotium nostrum nunc agamus, aliàs canemus.

Desine] simile illud fuit ecloga quinta,
Sed tu desine plura puer, successimus antro.

ECLOGA DECIMA.

Gallus.

Extremum hunc *Arethusa* mihi concede laborem:

*Pauca meo Gallo. sed quæ legat ipsa Lycoris,
Carmina sunt dicenda: neget quis Carmina
Gallo?*

*Sic tibi cùm fluctus subter labère Sicanos,
Doris amara suam nõ intermisceat vndam. 5*

Incipe, sollicitos Galli dicamus amores:

Dum tenera attödent simæ virgulta capellæ.

Non canimus surdis: respödent omnia syluæ.

*Quæ nemora, aut qui vos saltus habuere
puellæ*

Naiades, indigno cùm Gallus amore periret? 10

*Nam neque Parnassi vobis iuga, nam ne-
que Pindi*

Vlla moram fecere: neque Aonia Aganippe.

Illum etiam lauri, illũ etiam fleuere myricæ:

Pinifer illum etiam sola subrupe iacentem

Manalus, & gelidi fleuerunt saxa Lycai. 15

Stant & oues circũ, nostri nec pœnitet illas:

Nec te pœniteat pecoris diuine pöeta.

Et formosus oues ad flumina paut Adonis:

Venit & vplio: tardi venère bulbuci:

Vuidus hyberna venit de glande Menalcas. 20

Oës, vnde amor iste: rogāt, tibi venit Apollo,

Galle quid insanis: inquit: tua cura Lycoris

*Përque nives alium, përque horrida castra
secuta est.*

Venit & agresti capitis Sylvanus honore,
 Florentes ferulas, & grandia lilia quassans: 25
 Pandens Arcadiæ venit: quæ vidimus ipsi,
 Sanguineis ebuli baccis, minioque rubentem.
 Et quis erit modus? inquit: amor non talia
 curat:

Nec lachrymis crudelis amor, nec gramina
 riuus

Nec cytiso saturatur apes, nec fronde capellæ 30
 Tristis at ille, tamē cātabitis Arcades, iquit,
 Montibus hæc vestris: soli cantare periti
 Arcades. ô mihi tum quàm molliter ossa
 quiescant,

Vestra meos olim si fistula dicat amores.
 Atque vrinā ex vobis vnus, vestriq; fuissē 35
 Aut custos gregis, aut maturæ vinitor vna.
 Certè siue mihi Phyllis, siue esset Amyntas,
 Seu quicunque furor (quid tum, si fuscus
 Amyntas?

Et nigrae violæ sunt, & vaccinia nigra)
 Mecum inter salices lenta sub vite iaceret. 40
 Serta mihi Phyllis legeret, cātaret Amyntas.
 Hîc gelidi fontes: hîc mollia prata Lycori,
 Hîc nemus: hîc ipso tecum consumerer æuo.
 Nûc insan' amor duri me Martis in armis,
 Tela iter media, atq; aduersos detinet hostes. 45

Tu procul à patria (nec sit mihi credere) tātū
Alpinas ah dura niues, & frigora Rheni

Me sine sola vides, ah te ne frigora lædant:
Ah tibi ne teneras glacies secet aspera plātas.
Ibo & Chalcidico quæ sunt mihi condita 50
versu

Carmina, pastoris Siculi modulabor auena.

Certum est in syluis, inter spelæa ferarum
Malle pati, tenerisque meos incidere amores
Arboribus: crescent illæ, crescetis amores.

Interea mistis lustrabo Manala Nymphis: 55

Aut acres venabor apros, nō me vlla vetabūt
Frigora Parthenios canib⁹ circūdare saltus.

Iam mihi per rupes videor, lucosque sonāteis
Ire. libet Partho torquere Cydonia cornu

Spicula: tanquam hæc sit nostri medicina 60
furoris:

Aut de⁹ ille malis hominū mitescere discat.

Iam neque Hamadryades rursus, nec carmi-
na nobis

Ipsa placent: ipsæ rursus concedite syluæ.

Non illum nostri possunt mutare labores,

Nec si frigorib⁹ mediis, Hebrumque bibamus 65

Sithoniæque niues hyemis subeam⁹ aquosæ:

Nec si cūm moriens alta liber aret in vlmo,

Aethiopum versemus oves sub sydere Cæcri.

OMNIA vincit amor: & nos cedamus
amori.

Hæc sat erit diuæ vestrum cecinisse poëtam, 70
Dum sedet, & gracili fiscellâ texit hibisco,
Pierides, vos hæc facietis maxima Gallo:
Gallo, cuius amor tātū mihi crescit in horas
Quantū vere nouo viridis se subiicit alnus.
Surgamus, solet esse grauis cātantib⁹ umbra: 75
Iuniperi grauis umbra: nocent & frugibus
umbrae.

Ite domū saturæ, venit Hesper⁹, ite capellæ.

IN DECIMAM ECLOGAM.



ECLOGA decima deplorat Galli amo-
res in Cytherida: de quo satis ecloga
sexta. Partem deplorationis Virgilius
persona sua sustinet, partem Gallus ip-
se. Argumentum est tempore descriptę
eclogæ antiquius, & antequam Virgi-
lius agros suos amisisset, amores hi contigerant.

Extremum] Exorditur ab inuocatione musæ Theocri-
tiæ, quam per Arethusam ex subiecto nempe suo signifi-
cat: Ita se Theocriti discipulum profitetur ecloga quar-
ta & sexta. *Extremum*] Inuocationes quatuor antea fue-
runt: ecloga quarta,

Sicelides Musæ paulo maiora canamus:

Deinde 6. *Pergite Pierides, Chromis. &c.*

Item 7. *Nymphæ, noster amor⁹ Lybethrides, &c.*

Item 8. *Dicite Pierides, &c.*

Arethusa] In quarta Syracusarum parte, quæ insula di-
citur, fons est aquæ dulcis, cui nomen Arethusa est, in-
credibili magnitudine, plenissimus piscium: Qui fluctu
totus

totus operiretur, nisi munitione & mole lapidum à mari disjunctus esset. Hæc Cicero sexta Actiōe. Per Arethusam igitur, significat Syracusanas & Theocritias musas: nominatur autem Arethusa primo Idylliō,

-χαῖρ' Ἀρεθούσα,
καὶ ποταμοὶ τοὶ χεῖτε καλὸν κατὰ Θύμβριδος ὕδωρ.
-Vale Arethusa,

Et fluij qui funditis pulchram iuxta Thymbridē aquā.

Gallo] In medio & fine Epanodos est. Sic tibi] Illustratio ē simili: Sic aquas puras à marinis habeas, vt nobis fauebis. *Subterlabère*] In mirabilibus aquarum, fons hic enumeratur: Alpheus enim fluuius Elidis in Peloponneso creditur subter maria tanto maris interuallo lapsus in Arethusam erumpere. Quod Plinius libri secūdi capite centesimo tertio testatur: Quidā fluuij (ait) odio maris ipsa subeunt vada: sicut Arēthusa fons Syracusanus, in quo redduntur iacta in Alpheum, qui per Olym-
piam fluens Peloponnesiaco litori infunditur. quod etiā Virgilius tertio Aeneidos,

*Sicāno pratenta sinu iacet insula contra
Plemmyrium vndosum: nomen dixere priores
Ortygiā. Alpheum fama est huc Elidis annem
Occultas egisse vias subter mare: qui nunc
Ore Arethusa tuo Siculis confunditur vndis.*

Ortygia autem Virgilio hīc est illa quarta pars Syracusarū, quā Cicero vocat insulam. *Sicanos*] Sicani populi Hispaniæ à fluuiō Sicore dicti: hi duce Siculo, exclusis Aboriginibus Italiā tenuerūt, ab iisdem vicissim postea pulsi Siciliā occupauerunt: & suo nomine Sicaniā dixerunt. Alij putant à Sicano Cyclopi filio. *Doris*] filia Oceani & Tethyos: hīc per metonymiam pro mari.

Incipe] Propositio est eclogæ: Cantemus amores Gal-
li. Ratio ex adiunctis otio & attentione. *Sollicitos*] *Res est solliciti plena timoris amor*, ait Ouidius epistola prima: & Idyllio decimo,

Ἀλλὰ καὶ ὧ' φρόντισος ἔρωσ.

Sed inconsideratus amor. Et decimoquarto Idyllio,

P. RAMI PRAELECT.

χ' ὦ, τι τὸ φάρμακόν ἐστιν ἀμηχανέοντος ἔρωτος;
Et quæ medicina est immedicabilis amoris?

Sylva] Pro Echo, ait Seruius: metonymiam malo pro pastoribus sylvarum. *Quæ nemora*] Musas accusat veluti negligentes Gallum, cùm tamen ab omnibus delectatur. Dissimilitudo est, cuius propositio significat Gallum, spretis literarum studiis, in amores tam indignos incidisse. Locus est ex Idyllio primo.

παῖ ποκ' ἄρ' ἦδ' ὄχα δάφνης ἐτάμετο, παῖ ποκ' νύμφαι
 ἢ κατὰ πλωζῶ καλὰ τέμπεα, ἢ κατὰ πίνδω;
 ὅ γὰρ δὴ ποταμῷο μέγαν ῥ' ὄον εἶχετ' Ἀνάπω,
 ὅνδ' Ἀἴγνας σκοπιᾶν, ὅδ' Ἀκιδος ἱερὸν ὕδωρ.

Vbi tunc eratis, quando Daphnis contabuit, vbi tunc nymphae?

An per Penci pulchra tempe, an per Pindi?

Non enim fluminis magnum fluxum habebatis Anapi:

Neque Aetnae speculam, neque Acidis sacram vndam.

Naiades] De quibus ecloga secunda,

-tibi candida Nais.

Vbi synecdoche est ex specie significans genus.

Parnass] Parnassus mons Phocidis, vt Pindus Thessalix, Apollini sacri. *Aonia*] Probus legit Aoniae Aganippe, vt licentia sit talis, qualis est,

Insule Ionio in magno tertio Aeneidos.

Aganippe] Fons est Bœotix sacer musis, vocatur & Hip pocrene. *Illum etiā*] Antapodosis sequitur, lōga & hyperbolica inductione Gallū deplorantiū: qualis est Idyllio primo de Daphnide, etiā ecloga quinta. *Laur*] Sic ferē ecloga quinta,

*Extinctum Daphnim crudeli funere nymphae
 Flebant: vos coryli testes, & flumina nymphis:
 Daphni tuum Pænos etiam ingemuisse leones
 Interitum, montesque feri, sylvaëque loquuntur.*

Vbi & Theocriti locus citatus est: multo autem copiosior est. argumenti similis locus Idyllio decimonono,

Ξῆνο βίων ἐκλαυσέταχ' ὅν μόνον ἄντ' ὅς Ἀπόλλων,
 καὶ σάτυροι μύροντο, μάλ' Ἀχαιοί τε πρίηποι,

καὶ πάντες σπονδαίῃσι τὸ σὸν μέλος, αἶτε καθ' ὕλαιν
κρανίδες ὠδύραντο, καὶ ὕδατα δάκρυα ρέοντο.

*Tui Bion fleuit velocem mortem ipse Apollo,
Et satyri fleuerunt, nigrarumque vestium Priapi:
Et Panes suspirauerunt hunc tuum cantū: hique in Sylua
Fonticuli fleuerunt, et aquae lachrymas ceperunt.*

Pinifer] Sic ecloga octaua,
*Manalus argutumque nemus, pinosque loquentes
Semper habet-*

Lycæi] Lycæus, mons Arcadiæ Pani sacer, à quo Ly-
cæa sacra, quæ Romanis Lupercalia. Lycæi mentio est
Idyllio primo,

ὦ πᾶν πᾶν, εἴτ' ἐστὶ κατ' ὄρεα μακρὰ λυκαίων
O Pan Pan siue es iuxta montes longos Lycæi.

Nostri] Amantium pastorum. *Illas]* Sic ecloga quinta,
*Non vlli pastos illis egere diebus
Frigida Daphni boues ad flumina, nulla neque amnem
Libauit quadrupes, nec graminis attigit herbam.*

Nec te] Apostrophe per digressionem, vbi parium col-
latio duplex est. *Pænitet pænitet]* Polypoton. *Adonis]*
Filius Cyniræ regis Cypriorum, & Myrrhæ, adamatus
à Venere: è Theocrito versus est integer,

ὦραϊός χ' ὦ δῶνις ἐπεὶ καὶ μάλα νοµένῃ.
Formosus etiam Adonis quoniam et oues pascit.

Huius epitaphium mirè describitur vicesimo tertio
Idyllio apud Theocritum. *Opilio]* Pro opilio schemate
græco, ait Seruius, vt ὄρεα, ὄλυμπον pro, ὄρεα, ὄλυμπον.
Opilio autem tanquam ouilio, qui oues custodit.

Vuidus] Pinguis ait Seruius: humidus, qui humorem
habet extrinsecus: vuidus qui intus: & est hîc periphra-
sis cuiusdam porculatoris porcos glande saginantis.
Locus est ex Idyllio primo,

ἦνθον τοὶ βῶται, τοὶ ποιμένες ὦ πόλοι ἦνθον.
πάντες ἀνθρώπων, τί πάθοι κακόν ἦνθ' ὁ πρίηπος,
κ' ἦφα, δάφνι τάλαν, τί τὸ τάκεαι;
Venerunt bubulci, pastores, caprarj venerunt.

*Omnes interrogabant quod passus fuerit malum :
venit Priapus,
Et dixit, Daphni miser, quid tu liquefcis?*

Omnes] Finguntur decori gratia pastores interro-
gate, & Apollo diuinare : Dij autem ad consolandum
Galli amorem aduocantur, qui & ipsi amatores fue-
runt. Daphnes enim amator Apollo fuit.

Galle] Prosofopœia Apollinis consolantis Gallum.
Ratio est è remotione finis. cruciaris propter Lycorim:
at alium diligit. Simile est Idyllio primo,

ἦνθ' ἔρμας πρᾶτις αὖτ' ἔρεος, εἴ περ δὲ, Δάφνι,
τίς τυ καταιτρεύχει τίνοσ' ὦ γαθὲ τόσον ἔρασαι;

*Venit Mercurius primus à monte, dixit autem Daphni,
Quis te consumit? cuius o bone tantum amore caperis?*

Sed paulò pòst apertius,

-ἦνθ' ὁ πρίντος,
κ' ἦφα, Δάφνι τάλαν, τίτ' ἰκέαιζα δέτε κώρα
πᾶσι γὰρ ἀνὲ κράναν, πέντ' ἄλσος ποσὶ φορεῖται.

*-Venit Priapus,
Et ait, Daphni miser, quid tu liquefcis? puella autem
Omnem per fontem, omnia nemora pedibus fertur.*

Tua cura] Sic antea ecloga prima,

Nec tamen interea rauca, tua cura, palumbes.

Alium] Marcum Antonium in Gallia profectum in-
terpretes hîc appellant. *Sylvanus*] Sylvanus sylua-
rum deus suis adiunctis hîc describitur. *Quin*, ait Pli-
nius libri duodecimi capite primo, & Sylvanos Faunós
que & dearum genera syluis, ac sua numina, tanquam
& cœlo attributa, credimus. Sylvanus autem Cypa-
rissum amauit. *Ferulas*] Ferula arbor est Plinio li-
bri vicesimi quarti capite primo: duóque eius genera,
aliis herba, ideoque Clearchus dixit esse lignum, &
non lignû: sceniculo similis foliis & caule, nisi quòd cau-
lem habet multò altiore & crassiore: profert enim
spec

sæpe ternum cubitorum, & folia ipsa asperiora & latiora, ut Dioscorides, ait libri tertij capite 73. Nascitur locis calidis & transmarinis: olim magistri, manus puerorum ferula cædebant: de quo Martialis decimoquarto libro,

*Inuisæ nimium pueris, grataeque magistris
Clara Prometheo munere, ligna sumus.*

Et item sexto,

Ferulaeque tristes, sceptrâ pædagogorum.

Hinc Prouerbij species apud Iuuenalem Satyra prima,

Et nos ergo, manum ferula subduximus,

Pro, literas opera magistrorum didicimus. Dioscoridis interpretes putat hodie prorsus esse incognitam: at visitur in hortis Parisiensibus, qualis à Dioscoride describitur.

Grandia lilia] de his ecloga secunda,

-Tibi lilia plenis

Ecce ferunt nymphae calathis-

Nullis florum excellitas maior, ait Plinius libri vicesimiprimi capite quinto. *Pan*] Pan etiam suis adiunctis notatur. Hic autem Syringa nympham amauit.

Deus Arcadiæ] Sic ecloga quarta,

Pan etiam Arcadia mecum si iudice certet,

Pan etiam Arcadia dicat se iudice victum.

Sanguineis] Sic ecloga sexta eadem metaphora fuit,

Sanguineis frontem moris, & tempora pingit.

Minioque] Minium terra est rubra, qua colore rubro aliquid tingitur: Minium in voluminum quoque scriptura usurpatur, clarioreque literas, vel in auro, vel in marmore etiam in sepulchris facit. Plinius libri tricesimi tertij capite septimo. *Ecquis*] Consolatur Gallum, ut Apollo. Ratio consolationis item à finis remotione tribus similibus declarati.

Amor]

Amor] In sententiæ principio & fine, est Epanalepsis.

Gramina] Gramen interdum species est herbæ, quæ nulla est gravior iumentis, siue sit viridis, siue fœno siccata, ait Plinius libri vicesimi quarti capite decimono. Vulgo sanguinaria dicitur, de qua Dioscorides libri quarti capite vicesimo sexto. Aliquando generaliter omnem herbam significat, vt hîc, *Cytiso*] De quo ecloga prima, ad illum versum,

Florentem cytissum, & salices carpetis amaras.

Apes nunquam deerunt Cytisi pabulo contingente, ait Plinius libri decimi tertij capite vicesimo quarto.

Tristis] Adhuc Virgilij persona fuit: Galli tanquã Virgilio respõdents persona deinceps agitur, seipsum primum consolantis, ex adiunctis,

Si Arcades content amoris Galli, fortunatus erit:

At primum:

Secundum igitur.

Assumptio præcedit ex efficiendi facultate. Arcades ferè initio est & omnino in fine, Epanalepsis igitur est.

O mihi] Propositio est per exclamationem.

Molliter] Veteres crediderunt defunctis gratum, si leui & molli sepulchro tegerentur. Quod Iuuenalis indicat Satyra septima,

Dij maiorum vmbris tenuem, & sine pondere terram

Spirantésque crocos, & in urna perpetuum ver:

Qui præceptorem sancti voluere parentis

Esse loco.

Et Dido apud Ovidium,

Ascaniúsque suos feliciter impleat annos,

Et patris Anchisæ molliter ossa cubent.

Item Martialis,

Sit tibi terra levis, mollique tегaris arena.

Fistula] Metonymia. Atque *vtiram*] Optatio est, quæ detestatur sortem vitæ suæ, & rusticum optat se fuisse: Ratio ex adiunctis amoribus, & eorum deliciis sumitur.

Phyllis, Amyntas] Synecdochæ sunt pro puella, puero, sicut eloga quarta,

Alter

Alter erit tum Tiphys &c.

Quid tum] Prolepsis ex adiuncto colore, quæ paribus refutatur. *Nigra*] Locus è decimo Idyllio,

καὶ τὸ ἰὸν μέλαν ἔστι, καὶ ἡ γραπὴ ὑάκινθος·

Ἄλλ' ἔμπας ἐν τοῖς στεφάνοις τὰ πρῶτα λείπονται.

Et viola nigra est, & scriptus hyacinthus:

Sed tamen in coronis imprimis leguntur.

Et quiddam tale illud ecloga secunda,

Quamuis ille niger, quamuis tu candidus esses:

Alba ligustra cadunt, vaccinia nigra leguntur.

Lenta] Id epitheton iam fuit ecloga tertia,

Lenta quibus torno facili superaddita vitis.

Item 9. -Et lentæ texunt vmbracula vites.

Idyl. 10. χεῦσται ἀμφοτέροι κ' ἀνεκείμεθα τᾷ Ἀφροδίτῃ,
τὼς ἀντὶς μὲν ἔχρισται, καὶ ἡ ῥ' ὁδὸν, ἡ τὴν μᾶλλον.

Aurei ambósque recumberemus Veneri,

Fistulas quidem habens, vel rosam, vel tu malum.

Hic gelidi] Apostrophe ad Lycorim, quam reuocare nititur, ex dissimilibus locorum adiunctis: quale fuit argumentum nona ecloga:

Huc ades, ô Galatea, quis est nam ludus in vndis?

Ipsò æuo] id est, in perpetuum: æuum enim est sempiternum tempus, & propriè refertur ad deos.

Romulus in cælo cum diis immortalibus æuum

Degit, ait prima Tusculana Ennius.

Nunc insanus] Antapodosis, quòd Lycoris inter arma lónginqua versetur, in horridis locis. *Me*] meos amores intellige, per metonymiá subiecti pro adiuncto. *Alpinas*] Alpes sunt mótes quibus Italia à Germania Galliáque diuiditur. Alpes quasi Albes, quia ppetuo niuiú cādore albescant. *Rheni*] Rhenus fluuius ex Alpibus Lepontiis duobus diuersis riuís cōfluens, Galliá tandē Germaniámque diuidit, & in Oceanú Septentrionalem labitur.

Ab] Exclamatio quæ deinde repetita versuum principis facit anaphoram. *Ibo*] Decem proximis versibus proponit sibi Gallus amoris remedium, ex cōtrariis studiis, ac primùm è poëtico studio. *Calchidico*] Calchis ci-

uitas est Eubœæ, vnde Euphoriō elegiarū scriptor, quē Gallus transtulit: Calchidem Aristoteles Athenis profūgit, ibique interiit. *Modulabor auena*] Ecloga 1. fuit,
Sylvestrem tenui musam meditaris auena.

Et 6. *Agrestem tenui meditabor arundine musam.*

Illustratio est ex subiecta carminis Bucolici materia. *Spelæa*] *σπήλαιον*, græcum est, quodd latinis spelunca.

Arboribus] vel dicit sermone simplici, reuera in arboribus amātū nomina inscribere, vel mādare versibus Bucolicis, quorum materia est de teneris arboribus & syluis: vt vnā cū versuum fama, crescat amantiū quoque fama.

Interea] Secūdū remediū est ē peregrinatione & nouis amoribus. *Menala*] Mænalus, mons Arcadiæ: de quo antea: in plurali autē Mænala, vt hīc. *Aut acres*] Tertiū remediū ē venatione, illustratū subiectis, adiūctis, caussis. *Parthenios*] Parthenius, mons est Arcadiæ, dictus *ἀπὸ τῶν παρθένων* à virginibus, quæ illic venari consueuerant.

Lucosque] Et hic alter est lucus sine cōsecratiōe, cōtra Seruū, vt eclog. 8. *Per nemora atque altos quærēdo bucula lucos.*

Partho] Parthi sagittarij in bellis cōtra Romanos quā excelluerint, Romanæ docent historiæ. *Cydonia*] Cydonia ciuitas Cretæ, vna ē tribus eximia, in qua calami sūt spiculis aptissimi. *Cornu*] Metonymia pro arcu corneo.

Spicula] Spiculum est lancea breuis seu telum, ferro triāgulo, vnciarum nouem, hastili pedū quinque & semis. Vide Vegetium: Interdum sagitta est, vt hīc: aliàs etiam ferrum vel aculeus sagittæ. *Tanquam*] Proponitur eorū studiorū finis, amoris nempe remediū. *Furoris*] Synecdoche generis pro specie: vt paulò antè, *Sen quicumque furor.* *Deus ille*] Periphrasis amoris. *Iam neque*] Repudiat inconstanter ea tria remedia, & illis propositum finem tollit. *Hamadryades*] Nymphæ, quæ simul cū arboribus & oriūtur, & intereunt, vt iam dixi. *Sylue*] Metonymia subiecti pro adiuncta venatione. *Nec si*] Dissimilitudo eōdem spectans: Quamuis summis & caloribus & frigoribus te exerceas, amorē tamen nequaquā vinces, *Hebrum*] Fluiū Thraciæ: Synecdoche totius pro parte,

parte,nempe vt ecloga prima,

Aut Ararim Parthus bibet,aut Germania Tigrim.

Sithoni:isque] Sithon mons Thraciæ, cuius accolæ Sithonij dicuntur, vnde Orpheus, sicut antè dictum est ecloga quarta. *Moriens*] Periphrasis est summi æstus, ex eius effectis. *Canci*] vbi sol est altissimus, & proximus nobis, ideóque calidissimus. Metonymia efficientis causse pro effecto. Idyllio autè septimo imprecatio quædam est de frigoribus hyemis, & caloribus æstatis: vnde videtur hic locus assumptus,

ἔως δ' Ἡδωνῶν μὲν ὃν ἔρρει χίματι μέσσω,
ἔβρον παρ' ποταμὸν τετραμμένος, ἐγύθειν ἄρκτου·
ἐν δὲ θέρε πυμάτοισι παρ' Ἀθιοπέας νομέοις.
Sis quidem Edonorum in montibus hyeme media,
Hebrumque apud fluvium versus, prope Septentrionem:
In autem æstate ultimos apud Aethiopas pascas.

Omnia vincit amor] Cōcluditur hoc enthymemate Galli prosopopœia: Deinceps enim Virgilius loquitur, & hanc eclogam concludit apostrophe & inuocatione ad musas, vt hoc carmen licet tenue, Gallo tamen maximū efficiât. *Amor*] Pētemimeris est, post duos pedes breuē p lōga vsurpās. *Amor amor*] Polypoton. *Diua*] Synecdoche generis pro specie: musas enim inuocat. *Gracili*] periphrasis carminis tenui filo deducti. *Fiscellam*] Fiscus vnde fiscina vel fiscella diminuitur, sparteum est vtensile, ait Asconius, vel certè vimineum, vt calathi & quasili. *Hibisco*] Hibiscus hîc videtur pro iunco aut vimine accipi. *Pierides*]

Pierides vitulam lectori pascite vestro. fuit ecloga tertia.

-Pergite Pierides-

fuit sexta.

Dicite Pierides-

fuit octaua.

Gallo Gallo] In fine sententiæ præcedentis, & initio sequentis, est anadiplosis. *Quantum*] Declaratur amor in Gallum parium collatione. *Se subiicit*] id est crescit. *gamus*] Ratio claudēdæ eclogæ sumitur ex adiuncto i detrimento: vbi syllogismi species est quædam:

Vinbra grauis est cantantibus:

P. RAMI PRAELECT.

Hic Iuniperi est umbra:

Gravis igitur.

Nocent] Ratio propositionis è maioribus. Hic autē ver-
sus deest in quibusdam exemplaribus. Quòd autem no-
ceant frugibus umbræ, videbis primo Georgico ad il-
lum locum,

Efficiunt, aut umbra nocet &c.

Plinius libri tricesimi septimi capite 12. Non fastidien-
da hæc quoque scientia, atque non in vltimis ponenda,
quando, quibusque satis umbra aut nutrix aut nouerca
est. Idem libri vicesimi quarti capite octauo, ait Iuni-
peri accensæ odore serpentes fugari. *Ite*] Permissio hæc
conclusionis est loco : vbi & Epanodos eadem quæ fuit
ecloga prima,

Ite meæ quondam fælix pecus, ite capellæ.

Item septima,

Ite domum saturi, si quis pudor, ite iuueni.

F I N I S.